

經綸皆新語。足以正神器。宗廟尙爲灰。君臣俱下淚。陰峒地無軸。青海天軒輊。西極最瘡痍。連山暗烽燧。帝曰大布衣。藉卿佐元帥。坐看清流沙。所以子奉使。歸當再前席。適遠非歷試。須存武威郡。爲畫長久利。孤峰石戴驛。快馬金纏轡。黃羊飲不羶。蘆酒多還醉。踴躍常人情。慘澹苦士志。安邊敵何有。反正計始遂。吾聞駕鼓車。不合用騏驥。龍吟迴其頭。夾輔待所致。

送靈州李判官

羯胡腥四海。回首一茫茫。血戰乾坤赤。氛迷日月黃。將軍專策略。幕府盛才良。近賀中興主。神兵動朔方。

奉送郭中丞兼太僕卿充隴右節度使三十韻

詔發山西將。秋屯隴右兵。淒涼餘部曲。燁赫舊家聲。鳴鶴乘時去。驂驪顧主鳴。艱難須上策。容易卽前程。斜日當軒蓋。高風卷旆旌。松悲天水冷。沙亂雪山清。和虜猶懷惠。防邊詎敢驚。古來於異域。鎮靜示專征。燕薊奔封豕。周秦觸駭鯨。中原何慘曠。遺孽尙縱橫。箭入昭陽殿。笳吹細柳營。內人紅袖泣。王子白衣行。宸極妖星動。圖陵殺氣平。空餘金盃出。無復總帷輕。毀廟天飛雨。焚宮火徹明。衆恩朝共落。榆柳夜同傾。三月師逾整。羣胡勢就烹。瘡痍親接戰。勇決冠垂成。

妙譽期元宰。殊恩且列卿。幾時迴節鉞。戮力掃機槍。圭竇三千士。雲梯七十城。恥非齊說客。祇似魯諸生。通籍徵班忝。周行獨坐榮。隨肩趨漏刻。短髮寄簪纓。徑欲依劉表。還疑厭輔衡。漸衰那此別。忍淚獨含情。廢邑狐狸語。空邨虎豹爭。人頻墜塗炭。公豈忘精誠。元帥調新律。前軍壓舊京。安邊仍扈從。莫作後功名。

送楊六判官使西蕃

送遠秋風落。西征海氣寒。帝京氛祲滿。人世別離難。絕域遙懷怒。和親願結歡。敕書憐贊普。兵甲望長安。宣命前程急。惟良待士寬。子雲清自守。今日起爲官。垂淚方投筆。傷時卽據鞍。儒衣山鳥怪。漢節野童看。邊酒排金盃。夷歌捧玉盤。草肥蕃馬健。雪重拂廬乾。慎爾參籌畫。從茲正羽翰。歸來權可取。九萬一朝搏。

哭長孫侍御

道爲詩書重。名因賦頌雄。禮闈曾擢桂。憲府屢乘驄。流水生涯盡。浮雲世事空。惟餘舊臺柏。蕭瑟九原中。

奉贈嚴八閣老

扈聖登黃閣。明公獨妙年。蛟龍得雲雨。鸚鵡在秋天。客禮容疎放。官曹可接聯。新詩句句好。應任老夫傳。

天上秋期近。人閒月影清。入河蟾不沒。搗藥兔長生。只益丹心苦。能添白髮明。干戈知滿地。休照國西營。

留別賈嚴二閣老兩院補闕得雲字

田園須暫往。戎馬惜離羣。去遠留詩別。愁多任酒醺。一秋常苦雨。今日始無雲。山路時吹角。那堪處處聞。

晚行口號

三川不可到。歸路晚山稠。落雁浮寒水。饑鳥集戍樓。市朝今日異。喪亂幾時休。遠愧梁江總。還家尚黑頭。

獨酌成詩

燈花何太喜。酒綠正相親。醉裏從爲客。詩成覺有神。兵戈猶在眼。儒術豈謀身。苦被微官縛。低頭媿野人。

徒步歸行贈李特進自鳳翔赴郾州途經邠州作

明公壯年值時危。經濟實藉英雄姿。國之社稷今若是。武定禍亂非公誰。鳳翔千官且飽飯。衣馬不復能輕肥。青袍朝士最困者。白頭拾遺徒步歸。

人生交契無老少。

論心何必先同調。

妻子山中哭向天。

須公檄上追風驃。

九成宮

蒼山入百里。崖斷如杵臼。曾宮憑風迴。岌業土囊口。立神扶棟梁。鑿翠開戶牖。其陽產靈芝。其陰宿牛斗。紛披長松倒。揭礫怪石走。哀猿啼一聲。客淚迸林叢。荒哉隋家帝。製此今頽朽。向使國不亡。焉爲巨唐有。雖無新增修。尙置官居守。巡非瑤水遠。跡是雕牆後。我行屬時危。仰望嗟嘆久。天王狩太白。駐馬更搔首。

玉華宮

溪迴松風長。蒼鼠竄古瓦。不知何王殿。遺構絕壁下。陰房鬼火青。壞道哀湍瀉。萬籟真笙竽。秋色正蕭灑。美人爲黃土。況乃粉黛假。當時侍金輿。故物獨石馬。憂來藉草坐。浩歌淚盈把。冉冉征途閉。誰是長年者。

羌村三首

崢嶸赤雲西。日脚下平地。柴門鳥雀噪。歸客千里至。妻孥怪我在。驚定還拭淚。世亂遭飄蕩。生還偶然遂。鄰人滿牆頭。感歎亦歔歔。夜闌更秉燭。相對如夢寐。

【二】

晚歲迫偷生。還家少歡趣。嬌兒不離膝。畏我復卻去。憶昔好追涼。故繞池邊樹。

蕭蕭北風勁。撫事煎百慮。賴知禾黍收。已覺精牀注。如今足斟酌。且用慰遲暮。

【三】

羣雞正亂叫。客至雞鬪爭。驅雞上樹木。始聞叩柴荆。父老四五人。問我久遠行。手中各有攜。傾榼濁復清。莫辭酒味薄。黍地無人耕。兵革既未息。兒童盡東征。請爲父老歌。艱難愧深情。歌罷仰天歎。四座涕縱橫。

北征

皇帝二載秋。閏八月初吉。杜子將北征。蒼茫問家室。維時遭艱虞。朝野少暇日。顧慙恩私被。詔許歸蓬華。拜辭詣闕下。忱惕久未出。雖乏諫諍姿。恐君有遺失。君誠中興主。經緯固密勿。東胡反未已。臣甫憤所切。揮涕戀行在。道途猶恍惚。乾坤含瘡痍。憂虞何時畢。靡靡踰阡陌。人煙眇蕭瑟。所遇多被傷。呻吟更流血。回首鳳翔縣。旌旗晚明滅。前登塞山重。屢得飲馬窟。邠郊入地底。涇水中蕩潏。猛虎立我前。蒼崖吼時裂。菊垂今秋花。石戴古車轍。青雲動高興。幽事亦可悅。山果多瑣細。羅生雜橡栗。或紅如丹砂。或黑如點漆。雨露之所濡。甘苦齊結實。緬思桃源內。益歎身世拙。坡陀望鄜時。巖谷互出沒。我行已水濱。我僕猶木末。鷓鴣鳴黃桑。野鼠拱亂穴。夜深經戰場。寒月照白骨。潼關百萬師。往者散何卒。

遂令半秦民。殘害爲異物。況我墮胡塵。及歸盡華髮。經年至茅屋。妻子衣百結。慟哭松聲迴。悲泉共幽咽。平生所嬌兒。顏色白勝雪。見耶背面啼。垢膩脚不襪。牀前兩小女。補綴才過膝。海圖拆波濤。舊繡移曲折。天吳及紫鳳。顛倒在短褐。老夫情懷惡。嘔泄臥數日。那無囊中帛。救汝寒凜慄。粉黛亦解苞。衾裯稍羅列。瘦妻面復光。癡女頭自櫛。學母無不爲。曉妝隨手抹。移時施朱鉛。狼藉畫眉澗。生還對童稚。似欲忘饑渴。問事競挽鬚。誰能卽嗔喝。翻思在賊愁。甘受雜亂聒。新歸且慰意。生理焉得說。至尊尙蒙塵。幾日休練卒。仰觀天色改。坐覺妖氛豁。陰風西北來。慘澹隨回紇。其王願助順。其俗善馳突。送兵五千人。驅馬一萬匹。此輩少爲貴。四方服勇決。所用皆鷹騰。破敵過箭疾。聖心頗虛佇。時議氣欲奪。伊洛指掌收。西京不足拔。官軍請深入。蒼銳可俱發。此舉開青徐。旋瞻略恆碣。昊天積霜露。正氣有肅殺。禍轉亡胡歲。勢成擒胡月。胡命其能久。皇綱未宜絕。憶昨狼狽初。事與古先別。姦臣竟菹醢。同惡隨蕩析。不聞夏殷衰。中自誅喪妣。周漢獲再興。宣光果明哲。桓桓陳將軍。仗鉞奮忠烈。微爾人盡非。於今國猶活。淒涼大同殿。寂寞白獸闕。都人望翠華。佳氣向金闕。圖陵固有神。掃灑數不缺。煌煌太宗業。樹立甚宏達。

行次昭陵

舊俗疲庸主。羣雄問獨夫。識歸龍鳳質。威定虎狼都。天屬尊堯典。神功協禹謨。
 風雲隨絕足。日月繼高衢。文物多師古。朝廷半老儒。直詞寧戮辱。賢路不崎嶇。
 往者災猶降。蒼生喘未蘇。指麾安率土。盪滌撫洪鑪。壯士悲陵邑。幽人拜鼎湖。
 玉衣晨自舉。鐵馬汗常趨。松柏瞻虛殿。塵沙立暝途。寂寥開國日。流恨滿山隅。

重經昭陵

草味英雄起。謳歌曆數歸。風塵三尺劍。社稷一戎衣。翼亮貞文德。丕承戰武威。
 聖圖天廣大。宗祀日光輝。陵寢盤空曲。熊羆守翠微。再窺松柏路。還有五雲飛。

彭衙行

憶昔避賊初。北走經險艱。夜深彭衙道。月照白水山。盡室久徒步。逢人多厚顏。
 參差谷鳥吟。不見遊子還。癡女饑咬我。啼畏虎狼聞。懷中掩其口。反側聲愈噴。
 小兒強解事。故索苦李餐。一句半雷雨。泥濘相攀牽。既無禦雨備。徑滑衣又寒。
 有時經契濶。竟日數里閒。野果充糗糧。卑枝成屋椽。早行石上水。暮宿天邊煙。
 少畱詞家窪。欲出蘆子關。故人有孫宰。高義薄曾雲。延客已曛黑。張燈啓重門。
 煖湯濯我足。剪紙招我魂。從此出妻孥。相視涕闌干。衆雜爛漫睡。喚起露盤飢。

誓將與夫子。永結爲弟兄。遂空所坐堂。安居奉我歡。誰肯艱難際。豁達露心肝。
 別來歲月周。胡羯仍構患。何當有翅翎。飛去墮爾前。

喜聞官軍已臨賊境二十韻

胡騎潛京縣。官軍擁賊壕。鼎魚猶假息。穴蟻欲何逃。帳殿羅玄冕。轅門照白袍。
 秦山當警蹕。漢苑入旌旄。路失羊腸險。雲橫雉尾高。五原空壁壘。八水散風濤。
 今日看天意。遊魂貸爾曹。乞降那更得。尙詐莫徒勞。元帥歸龍種。司空握豹韜。
 前軍蘇武節。左將呂虔刀。兵氣回飛鳥。威聲沒巨鼇。戈鋌開雪色。弓矢向秋毫。
 天步艱方盡。時和運更遭。誰云遺毒螫。已是沃腥臊。睿想丹墀近。神行羽衛牢。
 花門騰絕漠。拓羯渡臨洮。此輩感恩至。羸俘何足操。鋒先衣染血。騎突劍吹毛。
 喜覺都城動。悲憐子女號。家家賣釵釧。只待獻香醪。

收京三首

仙仗離丹極。妖星照玉除。須爲下殿走。不可好樓居。暫屈汾陽駕。聊飛燕將書。
 依然七廟略。更與萬方初。

〔一〕

生意甘衰白。天涯正寂寥。忽聞哀痛詔。又下聖明朝。羽翼懷商老。文思憶帝堯。

叨逢罪己日。灑涕望青霄。

【三】

汗馬收宮闕。春城鏖賊壕。賞應歌杖杜。歸及薦櫻桃。雜虜橫戈數。功臣甲第高。萬方頻送喜。無乃聖躬勞。

送鄭十八虔貶台州司戶。傷其臨老陷賊之故。闕為面別。情見於詩。

鄭公樛散鬢成絲。酒後常稱老畫師。萬里傷心嚴譴日。百年垂死中興時。蒼惶已就長途往。邂逅無端出餞遲。便與先生應永訣。九重泉路盡交期。

臘日

臘日常年暖尚遙。今年臘日凍全消。侵陵雪色還萱草。漏洩春光有柳條。縱酒欲謀良夜醉。還家初散紫宸朝。口脂面藥隨恩澤。翠管銀罌下九霄。

奉和賈至舍人早朝大明宮

五夜漏聲催曉箭。九重春色醉仙桃。旌旗日暖龍蛇動。宮殿風微燕雀高。朝罷香煙攜滿袖。詩成珠玉在揮毫。欲知世掌絲綸美。池上于今有鳳毛。

杜少陵詩集卷六

宣政殿退朝晚出左掖

天門日射黃金勝。春殿晴曛赤羽旗。宮草霏霏承委珮。鐘煙細細駐游絲。雲近蓬萊常五色。雪殘鵝鵲亦多時。侍臣緩步歸青瑱。退食從容出每遲。

紫宸殿退朝口號

戶外昭容紫袖垂。雙瞻御座引朝儀。香飄合殿春風轉。花覆千官淑景移。晝漏稀聞高閣報。天顏有喜近臣知。宮中每出歸東省。會送鸞龍集鳳池。

春宿左省

花隱掖垣暮。啾啾棲鳥過。星臨萬戶動。月傍九霄多。不寢聽金鑰。因風想玉珂。明朝有封事。數問夜如何。

晚出左掖

晝刻傳呼淺。春旗簇仗齊。退朝花底散。歸院柳邊迷。樓雪融城濕。宮雲去殿低。避人焚諫草。騎馬欲雞棲。

題省中院壁

掖垣竹埤梧十尋，洞門對雷常陰陰。
腐儒衰晚謬通籍，退食遲迴違寸心。

送賈閣老出汝州

西掖梧桐樹，空留一院陰。
艱難歸故里，去住捐春心。

送翰林張司馬南海勅碑

冠冕通南極，文章落上台。
詔從三殿去，碑到百蠻開。

曲江陪鄭八丈南史飲

雀啄江頭黃柳花，鴉鵲鷓鴣滿晴沙。
近侍即今難浪跡，此身那得更無家。

曲江二首

一片花飛減卻春，風飄萬點正愁人。
江上小堂巢翡翠，苑邊高塚臥麒麟。

自知白髮非春事，且看欲盡花經眼。
丈人才力猶強健，莫厭傷多酒入唇。
細推物理須行樂，何用浮名絆此身。

野館穠花發，春帆細雨來。
且盡芳樽戀物華，豈榜青門學種瓜。

【一】

朝回日日典春衣，每日江頭盡醉歸。
穿花蛺蝶深深見，點水蜻蜓款款飛。

曲江對酒

苑外江頭坐不歸，水精宮殿轉霏微。
縱飲久判人共棄，懶朝真與世相違。

曲江對雨

城上春雲覆苑牆，江亭晚色靜年芳。
龍武新軍深駐輦，芙蓉別殿漫焚香。

奉答岑參補闕見贈

窈窕清禁闈，罷朝歸不同。
君隨丞相後，我往日華東。

奉贈王中允維

中允聲名久，如今契闊深。
共傳收庾信，不比得陳琳。

送許八拾遺歸江寧觀省。甫昔時嘗客遊此縣。於許生處乞瓦棺寺維摩圖樣。志諸篇末。

詔許辭中禁。慈顏赴北堂。聖朝新孝理。祖席倍輝光。內帛攀偏重。宮衣著更香。淮陰清夜驛。京口渡江航。竹引趨庭曙。山添扁枕涼。十年過父老。幾日賽城隍。看畫曾飢渴。追蹤恨淼茫。虎頭金粟影。神妙獨難忘。

因許八奉寄江寧晏上人

不見晏公三十年。封書寄與淚潸潸。舊來好事今能否。老去新詩誰與傳。棋局動隨幽澗竹。袈裟憶上泛湖船。問君話我爲官在。頭白昏昏只醉眠。

題李尊師松樹障子歌

老夫清晨梳白頭。玄都道士來相訪。握髮呼兒延入戶。手提新畫青松障。障子松林靜杳冥。憑軒忽若無丹青。偃蓋反走虬龍形。老夫平生好奇古。對此興與精靈聚。更覺良工心獨苦。松下丈人巾屨同。偶坐似是高山翁。時危慘澹來悲風。

得舍弟消息

風吹紫荆樹。色與春庭暮。花落辭故枝。風迴返無處。骨肉思書重。漂泊難相遇。

猶有淚成河。經天復東注。

送李校書二十六韻

代北有豪鷹。生子毛盡赤。渥洼騏驎兒。尤異是虎脊。李舟名父子。清峻流輩伯。人閒好少年。不必須白晝。十五富文史。十八足賓客。十九授校書。二十聲輝赫。衆中每一見。使我潛動魄。自恐二男兒。辛勤養無益。乾元元年春。萬姓始安宅。舟也衣綵衣。告我欲遠適。倚門固有望。斂衽就行役。南登吟白華。已見楚山碧。藹藹咸陽都。冠蓋日雲積。何時太夫人。堂上會親戚。汝翁草明光。天子正前席。歸期豈爛漫。別意終感激。願我蓬屋資。謬通金閨籍。小來習性懶。晚節慵轉劇。每愁悔吝作。如覺天地窄。羨君齒髮新。行己能夕惕。臨歧意頗切。對酒不能喫。迴身視綠野。慘澹如荒澤。老雁春忍饑。哀號待枯麥。時哉高飛燕。絢練新羽翮。長雲濕褒斜。漢水饒巨石。無令軒車遲。衰疾悲宿昔。

偈側行贈畢四曜

偈側何偈側。我居巷南子巷北。十日不一見顏色。自從官馬送還官。行路難行澁如棘。我貧無乘非無足。昔者相過今不得。不是愛微軀。非關足無力。徒步翻愁官長怒。此心炯炯君應識。

曉來急雨春風顛，睡美不聞鐘鼓傳。
 已令請急會通籍，男兒性命絕可憐。
 幸夷始花亦已落，況我與子非壯年。
 速宜相就飲一斗，恰有三百青銅錢。

贈畢四曜

才大今詩伯，家貧苦宦卑。飢寒奴僕賤，
 顏狀老翁爲。同調嗟誰惜，論文笑自知。

題鄭十八著作丈故居

台州地闊海冥冥，雲水長和島嶼青。
 酒酣懶舞誰相拽，詩罷能吟不復聽。
 蘇武看羊陷賊庭，方朔虛傳是歲星。
 窮巷悄然車馬絕，案頭乾死讀書螢。

瘦馬行

東郊瘦馬使我傷，骨節硃兀如堵墻。
 細看六印帶官字，衆道三軍遺路旁。
 絆之欲動轉欹側，皮乾剝落雜泥滓。
 毛暗蕭條連雪霜，此豈有意仍騰驥。

去歲奔波逐餘寇，驂孺不慣不得將。
 當時歷塊誤一蹶，委棄非汝能周防。
 天寒遠放雁爲伴，日暮不收烏啄糞。
 誰家且養願終惠，更試明年春草長。

義鶻行

陰崖二蒼鷹，養子黑柏顛。白蛇登其巢，
 力強不可制。黃口無半存，其父從西歸。
 斗上捩孤影，嗷哮來九天。修鱗脫遠枝，
 折尾能一掉。飽腸皆已穿，生雖滅衆雛。
 茲實鷲鳥最，急難心炯然。功成失所在，
 飄蕭覺素髮。涼欲衝儒冠，人生許與分。

畫鶻行

高堂見生鶻，颯爽動秋骨。初驚無拘攣，
 寫此神俊姿。充君眼中物，烏鵲滿樛枝。
 長翻如刀劍，人寰可超越。乾坤空崢嶸，
 吾今意何傷。願步獨紆鬱。軒然恐其出，
 側腦看青霄。寧爲衆禽沒，自有煙霧質。

端午日賜衣

宮衣亦有名。端午被恩榮。細葛含風軟。香羅疊雪輕。自天題處濕。當暑著來清。意內稱長短。終身荷聖情。

酬孟雲卿

樂極傷頭白。更長愛燭紅。相逢難袞袞。告別莫匆匆。但恐天河落。寧辭酒盞空。明朝牽世務。揮淚各西東。

至德二載甫自京金光門出。閉道歸鳳翔。乾元初。從左拾遺移華州。後與親故別。因出此門。有悲往事。

此道昔歸順。西郊胡正繁。至今猶破膽。應有未招魂。近侍歸京邑。移官豈至尊。無才日衰老。駐馬望千門。

寄高三十五詹事

安穩高詹事。兵戈久索居。時來知宦達。歲晚莫情疎。天上多鴻雁。池中足鯉魚。相看過半百。不寄一行書。

贈高式顏

昔別是何處。相逢皆老夫。故人還寂寞。削迹共艱虞。自失論文友。空知賣酒壺。

平生飛動意。見爾不能無。

題鄭縣亭子

鄭縣亭子澗之濱。戶牖憑高發興新。雲斷岳蓮臨大路。天晴宮柳暗長春。巢邊野雀羣欺燕。花底山蜂遠趁人。更欲題詩滿青竹。晚來幽獨恐傷神。

望岳

西岳峻嶒竦處尊。諸峰羅立似兒孫。安得仙人九節杖。拄到玉女洗头盆。車箱入谷無歸路。箭栝通天有一門。稍待秋風涼冷後。高尋白帝問真源。

早秋苦熱堆案相仍

七月六日苦炎蒸。對食暫餐還不能。常愁夜來皆是蝸。況乃秋後轉多蠅。東帶發狂欲大叫。簿書何急來相仍。南望青松架短壑。安得赤脚踏層冰。

觀安西兵過赴關中待命

四鎮富精銳。摧鋒皆絕倫。還聞獻士卒。足以靜風塵。老馬夜知道。蒼鷹饑著人。臨危經久戰。用急始如神。

【二】

奇兵不在衆。萬馬救中原。談笑無河北。心肝奉至尊。孤雲隨殺氣。飛鳥避轅門。

竟日留歡樂。城池未覺喧。

九日藍田崔氏莊

老去悲秋強自寬。興來今日盡君歡。蓋將短髮還吹帽。笑倩傍人為正冠。
藍水遠從千澗落。玉山高竝兩峰寒。明年此會知誰健。醉把茱萸仔細看。

崔氏東山草堂

愛汝玉山草堂靜。高秋爽氣相鮮新。有時自發鐘磬響。落日更見漁樵人。
盤剝白鴉谷口栗。飯煮青泥坊底芹。何為西莊王給事。柴門空閉鎖松筠。

遣興三首

我今日夜憂。諸弟各異方。不知死與生。何況道路長。避寇一分散。飢寒永相望。
豈無柴門歸。欲出畏虎狼。仰看雲中雁。禽鳥亦有行。

【二】

蓬生非無恨。漂蕩隨高風。天寒落萬里。不復歸本叢。客子念故宅。三年門巷空。
恨望但烽火。戎車滿關東。生涯能幾何。常在羈旅中。

【三】

昔在洛陽時。親友相追攀。送客東郊道。遊遊宿南山。煙塵阻長河。樹羽成皋閒。

回首載酒地。豈無一日還。丈夫貴壯健。慘戚非朱顏。

獨立

空外一鷺鳥。河閒雙白鷗。飄飄搏擊便。容易往來遊。草露亦多濕。蛛絲仍未收。
天機近人事。獨立萬端憂。

至日遣興奉寄北省舊閣老兩院故人二首

去歲茲晨捧御牀。五更三點入鷄行。欲知趨走傷心地。正想氤氳滿眼香。
無路從容陪語笑。有時顛倒著衣裳。何人卻憶窮愁日。日日愁隨一線長。

【二】

憶昨逍遙供奉班。去年今日侍龍顏。麒麟不動爐煙上。孔雀徐開扇影還。
玉几由來天北極。朱衣只在殿中閒。孤城此日腸堪斷。愁對寒雲雪滿山。

路逢襄陽楊少府入城戲呈楊四員外綰

寄語楊員外。山寒少茯苓。歸來稍暄暖。當為刷青冥。翻動龍蛇窟。封題鳥獸形。
兼將老藤杖。扶汝醉初醒。

冬末以事之東都湖城東遇孟雲卿復歸劉顥宅宿宴飲散因為醉歌

疾風吹塵暗河縣。行子隔手不相見。湖城城東一開眼。駐馬偶識雲卿面。

向非劉顛爲地主。且將款曲終今夕。天開地裂長安陌。人生會合不可常。

傾回鞭轡成高宴。休語艱難尙酣戰。寒盡春生洛陽殿。庭樹雞鳴淚如霰。

劉侯歡我攜客來。照室紅爐簇曙花。豈知驅車復同軌。

置酒張燈促華僎。禁窗素月垂秋練。可惜刻漏隨更箭。

閩鄉姜七少府設餚戲贈長歌

姜侯設餚當嚴冬。饜人受魚鮫人手。落碁何曾白紙濕。新歡便飽姜侯德。可憐爲人好心事。

昨日今日皆天風。洗魚磨刀魚眼紅。放筯未覺金盤空。清觴異味情屢極。於我見子真顏色。

河凍味魚不易得。無聲細下飛碎雪。偏勸腹腴愧年少。東歸食路自覺難。不恨我衰子貴時。

鑿冰恐侵河伯宮。有骨已剝背春葱。軟炊香飯綠老翁。欲別上馬身無力。悵望且爲今相憶。

戲贈閩鄉秦少府短歌

去年行宮嘗太白。今日時清兩京道。

朝回君是同舍客。相逢苦覺人情好。

同心不減骨肉親。昨夜邀歡榮更無。

每語見許文章伯。多才依舊能潦倒。

李鄂縣丈人胡馬行

丈人駿馬名胡驢。

前年避賊過金牛。

廻鞭卻走見天子。

朝飲漢水暮靈州。

自矜胡驢奇絕代。頭上銳耳批秋竹。洛陽大道時再清。

乘出千人萬人愛。脚下高蹄削寒玉。累日喜得俱東行。

一聞說盡急難才。始知神龍別有種。鳳臆龍鬣未易識。

轉益愁向駑駘輩。不比俗馬空多肉。側身注目長風生。

觀兵

北庭送壯士。貔虎數尤多。莫守鄴城下。斬鯨遼海波。

精銳舊無敵。

邊隅今若何。

妖氛擁白馬。

元帥待瑠戈。

憶弟二首

喪亂聞吾弟。饑寒傍濟州。即今千種恨。惟共水東流。

人稀書不到。

兵在見何由。

憶昨狂催走。

無時病去憂。

【二】

且喜河南定。不問鄴城圍。斷絕人煙久。東西消息稀。

百戰今誰在。

三年望汝歸。

故園花自發。

春日鳥還飛。

得舍弟消息

亂後誰歸得。他鄉勝故鄉。舊犬知愁恨。垂頭傍我牀。

直爲心厄苦。

久念與存亡。

汝書猶在壁。

汝妾已辭房。

不歸

河閒猶戰伐。汝骨在空城。從弟人皆有。終身恨不平。數金憐俊邁。總角愛聰明。面上三年土。春風草又生。

贈衛八處士

人生不相見。動如參與商。今夕復何夕。共此燈燭光。少壯能幾時。鬢髮各已蒼。訪舊半為鬼。驚呼熱中腸。焉知二十載。重上君子堂。昔別君未婚。男女忽成行。怡然敬父執。問我來何方。問答未及已。驅兒羅酒漿。夜雨剪春韭。新炊間黃粱。主稱會面難。一舉累十觴。十觴亦不醉。感子故意長。明日隔山岳。世事兩茫茫。

洗兵行

中興諸將收山東。捷書夜報清畫同。河廣傳聞一葦過。胡危命在破竹中。祇殘鄆城不日得。獨任朔方無限功。京師皆騎汗血馬。回紇餒肉葡萄宮。已喜皇威清海岱。常思仙仗過崆峒。三年笛裏關山月。萬國兵前草木風。成王功大心轉小。郭相謀深古來少。司徒清鑒懸明鏡。尚書氣與秋天杳。二三豪傑為時出。整頓乾坤濟時了。東走無復憶鱸魚。南飛覺有安巢鳥。青春復隨冠冕入。紫禁正耐煙花繞。鶴駕通宵鳳輦備。雞鳴問寢龍樓曉。

杜少陵詩集卷七

新安吏

攀龍附鳳勢莫當。天下盡化為侯王。汝等豈知蒙帝力。時來不得誇身強。關中既畱蕭丞相。幕下復用張子房。張公一生江海客。身長九尺鬚眉蒼。徵起適遇風雲會。扶顛始知籌策良。青袍白馬更何有。後漢今周喜再昌。寸地尺天皆入貢。奇祥異瑞爭來送。不知何國致白環。復道諸山得銀甕。隱士休歌紫芝曲。詞人解撰清河頌。田家望望惜雨乾。布穀處處催春種。淇上健兒歸莫嫻。城南思婦愁多夢。安得壯士挽天河。淨洗甲兵長不用。

客行新安道。喧呼聞點兵。借問新安吏。縣小更無丁。府帖昨夜下。次選中男行。中男絕短小。何以守王城。肥男有母送。瘦男獨伶仃。白水暮東流。青山猶哭聲。莫自使眼枯。收汝淚縱橫。眼枯即見骨。天地終無情。我軍取相州。日夕望其平。豈意賊難料。歸軍星散營。就糧近故壘。練卒依舊京。掘壕不到水。牧馬役亦輕。

況乃王師順，撫養甚分明。送行勿泣血，僕射如父兄。

潼關吏

士卒何草草，築城潼關道。大城鐵不如，小城萬丈餘。借問潼關吏，修關還備胡。要我下馬行，爲我指山隅。連雲列戰格，飛鳥不能踰。胡來但自守，豈復憂西都。丈人視要處，窄狹容單車。艱難奮長戟，萬古用一夫。哀哉桃林戰，百萬化爲魚。請囑防關將，慎勿學哥舒。

石壕吏

暮投石壕村，有吏夜捉人。老翁踰牆走，老婦出門看。吏呼一何怒，婦啼一何苦。聽婦前致詞，三男鄴城戍。一男附書至，二男新戰死。存者且偷生，死者長已矣。室中更無人，惟有乳下孫。孫有母未去，出入無完裙。老嫗力雖衰，請從吏夜歸。急應河陽役，猶得備晨炊。夜久語聲絕，如聞泣幽咽。天明登前途，獨與老翁別。

新婚別

兔絲附蓬麻，引蔓故不長。嫁女與征夫，不如棄路傍。結髮爲君妻，席不煖君牀。暮婚晨告別，無乃太匆忙。君行雖不遠，守遠赴河陽。妾身未分明，何以拜姑嫜。父母養我時，日夜令我藏。生女有所歸，雞狗亦得將。君今往死地，沈痛迫中腸。

誓欲隨君去，形勢反蒼黃。勿爲新婚念，努力事戎行。婦人在軍中，兵氣恐不揚。自嗟貧家女，久致羅襦裳。羅襦不復施，對君洗紅妝。仰視百鳥飛，大小必雙翔。人事多錯迕，與君永相望。

垂老別

四郊未寧靜，垂老不得安。子孫陣亡盡，焉用身獨完。投杖出門去，同行爲辛酸。幸有牙齒存，所悲骨髓乾。男兒既介冑，長揖別上官。老妻臥路啼，歲暮衣裳單。孰知是死別，且復傷其寒。此去必不歸，還聞勸加餐。土門壁甚堅，杏園度亦難。勢異鄴城下，縱死時猶寬。人生有離合，豈擇衰盛端。憶昔少壯日，遲迴竟長嘆。萬國盡征戍，烽火被岡巒。積屍草木腥，流血川原丹。何鄉爲樂土，安敢尙盤桓。棄絕蓬室居，塌然摧肺肝。

無家別

寂寞天寶後，園廬但蒿藜。我里百餘家，世亂各東西。存者無消息，死者爲塵泥。賤子因陣敗，歸來尋舊蹊。久行見空巷，日瘦氣慘悽。但對狐與狸，豎毛怒我啼。四隣何所有，一二老寡妻。宿鳥戀本枝，安辭且窮棲。方春獨荷鋤，日暮還灌畦。縣吏知我至，召令習鼓鞀。雖從本州役，內顧無所攜。近行止一身，遠去終轉迷。



家鄉既盡盡，遠近理亦齊。永痛長病母，五年委溝谿。生我不得力，終身兩酸嘶。

夏日歎

夏日出東北，陵天經中街。朱光徹厚地，鬱蒸何由開。上蒼久無雷，無乃號令乖。雨降不濡物，良田起黃埃。飛鳥苦熱死，池魚涸其泥。萬人尚流穴，舉目惟蒿萊。至今大河北，化作虎與豺。浩蕩想幽薊，王師安在哉。對食不能餐，我心殊未諧。眇然貞觀初，難與數子偕。

夏夜歎

永日不可暮，炎蒸毒我腸。安得萬里風，飄颻吹我裳。昊天出華月，茂林延疎光。仲夏苦夜短，開軒納微涼。虛明見纖毫，羽蟲亦飛揚。物情無巨細，自適固其常。念彼荷戈士，窮年守邊疆。何由一洗濯，執熱互相望。竟夕擊刁斗，喧聲連萬方。青紫雖被體，如不早還鄉。北城悲笳發，鶴鶴號且翔。況復煩促倦，激烈思時康。

立秋後題

日月不相饒，節序昨夜隔。玄蟬無停號，秋燕已如客。平生獨往願，惆悵年半百。罷官亦由人，何事拘形役。

貽阮隱居

陳雷風俗衰，人物世不數。塞上得阮生，迴繼先父祖。貧知靜者性，白益毛髮古。車馬入鄰家，蓬蒿翳環堵。清詩近道要，識子用心苦。尋我草廛微，寒裳踏寒雨。更議居遠村，避喧甘猛虎。足明箕穎客，榮貴如糞土。

遣興三首

下馬古戰場，四顧但茫然。風悲浮雲去，黃葉墜我前。朽骨穴螻蟻，又為蔓草纏。故老行歎息，今人尚開邊。漢虜互勝負，封疆不常全。安得廉頗將，三軍同晏眠。

【二】

高秋登寒山，南望馬邑州。降虜東擊胡，壯健盡不留。穹廬莽牢落，上有行雲愁。老弱哭道路，願聞甲兵休。鄴中事反覆，死人積如丘。諸將已茅土，載驅誰與謀。

【三】

豐年孰云遲，甘澤不在早。耕田秋雨足，禾黍已映道。春苗九月交，顏色同日老。勸汝衡門士，勿悲尚枯槁。時來展才力，先後無醜好。但訝鹿皮翁，忘機對芝草。

曹花門

花門天驕子，飽肉氣勇決。高秋馬肥健，挾矢射漢月。自古以為患，詩人厭薄伐。



修德使其來。羈縻固不絕。胡為傾國至。出入暗金闕。中原有驅除。隱忍用此物。公主歌黃鶴。君王指白日。連雲屯左輔。百里見積雪。長戟鳥休飛。哀笳曙幽咽。田家最恐懼。麥倒桑枝折。沙苑臨清渭。泉香草豐潔。渡河不用船。千騎常撒烈。胡塵踰太行。雜種抵京室。花門既須匄。原野轉蕭瑟。

佳人

絕代有佳人。幽居在空谷。自云良家子。零落依草木。關中昔喪亂。兄弟遭殺戮。官高何足論。不得收骨肉。世情惡衰歇。萬事隨轉燭。夫婿輕薄兒。新人美如玉。合昏尚知時。鴛鴦不獨宿。但見新人笑。那聞舊人哭。在山泉水清。出山泉水濁。侍婢賣珠迴。牽蘿補茅屋。摘花不插髮。采柏動盈掬。天寒翠袖薄。日暮倚修竹。

夢李白二首

死別已吞聲。生別常惻惻。江南瘴癘地。逐客無消息。故人入我夢。明我長相憶。恐非平生魂。路遠不可測。魂來楓林青。魂返關塞黑。君今在羅網。何以有羽翼。落月滿屋梁。猶疑照顏色。水深波浪濶。無使蛟龍得。

【二】

浮雲終日行。遊子久不至。三夜頻夢君。情親見君意。告歸常局促。苦道來不易。

江湖多風波。舟楫恐失墜。出門搔白首。若負平生志。冠蓋滿京華。斯人獨顛顛。孰云網恢恢。將老身反累。千秋萬歲名。寂寞身後事。

有懷台十八司戶

天台隔三江。風浪無晨暮。鄉公縱得歸。老病不識路。昔如水上鷗。今為罾中兔。性命由他人。悲辛但狂顧。山鬼獨一脚。蝮蛇長如樹。呼號傍孤城。歲月誰與度。從來禦魑魅。多為才名誤。夫子嵇阮流。更被時俗惡。海隅微小吏。眼暗髮垂素。鳩杖近青袍。非供折腰具。平生一杯酒。見我故人遇。相望無所成。乾坤莽回互。

遣興五首

蟄龍三冬臥。老鶴萬里心。昔時賢俊人。未遇猶視今。嵇康不得死。孔明有知音。又如墻坻松。用舍在所尋。大哉霜雪幹。歲久為枯林。

【二】

昔者龐德公。未曾入州府。襄陽耆舊閒。處士節獨苦。豈無濟時策。終竟長羅罟。林茂鳥有歸。水深魚知聚。學家隱鹿門。劉表焉得取。

【三】

陶潛避俗翁。未必能達道。觀其著詩集。頗亦恨枯槁。達生豈是足。默識蓋不早。

有子賢與愚。何其掛懷抱。

【四】

賀公雅吳語。在位常清狂。上疏乞骸骨。黃冠歸故鄉。爽氣不可致。斯人今則亡。山陰一茅宇。江海日清涼。

【五】

吾憐孟浩然。桓榻卽長夜。賦詩何必多。往往凌鮑謝。清江空舊魚。春雨餘甘蔗。每望東南雲。令人幾悲吒。

遺興二首

天用莫如龍。有時繫扶桑。頓轡海徒湧。神人身更長。性命苟不存。英雄徒自強。吞聲勿復道。真宰意茫茫。

【二】

地用莫如馬。無良復誰記。此日千里鳴。追風可君意。君看渥洼種。態與鶩駘異。不雜歸鷖閒。逍遙有能事。

遺興五首

朔風飄胡雁。慘澹帶砂礫。長林何蕭蕭。秋草萎更碧。北里富薰天。高樓夜吹笛。

焉知南隣客。九月猶絺綌。

【二】

長陵銳頭兒。出獵待明發。駢弓金爪鎗。白馬蹴微雪。未知所馳逐。但見暮光滅。歸來懸兩狼。門戶有旌節。

【三】

漆有用而割。膏以明自煎。蘭摧白露下。桂折秋風前。府中羅舊尹。沙道尚依然。赫赫蕭京兆。今爲時所憐。

【四】

猛虎憑其威。往往遭急縛。雷吼徒咆哮。枝撐已在脚。忽看皮寢處。無復睛閃爍。人有甚於斯。足以勸元惡。

【五】

朝逢富家葬。前後皆輝光。共指親戚大。總麻百夫行。送者各有死。不須羨其強。君看束縛去。亦得歸山岡。

秦州雜詩二十首

滿目悲生事。因人作遠遊。遲迴度隴怯。浩蕩及關愁。水落魚龍夜。山空鳥鼠秋。

西征問烽火。心折此淹留。

【二】

秦州城北寺。勝跡隗囂宮。苔蘚山門古。丹青野殿空。月明垂葉露。雲逐度溪風。清渭無情極。愁時獨向東。

【三】

州圖領同谷。驛道出流沙。降虜兼千帳。居人有萬家。馬駟朱汗落。胡舞白題斜。年少臨洮子。西來亦自誇。

【四】

鼓角緣邊郡。川原欲夜時。秋聽殷地發。風散入雲悲。抱葉寒蟬靜。歸山獨鳥遲。萬方聲一概。吾道竟何之。

【五】

西使宜天馬。由來萬匹強。浮雲連陣沒。秋草徧山長。聞說真龍種。仍殘老驄驕。哀鳴思戰鬪。迴立向蒼蒼。

【六】

城上胡笳奏。山邊漢節歸。防河赴滄海。奉詔發金微。士苦形骸黑。林疎鳥獸稀。

那堪往來戍。恨解鄴城圍。

【七】

莽莽萬重山。孤城石谷閒。無風雲出塞。不夜月臨關。屬國歸何晚。樓蘭斬未還。煙塵一長望。衰颯正摧顏。

【八】

聞道尋源使。從天此路廻。牽牛去幾許。宛馬至今來。一望幽燕隔。何時郡國開。東征健兒盡。羌笛暮吹哀。

【九】

今日明人眼。臨池好驛亭。叢篁低地碧。高柳半天青。稠疊多幽事。喧呼閔使星。老夫如有此。不異在郊坰。

【十】

雲氣接崑崙。涔涔塞雨繁。羌童看渭水。使客向河源。煙火軍中幕。牛羊嶺上邨。所居秋草靜。正閉小蓬門。

【十一】

蕭蕭古塞冷。漠漠秋雲低。黃鶴翅垂雨。蒼鷹饑啄泥。薊門誰自北。漢將獨征西。

不意書生耳。臨衰厭鼓鞀。

【十二】

山頭南郭寺。水號北流泉。老樹空庭得。清渠一邑傳。秋花危石底。晚景臥鐘邊。俛仰悲身世。溪風爲颯然。

【十三】

傳道東柯谷。深藏數十家。對門藤蓋瓦。映竹水穿沙。瘦地翻宜粟。陽坡可種瓜。船人近相報。但恐失桃花。

【十四】

萬古仇池穴。潛通小有天。神魚今不見。福地語真傳。近接西南境。長懷十九泉。何時一茅屋。送老白雲邊。

【十五】

未暇泛滄海。悠悠兵馬閒。塞門風落木。客舍雨連山。阮籍行多興。龐公隱不還。東柯遂疎懶。休鑷鬢毛斑。

【十六】

東柯好崖谷。不與衆峰羣。落日邀雙鳥。晴天卷片雲。野人矜險絕。水竹會平分。

採藥吾將老。兒童未遣聞。

【十七】

邊秋陰易夕。不復辨晨光。簷雨亂淋幔。山雲低度牆。鷓鴣窺淺井。蚯蚓上深堂。車馬何蕭索。門前百草長。

【十八】

地僻秋將盡。山高客未歸。塞雲多斷續。邊日少光輝。警急烽常報。傳聞檄屢飛。西戎外甥國。何得逆天威。

【十九】

鳳林戈未息。魚海路常難。候火雲峰峻。懸軍幕井乾。風連西極動。月過北庭寒。故老思飛將。何時議築壇。

【二十】

唐堯真自聖。野老復何知。曬藥能無婦。應門亦有兒。藏書聞禹穴。讀記憶仇池。爲報鷓鴣行。鷓鴣在一枝。

月夜憶舍弟

戍鼓斷人行。邊秋一雁聲。露從今夜白。月是故鄉明。有弟皆分散。無家問死生。

寄書長不達。況乃未休兵。

天末懷李白

涼風起天末。君子意如何。鴻雁幾時到。江湖秋水多。文章憎命達。魑魅喜人過。應共冤魂語。投詩贈汨羅。

宿贊公房

杖錫何來此。秋風已颯然。雨荒深院菊。霜倒半池蓮。放逐寧違性。虛空不離禪。相逢成夜宿。隴月向人圓。

赤谷西崦人家

躋險不自安。出郊已清目。溪迴日氣煖。逕轉山田熟。鳥雀依茅茨。藩籬帶松菊。如行武陵暮。欲問桃源宿。

西枝邨尋置草堂地。夜宿贊公土室二首

出郭眇細岑。披榛得微路。溪行一流水。曲折方屢渡。贊公湯休徒。好靜心跡素。昨枉霞上作。盛論巖中趣。怡然共攜手。恣意同遠步。捫蘿澀先登。陟巖眩反顧。要求陽岡煖。苦涉陰嶺互。惆悵老大藤。沈吟屈蟠樹。卜居意未展。杖策廻且暮。層嶺餘落日。草蔓已多露。

【二】

天寒鳥已歸。月出山更靜。土室延白光。松門耿疎影。躋攀倦日短。語樂寄夜永。明燃林中薪。暗汲石底井。大師京國舊。德業天機秉。從來支許遊。興趣江湖迴。數奇謫關塞。道廣存箕穎。何知戎馬閒。復接塵事屏。幽尋豈一路。遠色有諸嶺。晨光稍朦朧。更越西南頂。

寄贊上人

一昨陪錫杖。卜隣南山幽。年侵腰脚衰。未便陰崖秋。重岡北面起。竟日陽光留。茅屋買兼土。斯焉心所求。近聞西枝西。有谷杉柰稠。亭午頗和暖。石田又足收。當期塞雨乾。宿昔齒疾瘳。徘徊虎穴上。面勢龍泓頭。柴荆具茶茗。逕路通林丘。與子成二老。來往亦風流。

太平寺泉眼

招提憑高岡。疎散連草莽。出泉枯柳根。汲引歲月古。石閒見海眼。天畔滃水府。廣深丈尺閒。宴息敢輕侮。青白二小蛇。幽姿可時覩。如絲氣或上。瀾漫爲雲雨。山頭到山下。鑿井不盡土。取供十方僧。香美勝牛乳。北風起寒文。弱藻舒翠縷。明涵客衣淨。細蕩林影趣。何當宅下流。餘潤通藥圃。三春濕黃精。一食生毛羽。

東樓

萬里流沙道，西行過此門。但添新戰骨，不返舊征魂。樓角凌風迴，城陰帶水昏。

雨晴

天外秋雲薄，從西萬里風。今朝好晴景，久雨不妨農。塞柳行疎翠，山梨結小紅。

寓目

一縣葡萄熟，秋山苜蓿多。關雲常帶雨，塞水不成河。羌女輕烽燧，胡兒掣駱駝。

山寺

野寺殘僧少，山園細路高。麝香眠石竹，鸚鵡啄金桃。亂水通人過，懸崖置屋牢。

即事

聞道花門破，和親事卻非。人憐漢公主，生得渡河歸。秋思拋雲鬢，腰支賸寶衣。

遣懷

愁眼看霜露，寒城菊自花。天風隨斷柳，客淚墮清笳。水靜樓陰直，山昏塞日斜。

天河

常時任顯晦，秋至轉分明。縱被微雲掩，終能永夜清。含星動雙闕，伴月落邊城。

初月

光細弦初上，影斜輪未安。微升古塞外，已隱暮雲端。河漢不改色，關山空自寒。

擣衣

亦知戍不返，秋至拭清砧。已近苦寒月，況經長別心。寧辭擣衣倦，一寄塞垣深。

歸燕

不獨避霜雪，其如儻侶稀。四時無失序，八月自知歸。春色豈相訪，衆雛還識機。

促織

促織甚微細。哀音何動人。草根吟不穩。牀下意相親。久客得無淚。故妻難及晨。悲絲與急管。感激異天真。

螢火

幸因腐草出。敢近太陽飛。未足臨書卷。時能點客衣。隨風隔幔小。帶雨傍林微。十月清霜重。飄零何處歸。

蒹葭

摧折不自守。秋風吹若何。暫時花戴雪。幾處葉沈波。體弱春苗早。叢長夜露多。江湖後搖落。亦恐歲蹉跎。

苦竹

青冥亦自守。軟弱強扶持。味苦夏蟲避。叢卑春鳥疑。軒墀曾不重。剪伐欲無辭。幸近幽人屋。霜根結在茲。

杜少陵詩集卷八

除架

東薪已零落。瓠葉轉蕭疎。幸結白花了。寧辭青蔓除。秋蟲聲不去。暮雀意何如。寒事今牢落。人生亦有初。

廢畦

秋蔬擁霜露。豈敢惜凋殘。暮景數枝葉。天風吹汝寒。綠霑泥滓盡。香與歲時闌。生意春如昨。悲君白玉盤。

夕烽

夕烽來不近。每日報平安。塞上傳光小。雲邊落點殘。照秦通警急。過隴自艱難。聞道蓬萊殿。千門立馬看。

秋笛

清商欲盡奏。奏苦血霑衣。他日傷心極。征人白骨歸。相逢恐恨過。故作發聲微。不見秋雲動。悲風稍稍飛。

日暮

日暮風亦起。城頭烏尾訛。黃雲高未動。白水已揚波。羌婦語還笑。胡兒行且歌。

野望

清秋望不極。迢遞起層陰。遠水兼天淨。孤城隱霧深。葉稀風更落。山迴日初沈。

空囊

翠柏苦猶食。明霞高可餐。世人共鹵莽。吾道屬艱難。不禦井晨凍。無衣牀夜寒。

病馬

乘爾亦已久。天寒關塞深。塵中老盡力。歲晚病傷心。毛骨豈殊衆。馴良猶至今。

蕃劍

致此自僻遠。又非珠玉裝。如何有奇怪。每夜吐光芒。虎氣必騰上。龍身寧久藏。

風塵苦未息。持汝奉明王。

銅瓶

亂後碧井廢。時清瑤殿深。銅瓶未失水。百丈有哀音。側想美人意。應悲寒瓮沈。

送遠

帶甲滿天地。胡爲君遠行。親朋盡一哭。鞍馬去孤城。草木歲月晚。關河霜雪清。

送人從軍

弱水應無地。陽關已近天。今君度砂磧。累月斷人煙。好武寧論命。封侯不計年。

示姪佐

多病秋風落。君來慰眼前。自聞茅屋趣。只想竹林眠。滿谷山雲起。侵籬澗水懸。

佐還山後寄三首

山晚黃雲合。歸時恐路迷。翻寒人欲到。林黑鳥應棲。野客茅茨小。田家樹木低。

【一】

白露黃梁熟。分張素有期。已應春得細。頗覺寄來遲。味豈同金菊。香宜配綠葵。老人他日愛。正想滑流匙。

【三】

幾道泉澆圃。交橫落幔坡。葳蕤秋葉少。隱映野雲多。隔沼連香艾。通林帶女蘿。甚聞霜薤白。重惠意如何。

從人覓小胡孫許寄

人說南州路。山猿樹樹懸。舉家聞若咳。為寄小如拳。預晒愁胡面。初調見馬鞭。許求聰慧者。童稚捧應顛。

秋日阮隱居致薤三十束

隱者柴門內。畦蔬遶舍秋。盈筐承露薤。不待致書求。東比青芻色。圓齊玉筍頭。衰年關鬢冷。味暖併無憂。

秦州見勅目薛三據授司議郎畢四曜除監察與二子有故遠喜遷官兼述索居凡三十韻

大雅何寥濶。斯人尚典型。交期余潦倒。材力爾精靈。二子聲同日。諸生困一經。

文章開突奧。遷擢潤朝廷。舊好何由展。新詩更憶聽。別來頭併白。相見眼終青。伊昔貧皆甚。同憂歲不寧。栖遑分半菽。浩蕩逐流萍。俗態猶猜忌。妖氛忽杳冥。獨慚投漢閣。俱議哭秦庭。還蜀祇無補。囚梁亦固局。華夷相混合。宇宙一瓊腥。帝力收三統。天威總四溟。舊都俄望幸。清廟肅惟馨。雜種雖高壘。長驅甚建瓴。焚香淑景殿。漲水望雲亭。法駕初還日。羣公若會星。宮臣仍點染。柱史正零丁。官忝趨棲鳳。朝回歎聚螢。喚人看屢裏。不嫁惜娉婷。掘獄知埋劍。提刀見發硎。侏儒應共飽。漁父忌偏醒。旅泊窮清渭。長吟望濁溟。羽書還似急。烽火未全停。師老資殘寇。戎生及近坰。忠臣詞憤激。烈士涕飄零。上將盈邊鄙。元勳溢鼎銘。仰思調玉燭。誰定握青萍。隴俗輕鸚鵡。原情類鶴鶴。秋風動關塞。高臥想儀形。

寄彭州高三十五使君適虢州岑二十七長史參三十韻

故人何寂寞。今我獨淒涼。老去才雖盡。秋來興甚長。物情尤可見。詞客未能忘。海內知名士。雲端各異方。高岑殊綬步。沈鮑得同行。意愜關飛動。篇終接混茫。舉天悲富駱。近代惜盧王。似爾官仍貴。前賢命可傷。諸侯非棄擲。半刺已翱翔。詩好幾時見。書成無信將。男兒行處是。客子鬪身強。羈旅推賢聖。沈綿抵咎殃。三年猶瘡疾。一鬼不銷亡。隔日搜脂髓。增寒拘雪霜。徒然潛隙地。有靦屢鮮粧。

何太龍鍾極。於今出處妨。無錢居帝里。盡室在邊疆。劉表雖遺恨。龐公至死藏。
 心微傍魚鳥。肉瘦怯豺狼。隴草蕭蕭白。洮雲片片黃。彭門劍閣外。魏略鼎湖旁。
 荆玉簪頭冷。巴屐染翰光。烏麻蒸續屨。丹橘露應膏。豈異神仙宅。俱兼山水鄉。
 竹齋燒藥竈。花嶼讀書床。更得清新否。遙知對屬忙。舊官寧改漢。淳俗本歸唐。
 濟世宜公等。安貧亦士常。蚩尤終戮辱。胡羯漫猖狂。會待妖氛靜。論文暫裹糧。

寄岳州賈司馬六丈巴州嚴八使君兩閣老五十韻

衡岳啼猿裏。巴州鳥道邊。故人俱不利。謫宦兩悠然。開闢乾坤正。榮枯雨露偏。
 長沙才子遠。釣瀨客星懸。憶昨趨行殿。殷憂捧御筵。討胡愁李廣。奉使待張騫。
 無復雲臺仗。虛修水戰船。蒼茫城七十。流落劍三千。畫角吹秦晉。旄頭俯澗瀦。
 小儒輕董卓。有識笑苻堅。浪作禽填海。那將血射天。萬方思助順。一鼓氣無前。
 陰散陳倉北。晴曠太白巔。亂麻屍積衛。破竹勢臨燕。法駕還雙闕。王師下八川。
 此時霑奉引。佳氣拂周旋。魏虎開金甲。麒麟受玉鞭。侍臣諳入仗。廐馬解登仙。
 花動朱樓雪。城凝碧樹煙。衣冠心慘愴。故老淚潺湲。哭廟悲風急。朝正霽景鮮。
 月分梁漢米。春給水衡錢。內藥繁於額。宮莎軟勝綿。恩榮同拜手。出入最隨肩。
 晚著華堂醉。寒重繡被眠。轡齊兼秉燭。書柱滿懷牋。每覺昇元輔。深期列大賢。

乘鈞方咫尺。鍛翻再聯翩。禁掖朋從改。徵班性命全。青蒲甘受戮。白髮竟誰憐。
 弟子貧原憲。諸生老伏虔。師資謙未達。鄉黨敬何先。舊好腸堪斷。新愁眼欲穿。
 翠乾危棧竹。紅膩小湖蓮。賈筆論孤憤。嚴詩賦幾篇。定知深意苦。莫使衆人傳。
 貝錦無停織。朱絲有斷絃。浦鷗防碎首。霜鶴不空拳。地僻昏炎瘴。山稠隘石泉。
 且將棋度日。應用酒爲年。典郡終微眇。治中實棄捐。安排求傲吏。比興展歸田。
 去去才難得。蒼蒼理又玄。古人稱逝矣。吾道卜終焉。隴外翻投跡。漁陽復控弦。
 笑爲妻子累。甘與歲時遷。親故行稀少。兵戈動接連。他鄉饒夢寐。失侶自迍邐。
 多病加滄泊。長吟阻靜便。如公盡雄俊。志在必騰騫。

寄張十二山人彪三十韻

獨臥嵩陽客。三逢潁水春。艱難隨老母。慘澹向時人。謝氏尋山屐。陶公漉酒巾。
 羣凶彌宇宙。此物在風塵。歷下辭姜被。關西得孟隣。早通交契密。晚接道流新。
 靜者心多妙。先生藝絕倫。草書何太古。詩興不無神。曹植休前輩。張芝更後身。
 數篇吟可老。一字賣堪貧。將恐曾防寇。深潛託所親。事閒倚門夕。盡力潔餐晨。
 疎懶爲名誤。驅馳喪我真。索居尤寂寞。相遇益愁辛。流轉依邊徼。逢迎念席珍。
 時來故舊少。亂後別離頻。世祖修高廟。文公賞從臣。南山猶入楚。渭水不離秦。

存想青龍秘。騎行白鹿馴。耕巖非谷口。結草即河濱。肘後符應驗。囊中藥未陳。
 旅懷殊不愜。良觀眇無因。自古皆悲恨。浮生有屈伸。此邦今尙武。何處且依仁。
 鼓角凌天籟。關山倚月輪。官壕羅鎮磧。賊火近洮岷。蕭瑟論兵地。蒼茫圖將辰。
 大軍多處所。餘孽尙紛紛。高興知籠鳥。斯文起獵麟。窮秋正搖落。回首望松筠。

寄李十二白二十韻

昔年有狂客。號爾謫仙人。筆落驚風雨。詩成泣鬼神。聲名從此大。汨沒一朝伸。
 文彩承殊渥。流傳必絕倫。龍舟移棹晚。獸錦奪袍新。白日來深殿。青雲滿後塵。
 乞歸優詔許。遇我宿心親。未負幽棲志。兼全寵辱身。劇談憐野逸。嗜酒見天真。
 醉舞梁園夜。行歌泗水春。才高心不展。道屈善無隣。處士禰衡俊。諸生原憲貧。
 稻梁求未足。蕙以諷何頻。五嶺炎蒸地。三危放逐臣。幾年遭鵬鳥。獨泣向麒麟。
 蘇武元還漢。黃公豈事秦。楚筵辭醴日。梁獄上書辰。已用當時法。誰將此議陳。
 老吟秋月下。病起暮江濱。莫怪恩波隔。乘槎與問津。

所思

鄭老身仍竄。台州信始傳。爲農山澗曲。臥病海雲邊。世已疎儒素。人猶乞酒錢。
 徒勞望牛斗。無計劇龍泉。

別贊上人

百川日東流。客去亦不息。我生苦飄蕩。何時有終極。贊公釋門老。放逐來上國。
 還爲世塵嬰。頗帶憔悴色。楊枝晨在手。豆子雨已熟。是身如浮雲。安可限南北。
 異縣逢舊友。初欣寫胸臆。天長關塞寒。歲暮饑凍逼。野風吹征衣。欲別向曛黑。
 馬嘶思故廐。歸鳥盡斂翼。古來聚散地。宿昔長荆棘。相看俱衰年。出處各努力。

兩當縣吳十侍御江上宅

寒城朝煙淡。山谷落葉赤。陰風千里來。吹汝江上宅。鷓鴣號枉渚。日色傍阡陌。
 借問持斧翁。幾年長沙客。哀哀失木狖。矯矯避弓鬪。亦知故鄉樂。未敢思宿昔。
 昔在鳳翔都。共通金閨籍。天子猶蒙塵。東郊暗長戟。兵家忌閒諜。此輩常接跡。
 臺中領舉劾。君必慎剖析。不忍殺無辜。所以分黑白。上官權許與。失意見遷斥。
 朝廷非不知。閉口休歎息。仲尼甘旅人。向子誠捐益。余時忝諍臣。丹陛實咫尺。
 相看受狼狽。至死難塞責。行邁心多違。出門無與適。於公負明義。惆悵頭更白。

發秦州

我衰更懶拙。生事不自謀。無食問樂土。無衣思南州。漢源十月交。天氣如涼秋。
 草木未黃落。況聞山水幽。栗亭名更嘉。下有良田疇。充腸多薯蕷。崖蜜亦易求。

密竹復冬筍。清池可方冊。雖傷旅寓遠。庶遂平生遊。此邦俯要衝。實恐人事稠。應接非本性。登臨未銷憂。谿谷無異石。塞田始微收。豈復慰老夫。惘然難久留。日色隱孤戍。烏啼滿城頭。中宵驅車去。飲馬寒塘流。磊落星月高。蒼茫雲霧浮。大哉乾坤內。吾道長悠悠。

赤谷

天寒霜雪繁。遊子有所之。豈但歲月暮。重來未有期。晨發赤谷亭。險艱方自茲。亂石無改轍。我車已載脂。山深苦多風。落日童稚飢。悄然邨墟迴。煙火何由追。貧病轉零落。故鄉不可思。常恐死道路。永為高人嗤。

鐵堂峽

山風吹遊子。縹緲乘險絕。峽形藏堂隍。壁色立精鐵。徑摩穹蒼蟠。石與厚地裂。修巖無根竹。嵌空太始雪。威遲哀壑底。徒旅慘不悅。水寒長冰橫。我馬骨正折。生涯抵孤矢。盜賊殊未滅。飄蓬踰三年。回首肝肺熱。

鹽井

鹵中草木白。青者官鹽煙。官作既有程。煮鹽煙在川。汲井歲捐捐。出車日連連。自公斗三百。轉致斛六千。君子慎止足。小人苦喧闐。我何良歎嗟。物理固自然。

寒峽

行邁日悄悄。山谷勢多端。雲門轉絕岸。積阻羅天寒。寒砭不可度。我實衣裳單。況當仲冬交。泝沿增波瀾。野人尋煙語。行子傍水餐。此生免荷父。未敢辭路難。

法鏡寺

身危適他州。勉強終勞苦。神傷山行深。愁破崖寺古。嬋娟碧蘚淨。蕭瑟寒籟聚。回回山根水。冉冉松上雨。洩雲蒙清晨。初日翳復吐。朱甍半光炯。戶牖榮可數。拄策忘前期。出蘿已亭午。冥冥子規叫。微徑不敢取。

青陽峽

塞外苦厭山。南行道彌惡。岡巒相經互。雲水氣參錯。林迴峽角來。天容壁面削。磧西五里石。奮怒向我落。仰看日車側。俯恐坤軸弱。魑魅嘯有風。霜霰浩漠漠。昨憶踰隴坂。高秋視吳嶽。東笑蓮華卑。北知崆峒薄。超然伴壯觀。已謂殷寥廓。突兀猶趁人。及茲歎冥漠。

龍門鎮

細泉兼輕冰。沮洳棧道濕。不辭辛苦行。迫此短景急。石門雲雪隘。古鎮峰巒集。旌竿暮慘澹。風水白刃澀。胡馬屯成阜。防虞此何及。嗟爾遠戍人。山寒夜中泣。

石龕

熊羆咆我東。虎豹號我西。我後鬼長嘯。我前狻又啼。天寒昏無日。山遠道路迷。驅車石龕下。仲冬見虹霓。伐竹者誰子。悲歌上雲梯。爲官採美箭。五歲供梁齊。苦云直簪盡。無以應提攜。奈何漁陽騎。颯颯驚蒸黎。

積草嶺

連峰積長陰。白日遞隱見。颼颼林響交。慘慘石狀變。山分積草嶺。路異鳴水縣。旅泊吾道窮。衰年歲時倦。卜居尚百里。休駕投諸彥。邑有佳主人。情如已會面。來書語絕妙。遠客驚深眷。食蕨不願餘。茅茨眼中見。

泥功山

朝行青泥上。暮在青泥中。泥濘非一時。版築勞人功。不畏道途遠。乃將汨沒同。白馬爲鐵驪。小兒成老翁。哀猿透卻墜。死鹿力所窮。寄語北來人。後來莫怱怱。

鳳凰臺

亭亭鳳凰臺。北對西康州。西伯今寂寞。鳳聲亦悠悠。山峻路絕蹤。石林氣高浮。安得萬丈梯。爲君上上頭。恐有無母雛。飢寒日啾啾。我能剖心血。飲啄慰孤愁。心以當竹實。炯然無外求。血以當醴泉。豈徒比清流。所重王者瑞。敢辭微命休。

坐看綵翮長。舉意八極周。自天銜瑞圖。飛下十二樓。圖以奉至尊。鳳以垂鴻猷。再光中興業。一洗蒼生憂。深衷正爲此。羣盜何淹留。

乾元中寓居同谷縣作歌七首

有客有客字子美。白頭亂髮垂過耳。歲拾橡栗隨狙公。天寒日暮山谷裏。中原無書歸不得。手脚凍皸皮肉死。嗚呼一歌兮歌已哀。悲風爲我從天來。

【二】

長鏡長鏡白木柄。我生託子以爲命。黃獨無苗山雪盛。短衣數挽不掩脛。此時與子空歸來。男呻女吟四壁靜。嗚呼二歌兮歌始放。閭里爲我色惆悵。

【三】

有弟有弟在遠方。三人各瘦何人強。生別展轉不相見。胡塵暗天道路長。東飛鸞鵝後鷓鴣。安得送我置汝傍。嗚呼三歌兮歌三發。汝歸何處收兒骨。

【四】

有妹有妹在鍾離。良人早歿諸孤癡。長淮浪高蛟龍怒。十年不見來何時。扁舟欲往箭滿眼。杳杳南國多旌旗。嗚呼四歌兮歌四奏。林猿爲我啼清晝。

【五】

四山多風溪水急。寒雨颯颯枯樹濕。黃蒿古城雲不開。白狐跳梁黃狐立。

【六】

我生何爲在窮谷。中夜起坐萬感集。嗚呼五歌兮歌正長。魂招不來歸故鄉。

【七】

南有龍兮在山湫。古木龍從枝相樛。木葉黃落龍正蟄。蝮蛇東來水上游。

萬丈潭

青溪含冥冥。神物有顯晦。龍依積水蟠。窟壓萬丈內。跼步凌垠塹。側身下煙靄。前臨洪濤寬。卻立蒼石大。山危一徑盡。岸絕兩壁對。削成根虛無。倒影垂澗澗。黑知灣潭底。清見光炯碎。孤雲到來深。飛鳥不在外。高蘿成帷幄。寒木壘旌旆。遠川曲通流。嵌竇潛洩瀾。造幽無人境。發興自我輩。告歸遺恨多。將老斯遊最。閉藏修鱗鱉。出入巨石礙。何當炎天過。快意風雲會。

杜少陵詩集卷九

發同谷縣

賢有不黔突。聖有不煖席。況我飢愚人。焉能尙安宅。始來茲山中。休駕喜地僻。奈何迫物累。一歲四行役。忡忡去絕境。杳杳更遠適。停驂龍潭雲。廻首虎崖石。臨岐別數子。握手淚再滴。交情無舊深。窮老多慘感。平生懶拙意。偶值棲遁跡。去住與願違。仰慚林間翮。

木皮嶺

首路栗亭西。尙想鳳凰邨。季冬攜童稚。辛苦赴蜀門。南登木皮嶺。艱險不易論。汗流被我體。祁寒爲之暄。遠岫爭輔佐。千巖自崩奔。始知五嶽外。別有他山尊。仰子塞大明。俯入裂厚坤。再開虎豹關。屢踞風水昏。高有廢閣道。摧折如斷轅。下有冬青林。石上走長根。西崖特秀發。煥若靈芝繁。潤聚金碧氣。清無沙土痕。憶觀崑崙圖。目擊玄圃存。對此欲何適。默傷垂老魂。

白沙渡

畏途隨長江。渡口下絕岸。差池上舟楫。杳窕入雲漢。天寒荒野外。日暮中流半。我馬向北嘶。山猿飲相喚。水清石礪礪。沙白灘漫漫。迴然洗愁辛。多病一疎散。高壁抵嶽峯。洪濤越凌亂。臨風獨回首。攬轡復三嘆。

水會渡

山行有常程。中夜尙未安。微月沒已久。崖傾路何難。大江動我前。洶若溟渤寬。篙師暗理楫。歌笑輕波瀾。霜濃木石滑。風急手足寒。入舟已千憂。陟嶮仍萬盤。迴眺積水外。始知衆星乾。遠遊令人瘦。衰疾慙加餐。

飛仙閣

土門山行窄。微徑緣秋毫。棧雲闌干峻。梯石結構牢。萬壑欹疎林。積陰帶奔濤。寒日外澹泊。長風中怒號。歌鞍在地底。始覺所歷高。往來雜坐臥。人馬同疲勞。浮生有定分。飢飽豈可逃。嘆息謂妻子。我何隨汝曹。

五盤

五盤雖云險。山色佳有餘。仰凌棧道細。俯映江木疎。地僻無網罟。水清反多魚。好鳥不妄飛。野人半巢居。喜見淳樸俗。坦然心神舒。東郊尙格鬪。巨猾何時除。故鄉有弟妹。流落隨丘墟。成都萬事好。豈若歸吾廬。

龍門閣

清江下龍門。絕壁無尺土。長風駕高浪。浩浩自太古。危途中縈盤。仰望垂綫縷。滑石欹誰擊。浮梁鼻相拄。目眩隕雜花。頭風吹過雨。百年不敢料。一墜那得取。飽聞經瞿塘。足見度大庾。終身歷艱險。恐懼從此數。

石櫃閣

季冬日已長。山晚半天赤。蜀道多早花。江開饒奇石。石櫃曾波上。臨虛蕩高壁。清暉回羣鷗。暝色帶遠客。羈棲負幽意。感嘆向絕跡。信甘孱懦嬰。不獨凍餒迫。優游謝康樂。放浪陶彭澤。吾衰未自由。謝爾性所適。

桔柏渡

青冥寒江渡。駕竹爲長橋。竿濕煙漠漠。江永風蕭蕭。連竿動嫋娜。征衣颯飄飄。急流鶉鷁散。絕岸鼉鼉驕。西轅自茲異。東逝不可要。高通荆門路。濶會滄海潮。孤光隱顧盼。遊子恨寂寥。無以洗心胸。前登但山椒。

劔門

惟天有設險。劔門天下壯。連山抱西南。石角皆北向。兩崖崇墉倚。刻畫城郭狀。一夫怒臨關。百萬未可傍。珠玉走中原。岷峨氣懷愴。三皇五帝前。雞犬各相放。

後王尚柔遠。職貢道已喪。至今英雄人。高視見霸王。并吞與割據。極力不相讓。吾將罪真宰。意欲鍊疊嶂。恐此復偶然。臨風默惆悵。

鹿頭山

鹿頭何亭亭。是日慰飢渴。連山西南斷。俯見千里豁。遊子出京華。劔門不可越。及茲險阻盡。始喜原野濶。殊方昔三分。霸氣曾開發。天下今一家。雲端失雙闕。悠然想揚馬。繼起名碑兀。有文令人傷。何處埋爾骨。紆餘脂膏地。慘澹豪俠窟。仗鉞非老臣。宣風豈專達。冀公柱石姿。論道邦國活。斯人亦何幸。公鎮踰歲月。

成都府

翳翳桑榆日。照我征衣裳。我行山川異。忽在天一方。但逢新人民。未卜見故鄉。大江東流去。遊子日月長。曾城填華屋。季冬樹木蒼。喧然名都會。吹簫聞笙簧。信美無與適。側身望川梁。鳥雀夜各歸。中原杳茫茫。初月出不高。衆星尚爭光。自古有羈旅。我何苦哀傷。

酬高使君相贈

古寺僧牢落。空房客寓居。故人供祿米。鄰舍與園蔬。雙樹容聽法。三車肯載書。草玄吾豈敢。賦或似相如。

卜居

浣花溪水水西頭。主人爲卜林塘幽。已知出郭少塵事。更有澄江銷客愁。無數蜻蜓齊上下。一雙鸕鶿對沈浮。東行萬里堪乘興。須向山陰上小舟。

王十五司馬弟出郭相訪遺營草堂贊

客裏何遷次。江邊正寂寥。肯來尋一老。愁破是今朝。憂我營茅棟。攜錢過野橋。他鄉唯表弟。還往莫辭勞。

蕭八明府實處覓桃栽

奉乞桃栽一百根。春前爲送浣花邨。河陽縣裏雖無數。濯錦江邊未滿園。

從韋二明府續處覓綿竹

華軒藹藹他年到。綿竹亭亭出縣高。江上舍前無此物。幸分蒼翠拂波濤。

憑何十一少府邕覓檜木栽

草堂暫西無樹林。非子誰復見幽心。飽聞檜木三年大。與致溪邊十畝陰。

憑韋少府班覓松樹子栽

落落出羣非樛柳。青青不朽豈楊梅。欲存老蓋千年意。爲覓霜根數寸栽。

又於韋處乞大邑瓷盤

大邑燒堯輕且堅。

扣如哀玉錦城傳。

君家白盃勝霜雪。

急送茅齋也可憐。

詣徐卿覓果栽。

草堂少花今欲栽。

不問綠李與黃梅。

石筍街中卻歸去。

果園坊裏爲求來。

堂成

背郭堂成蔭白茅。

綠江路熟俯青郊。

禮林礙日吟風葉。

籠竹和煙滴露梢。

暫止飛鳥將數子。

頻來語燕定新巢。

旁人錯比揚雄宅。

懶惰無心作解嘲。

蜀相

丞相祠堂何處尋。

錦官城外柏森森。

映階碧草自春色。

隔葉黃鸝空好音。

三顧頻繁天下計。

兩朝開濟老臣心。

出師未捷身先死。

長使英雄淚滿襟。

梅雨

南京犀浦道。

四月熟黃梅。

湛湛長江去。

冥冥細雨來。

竟日蛟龍喜。

盤渦與岸迴。

茅茨疎易濕。

雲霧密難開。

爲農

錦里煙塵外。

江邨八九家。

圓荷浮小葉。

細麥落輕花。

卜宅從茲老。

遠慚勾漏令。

不得問丹砂。

有客

患氣經時久。

臨江卜宅新。

喧卑方避俗。

疎快頗宜人。

自鋤稀菜甲。

小摘爲情親。

賓至

幽棲地僻經過少。

老病人扶再拜難。

豈有文章驚海內。

漫勞車馬駐江干。

竟日淹留佳客坐。

百年蠶蠶腐儒餐。

不嫌野外無供給。

乘興還來看藥欄。

狂夫

萬里橋西一草堂。

百花潭水即滄浪。

風含翠篠娟娟淨。

雨裊紅蕖冉冉香。

厚祿故人書斷絕。

恆飢稚子色淒涼。

欲填溝壑惟疎放。

自笑狂夫老更狂。

田舍

田舍清江曲。

柴門古道旁。

草深迷市井。

地僻懶衣裳。

鷓鴣西日照。

曬翅滿漁梁。

江邨

清江一曲抱邨流。

長夏江邨事事幽。

自去自來梁上燕。

相親相近水中鷗。

老妻畫紙爲茶局。

稚子敲針作釣鉤。

但有故人供祿米。

微軀此外更何求。

江漲

江漲柴門外。兒童報急流。下牀高數尺。倚杖沒中洲。細動迎風燕。輕搖逐浪鷗。漁人繫小楫。容易拔船頭。

野老

野老籬邊江岸廻。柴門不正逐江開。漁人網集澄潭下。估客船隨返照來。長路關心悲劔閣。片雲何事傍琴臺。王師未報收東郡。城闕秋生畫角哀。

雲山

京洛雲山外。音書靜不來。神交作賦客。力盡望鄉臺。衰疾江邊臥。親朋日暮廻。白鷗元水宿。何事有餘哀。

遣興

干戈猶未定。弟妹各何之。拭淚霑襟血。梳頭滿面絲。地卑荒野大。天遠暮江遲。衰疾那能久。應無見汝期。

遣愁

養拙蓬爲戶。茫茫何所開。江通神女館。地隔望鄉臺。漸惜容顏老。無由弟妹來。兵戈與人事。回首一悲哀。

杜鵑行

古時杜宇稱望帝。魂作杜鵑何微細。跳枝竄葉樹木中。搶伴暫振雌隨雄。毛衣慘黑貌憔悴。衆鳥肯相安尊崇。黎形不敢栖華屋。短翮惟願巢深叢。穿皮啄朽背欲秃。苦飢始得食一蟲。誰言養雛不自哺。此語亦足爲愚蒙。聲音咽咽如有謂。號啼略與嬰兒同。似欲上訴於蒼穹。蜀人聞之皆起立。至今相效傳微風。豈思昔日居深宮。嬪嬙左右如花紅。

題壁上韋偃畫馬歌

韋侯別我有所適。知我憐渠畫無敵。戲拈秃筆掃驂驅。歛見麒麟出東壁。一匹駝草一匹嘶。坐看千里當霜蹄。時危安得真致此。與人同生亦同死。

戲題王宰畫山水圖歌

十日畫一水。五日畫一石。能事不受相促迫。王宰始肯置真跡。

壯哉崑崙方壺圖。挂君高堂之素壁。巴陵洞庭日本東。赤岸水與銀河通。

中有雲氣隨飛龍。舟人漁子入浦瀕。山木盡亞洪濤風。尤工遠勢古莫比。

咫尺應須論萬里。焉得并州快剪刀。剪取吳松半江水。絕筆長風起纖末。

戲爲韋偃雙松圖歌。畢宏已老韋偃少。滿堂動色嗟神妙。

天下幾人畫古松。

兩株慘裂苔蘚皮。屈鐵交錯廻高枝。白摧朽骨龍虎死。黑入太陰雷雨垂。
松根胡僧憇寂寞。龐眉皓首無住著。偏袒右肩露雙脚。葉裏松子僧前落。
韋侯韋侯數相見。我有一匹好東絹。重之不減錦繡段。已令拂拭光凌亂。
請公放筆爲直幹。

北鄰

明府豈辭滿。藏身方告勞。青錢買野竹。白幘岸江皋。愛酒晉山簡。能詩何水曹。
時來訪老疾。步履到蓬蒿。

南鄰

錦里先生烏角巾。園收芋栗不全貧。慣看賓客兒童喜。得食增除鳥雀馴。
秋水纔深四五尺。野航恰受兩三人。白沙翠竹江邨暮。相送柴門月色新。

過南鄰朱山人水亭

相近竹參差。相過人不知。幽花歎滿樹。細水曲通池。歸客邨非遠。殘樽席更移。
看君多道氣。從此數追隨。

因崔五侍御寄高彭州一絕

百年已過半。秋至轉飢寒。爲問彭州牧。何時救急難。

奉簡高三十五使君

當代論才子。如公復幾人。驂驪開道路。鷹隼出風塵。行色秋將晚。交情老更親。

天涯喜相見。披豁對吾真。

和裴迪登新津寺寄王侍郎

何恨倚山木。吟詩秋葉黃。蟬聲集古寺。鳥影度寒塘。風物悲遊子。登臨憶侍郎。

老夫貪佛日。隨意宿僧房。

贈蜀僧閻丘師兄

大師銅梁秀。籍籍名家孫。嗚呼先博士。炳靈精氣奔。惟昔武皇后。臨軒御乾坤。
多士盡儒冠。墨客滿雲屯。當時上紫殿。不獨卿相尊。世傳閻丘筆。峻極逾崑崙。
鳳藏丹霄暮。龍去白水渾。青焚雪巖束。碑碣舊製存。斯文散都邑。高價越瓊瑋。
晚看作者意。妙絕與誰論。吾祖詩冠古。同年蒙主恩。豫章夾日月。歲久空深根。
小子思疎濶。豈能達詞門。窮秋一揮淚。相遇卽諸昆。我住錦官城。兄居祇樹園。
地近慰旅愁。往來當丘樊。天涯歇滯雨。稊稻臥不翻。漂然薄遊倦。始與道侶敦。
景晏步修廊。而無車馬喧。夜闌接軟語。落月如金盆。漠漠世界黑。驅驅爭奪繁。
惟有摩尼珠。可照濁水源。

泛溪

落景下高堂。進舟泛廻溪。誰謂築居小。未盡喬木西。遠郊信荒僻。秋色有餘淒。
練練峰上雪。纖纖雲表霓。童戲左右岸。罟弋畢提攜。翻倒荷芰亂。指揮徑路迷。
得魚已割鱗。採藕不洗泥。人情逐鮮美。物賤事已賤。吾邨靄冥姿。異舍雞亦棲。

蕭條欲何適。出處庶可齊。衣上見新月。霜中登故畦。濁醪自初熟。東城多鼓鼙。

出郭

霜露晚凄凄。高天逐望低。遠煙鹽井上。斜景雪峰西。故國猶兵馬。他鄉亦鼓鼙。江城今夜客。還與舊鳥啼。

恨別

洛城一別四千里。胡騎長驅五六年。草木變衰行劍外。兵戈阻絕老江邊。思家步月清宵立。憶弟看雲白日眠。聞道河陽近乘勝。司徒急為破幽燕。

散愁二首

久客宜旋旆。興王未息戈。蜀星陰見少。江雨夜聞多。百萬傳深入。寰區望匪他。司徒下燕趙。收取舊山河。

【二】

聞道并州鎮。尙書訓士齊。幾時通薊北。當日報關西。戀闕丹心破。霑衣皓首啼。老魂招不得。歸路恐長迷。

建都十二韻

蒼生未蘇息。胡馬半乾坤。議在雲臺上。誰扶黃屋尊。建都分魏闕。下詔闢荆門。

恐失東人望。其如西極存。時危當雪恥。計大豈輕論。雖倚三塔正。終愁萬國翻。

牽裾恨不死。漏網辱殊恩。永負漢庭哭。遙憐湘水魂。窮冬客江劍。隨事有田園。

風斷青蒲節。霜埋翠竹根。衣冠空穰穰。關輔久昏昏。願枉長安日。光輝照北原。

邨夜

風色蕭蕭暮。江頭人不行。邨春雨外急。隣火夜深明。胡羯何多難。樵漁寄此生。中原有兄弟。萬里正含情。

寄楊五桂州譚

五嶺皆炎熱。宜人獨桂林。梅花萬里外。雪片一冬深。聞此寬相憶。爲邦復好音。江邊送孫楚。遠附白頭吟。

西郊

時出碧雞坊。西郊向草堂。市橋官柳細。江路野梅香。傍架齊書帙。看題檢藥囊。無人覺來往。疎懶意何長。

和裴迪登蜀州東亭送客逢早梅相憶見寄

東閣官梅動詩興。還如何遜在揚州。此時對雪遙相憶。送客逢春可自由。幸不折來傷歲暮。若爲看去亂鄉愁。江邊一樹垂垂發。朝夕催人自白頭。

暮登四安寺鐘樓寄裴十迪

暮倚高樓對雪峰。僧來不語自鳴鐘。孤城返照紅將斂。近市浮煙翠且重。多病獨愁常闕寂。故人相見未從容。知君苦思緣詩瘦。太向交游萬事慵。

寄贈王十將軍承俊

將軍膽氣雄。臂懸兩角弓。纏結青馳馬。出入錦城中。時危未授鉞。勢屈難爲功。賓客滿堂上。何人高義同。

奉酬李都督表丈早春作

力疾坐清曉。來詩悲早春。轉添愁伴客。更覺老隨人。紅入桃花嫩。青歸柳葉新。望鄉應未已。四海尚風塵。

題新津北橋樓

望極春城上。開筵近鳥巢。白花簷外朶。青柳檻前梢。池水觀爲政。廚煙覺遠庖。西川供客眼。惟有此江郊。

遊修覺寺

野寺江天豁。山扉花竹幽。詩應有神助。吾得及春遊。徑石相縈帶。川雲自去留。禪枝宿衆鳥。漂轉暮歸愁。

後遊

寺憶曾遊處。橋憐再渡時。江山如有待。花柳更無私。野潤煙光薄。沙暄日色遲。客愁全爲減。捨此復何之。

絕句漫興九首

眼見客愁愁不醒。無賴春色到江亭。卽遣花開深造次。便教鶯語太丁寧。

【一】

手種桃李非無主。野老牆低還是家。恰似春風相欺得。夜來吹折數枝花。

【二】

熟知茅齋絕低小。江上燕子故來頻。銜泥點汗琴書內。更接飛蟲打著人。

【三】

二月已破三月來。漸老逢春能幾回。莫思身外無窮事。且盡生前有限杯。

【四】

腸斷江春欲盡頭。杖藜徐步立芳洲。顛狂柳絮隨風舞。輕薄桃花逐水流。

【五】

顛慢無堪不出邨。呼兒日在掩柴門。蒼苔濁酒林中靜。碧水春風野外昏。

杜少陵詩集卷九

【七】

穆徑楊花鋪白氈。

點溪荷葉疊青錢。

筍根雉子無人見。

沙上鳧雛傍母眠。

【八】

舍西柔桑葉可拈。

江畔細麥復纖纖。

人生幾何春已夏。

不放香醪如蜜甜。

【九】

隔戶楊柳弱嫋嫋。

恰似十五女兒腰。

誰謂朝來不作意。

狂風挽斷最長條。

客至

舍南舍北皆春水。

但見羣鷗日日來。

花徑不曾緣客掃。

蓬門今始爲君開。

盤餐市遠無兼味。

樽酒家貧只舊醅。

肯與隣翁相對飲。

隔籬呼取盡餘杯。

遣意二首

嘯枝黃鳥近。

泛渚白鷗輕。

一選野花落。

孤邨春水生。

衰年催釀黍。

細雨更移橙。

漸喜交游絕。

幽居不用名。

【二】

簷影微微落。

津流脉脉斜。

野船明細火。

宿鷺起圓沙。

雲掩初弦月。

香傳小樹花。

隣人有美酒。

稚子夜能賒。

杜少陵詩集卷十

漫成二首

野日荒荒白。

春流泯泯清。

渚蒲隨地有。

邨徑逐門成。

只作披衣慣。

常從漉酒生。

眼邊無俗物。

多病也身輕。

【一】

江臯已仲春。

花下復清晨。

仰面貪看鳥。

回頭錯應人。

讀書難字過。

對酒滿壺頻。

近識峨眉老。

知余懶是真。

春夜喜雨

好雨知時節。

當春乃發生。

隨雨潛入夜。

潤物細無聲。

野徑雲俱黑。

江船火獨明。

曉看紅濕處。

花重錦官城。

春水

三月桃花浪。

江流復舊痕。

朝來沒沙尾。

碧色動柴門。

接縷垂芳餌。

連筒灌小園。

已添無數鳥，爭浴故相喧。

江亭

坦腹江亭暖，長吟野望時。水流心不競，雲在意俱遲。寂寂春將晚，欣欣物自私。故林歸未得，排悶強裁詩。

早起

春來常早起，幽事頗相關。帖石防隄岸，開林出遠山。一丘藏曲折，緩步有躋攀。童僕來城市，瓶中得酒還。

落日

落日在簾鉤，溪邊春事幽。芳菲緣岸圃，樵爨倚灘舟。啅雀爭枝墜，飛蟲滿院遊。濁醪誰造汝，一酌散千愁。

可惜

花飛有底急，老去願春遲。可惜歡娛地，都非少壯時。寬心應是酒，遣興莫過詩。此意陶潛解，吾生後汝期。

獨酌

步屐深林晚，開樽獨酌遲。仰蜂粘落絮，行蟻上枯梨。薄劣慙真隱，幽偏得自怡。

本無軒冕意，不是傲當時。

徐步

整履步青蕪，荒庭日欲晡。芹泥隨燕糞，藥粉上蜂鬚。把酒從衣濕，吟詩信杖扶。敢論才見忌，實有醉如愚。

寒食

寒食江邨路，風花高下飛。汀煙輕冉冉，竹日淨暉暉。田父要皆去，隣家問不違。地偏相識盡，雞犬亦忘歸。

石鏡

蜀王將此鏡，送死置空山。冥寞憐香骨，提攜近玉顏。衆妃無復嘆，千騎亦虛還。獨有傷心石，埋輪月宇閒。

琴臺

茂陵多病後，尙愛卓文君。酒肆人閒世，琴臺日暮雲。野花留寶靨，蔓草見羅裙。歸鳳求風意，寥寥不復聞。

春水生二絕

二月六夜春水生，門前小灘渾欲平。鸕鶚鷓鴣莫漫喜，吾與汝曹俱眼明。

【一】

一夜水高二尺強，數日不可更禁當。

南市津頭有船賣。

無錢即買繫籬旁。

江上值水如海勢，聊短述。

爲人性僻耽佳句，語不驚人死不休。

老去詩篇渾漫與。

春來花鳥莫深愁。

新添水檻供垂釣。

故著浮槎替入舟。

焉得思如陶謝手。

令渠述作與同遊。

水檻遣心二首

去郭軒楹敞，無邨眺望餘。

澄江平少岸。

幽樹晚多花。

細雨魚兒出。

城中十萬戶。

此地兩三家。

【二】

蜀天常夜雨。

江檻已朝晴。

葉潤林塘密。

衣乾枕席清。

不堪祇老病。

何得尙浮名。

淺把涓涓酒。

深憑送此生。

江漲

江發蠻夷漲。

山添雨雪流。

大聲吹地轉。

高浪蹴天浮。

魚鼈爲人得。

蛟龍不自謀。

輕帆好去便。

吾道付滄洲。

朝雨

涼氣曉蕭蕭。

江雲亂眼颺。

風鳶藏近渚。

雨燕集深條。

黃綺終辭漢。

巢由不見堯。

草堂樽酒在。

幸得過清朝。

晚晴

邨晚驚風度。

庭幽過雨霑。

夕陽薰細草。

江色映疎簾。

書亂誰能帙。

杯乾自可添。

時聞有餘論。

未怪老夫潛。

高構

梢樹色冥冥。

江邊一蓋青。

近根開藥圃。

接葉製茅亭。

落景陰猶合。

微風韻可聽。

尋常絕醉困。

臥此片時醒。

惡樹

獨遠虛齋徑。

常持小斧柯。

幽陰成頗雜。

惡木剪還多。

枸杞因吾有。

雞棲奈汝何。

方知不材者。

生長漫婆娑。

江畔獨步尋花七絕句

江上被花惱不徹。

無處告訴只顛狂。

走覓南隣愛酒伴。

經旬出飲獨空床。

【三】

稠花亂蕊裹江濱。

行步欹危實怕春。

詩酒尙堪驅使在。

未須料理白頭人。

杜少陵詩集卷十

【三】

江深竹靜兩三家。

多事紅花映白花。

報答春光知有處。

應須美酒送生涯。

【四】

東望少城花滿煙。

百花高樓更可憐。

誰能載酒開金盞。

喚取佳人舞繡筵。

【五】

黃師塔前江水東。

春光懶困倚微風。

桃花一簇開無主。

可愛深紅愛淺紅。

【六】

黃四娘家花滿蹊。

千朵萬朵壓枝低。

留連戲蝶時時舞。

自在嬌鶯恰恰啼。

【七】

不是愛花即欲死。

只恐花盡老相催。

繁枝容易紛紛落。

嫩藥商量細細開。

進艇

南京久客耕南畝。

北望傷神坐北牕。

晝引老妻乘小艇。

晴看稚子浴清江。

俱飛蛺蝶元相逐。

並蒂芙蓉本自雙。

茗飲蔗漿攜所有。

瓷甕無謝玉爲缸。

一室

一室他鄉遠。

空林暮景懸。

正愁聞塞笛。

獨立見江船。

巴蜀來多病。

荆蠻去幾年。

應同王粲宅。 畱井峴山前。

所思

苦憶荆州醉司馬。

謫官樽酒定常開。

九江日落醒何處。

一柱觀頭眠幾回。

可憐懷抱向人盡。

欲問平安無使來。

故憑錦水將雙淚。

好過瞿唐滄浪堆。

聞斛斯六官未歸

故人南郡去。

去索作碑錢。

本賣文爲活。

翻令室倒懸。

荆扉深蔓草。

土鏹冷疎煙。

老罷休無賴。

歸來省醉眠。

赴青城縣出成都寄陶王二少尹

老被樊籠役。

貧嗟出入勞。

客情投異縣。

詩態憶吾曹。

東郭滄江合。

西山白雪高。

文章差底病。

回首與滔滔。

野望因過常少仙

野橋齊渡馬。

秋望轉悠哉。

竹覆青城合。

江從灌口來。

入邨樵徑引。

管果栗皴開。

落盡高天日。

幽人未遣回。

丈人山

自爲青城客。

不睡青城地。

爲愛丈人山。

丹梯近幽意。

丈人祠西佳氣濃。

綠雲擬

住最高峰。掃除白髮黃精在。君看他時冰雪容。

寄杜位

近聞寬法離新州。想見歸懷尚百憂。逐客雖皆萬里去。悲君已是十年流。
干戈況復塵隨眼。鬢髮還應雪滿頭。玉壘題書心緒亂。何時更得曲江遊。

送裴五赴東川

故人亦流落。高義動乾坤。何日通燕塞。相看老蜀門。東行應暫別。北望苦銷魂。
凜凜悲秋意。非君誰與論。

送韓十四江東省親

兵戈不見老萊衣。嘆息人閒萬事非。我已無家尋弟妹。君今何處訪庭闈。
黃牛峽靜灘聲轉。白馬江寒樹影稀。此別應須各努力。故鄉猶恐未同歸。

枏樹爲風雨所拔歎

倚江枏樹草堂前。古老相傳二百年。誅茅卜居總爲此。五月髣髴聞寒蟬。
東南飄風動地至。江翻石走流雲氣。幹排雷雨猶力爭。根斷泉源豈天意。

滄波老樹性所愛。浦上童童一青蓋。野客頻留懼雪霜。行人不過聽竿籟。
虎倒龍顛委榛棘。淚痕血點垂胸臆。我有新詩何處吟。草堂自此無顏色。

茅屋爲秋風所破歌

八月秋高風怒號。卷我屋上三重茅。茅飛渡江灑江郊。高者挂胃長林梢。
下者飄轉沈塘坳。南邨群童欺我老無力。忍能對面爲盜賊。公然抱茅入竹去。
唇焦口燥呼不得。歸來倚杖自嘆息。俄頃風定雲墨色。秋天漠漠向昏黑。
布衾多年冷似鐵。嬌兒惡臥踏裏裂。牀頭屋漏無乾處。雨脚如麻未斷絕。
自經喪亂少睡眠。長夜沾濕何由徹。安得廣廈千萬間。大庇天下寒士俱歡顏。
風雨不動安如山。嗚呼何時眼前突兀見此屋。吾廬獨破受凍死亦足。

石笋行

君不見益州城西。陌上石笋雙高蹲。古來相傳是海眼。苔蘚蝕盡波濤痕。
雨多往往得瑟瑟。此事恍惚難明論。恐是昔時卿相冢。立石爲表今仍存。
惜哉俗態好蒙蔽。亦如小臣媚至尊。政化錯迕失大體。坐看傾危受厚恩。
嗟爾石笋擅虛名。後來未識猶駿奔。安得壯士擲天外。使人不疑見本根。

石犀行

君不見秦時蜀太守。刻石立作五犀牛。自古雖有厭勝法。天生江水向東流。
蜀人矜誇一千載。泛溢不近張儀樓。今日灌口損戶口。此事或恐爲神羞。

修築隄防出衆力。高擁木石當清秋。先王作法皆正道。詭怪何得參人謀。
嗟爾五犀不經濟。缺訛只與長川逝。但見元氣常調和。自免洪濤恣凋瘵。
安得壯士提天綱。再平水土犀奔茫。

杜鵑行

君不見昔日蜀天子。化爲杜鵑似老鳥。寄巢生子不自啄。羣鳥至今爲哺雛。
雖同君臣有舊禮。骨肉滿眼身羈孤。業工竄伏深樹裏。四月五月偏號呼。
其聲哀痛口流血。所訴何事常區區。爾豈摧殘始發憤。羞帶羽翮傷形愚。
蒼天變化誰料得。萬事反覆何所無。萬事反覆何所無。豈憶當殿羣臣趨。

逢唐興劉主簿弟

分手開元末。連年絕尺書。江山且相見。戎馬未安居。劍外官人冷。關中驛騎疎。
輕舟下吳會。主簿意何如。

敬簡王明府

葉縣郎官宰。周南太史公。神仙才有數。流落意無窮。驥病思偏秣。鷹秋怕苦籠。
看君用高義。恥與萬人同。

重簡王明府

甲子西南異。冬來只薄寒。江雲何夜盡。蜀雨幾時乾。行李須相問。窮愁豈有寬。
君聽鴻雁響。恐致稻粱難。

百憂集行

憶年十五心尙孩。健如黃犢走復來。庭前八月梨棗熟。一日上樹能千迴。
卽今倏忽已五十。坐臥只多少行立。強將笑語供主人。悲見生涯百憂集。
入門依舊四壁空。老妻視我顏色同。癡兒不知父子禮。叫怒索飯啼門東。

徐卿二子歌

君不見徐卿二子生絕奇。感應吉夢相追隨。孔子釋氏親抱送。竝是天上麒麟兒。
大兒九齡色清徹。秋水爲神玉爲骨。小兒五歲氣食牛。滿堂賓客皆回頭。吾知
徐公百不憂。積善衮衮生公侯。丈夫生兒有如此二雛者。異時名位豈肯卑微休。

戲作花卿歌

成都猛將有花卿。學語小兒知姓名。用如快鶻風火生。見賊惟多身始輕。
綿州副使著柘黃。我卿掃除卽日平。子璋獨體血模糊。手提擲還崔大夫。
李侯重有此節度。人道我卿絕世無。既稱絕世無。天子何不喚取守東都。

贈花卿

錦城絲管日紛紛。

半入江風半入雲。

此曲祇應天上有。

人閒能得幾回聞。

少年行二首

莫笑田家老瓦盆。

自從盛酒長兒孫。

傾銀注玉驚人眼。

共醉終同臥竹根。

【二】

巢燕引雛渾去盡。

江花結子也無多。

黃衫年少來宜數。

不見堂前東逝波。

贈虞十五司馬

遠師虞祕監。今喜識玄孫。

形象丹青逼。

家聲單字存。

淒涼憐筆勢。

浩蕩問詞源。

爽氣金天豁。

清談玉露繁。

佇鳴南嶽鳳。

欲化北溟鯤。

交態知浮俗。

儒流不異門。

過逢連客位。

日夜倒芳樽。

沙岸風吹葉。

雲江月上軒。

百年嗟已半。

四座敢辭喧。

書籍終相與。

青山隔故園。

病柏

有柏生崇岡。

童童狀車蓋。

偃蹇龍虎姿。

主當風雲會。

神明依正直。

故老多再拜。

豈知千年根。

中路顏色壞。

出非不得地。

蟠據亦高大。

歲寒忽無憑。

日夜柯葉改。

丹鳳領九雛。

哀鳴翔其外。

鴟鴞志意滿。

養子穿穴內。

客從何鄉來。

佇立久吁怪。

靜求元精理。

浩蕩難倚賴。

病橘

羣橘少生意。

雖多亦奚爲。

惜哉結實小。

酸澀如棠梨。

剖之盡蠹蝕。

采掇爽所宜。

紛然不適口。

豈只存其皮。

蕭蕭半死葉。

未忍別故枝。

玄冬霜雪積。

況乃迴風吹。

嘗聞蓬萊殿。

羅列瀟湘奏。

此物歲不稔。

玉食失光輝。

寇盜尙憑陵。

當君減膳時。

汝病是天意。

吾愁罪有司。

憶昔南海使。

奔騰獻荔枝。

百馬死山谷。

到今耆舊悲。

枯榎

蜀門多榎欄。

高者十八九。

其皮割剝甚。

雖衆亦易朽。

徒布如雲葉。

青青歲寒後。

交橫集斧斤。

凋喪先蒲柳。

傷時苦軍乏。

一物官盡取。

嗟爾江漢人。

生成復何有。

有同枯榎木。

使我沈嘆久。

死者卽已休。

生者何自守。

啾啾黃雀啄。

側見寒蓬走。

念爾形影乾。

摧殘沒藜莠。

枯枿

榎枿枯嶢嶢。

鄉黨皆莫記。

不知幾百歲。

慘慘無生意。

上枝摩蒼天。

下根蟠厚地。

巨圍雷霆拆。

萬孔蟲蟻萃。

凍雨落流膠。

衝風奪佳氣。

白鶴遂不來。

天鷄爲愁思。

猶含棟梁具。

無復霄漢志。

良工古昔少。

識者出涕淚。

種榆水中央。

成長何容易。

截承金露盤。

裊裊不自畏。

不見

不見李生久。伴狂真可哀。世人皆欲殺。吾意獨憐才。敏捷詩千首。飄零酒一杯。匡山讀書處。頭白好歸來。

草堂即事

荒邨建子月。獨樹老夫家。雪裏江船渡。風前竹徑斜。寒魚依密藻。宿雁聚圓沙。蜀酒禁愁得。無錢何處賒。

徐九少尹見過

晚景孤邨僻。行軍數騎來。交新徒有喜。禮厚愧無才。賞靜憐雲竹。忘歸步月臺。何當看花藥。欲發照江梅。

范二員外邀吳十侍御郁特枉駕闕展待聊寄此作

暫往比隣去。空聞二妙歸。幽棲誠簡略。衰白已光輝。野外貧家遠。邨中好客稀。論文或不媿。重肯款柴扉。

王十七侍御掄許攜酒至草堂奉寄此詩便請邀高三十五使君同到

老夫臥聽朝慵起。白屋寒多暖始開。江鶴巧當幽徑浴。隣雞還過短牆來。繡衣屢許攜家醞。卓蓋能忘折野梅。戲假霜威促山簡。須成一醉習池迴。

王竟攜酒高亦同過共用寒字

臥病荒郊遠。通行小徑難。故人能領客。攜酒重相看。自愧無鮭菜。空煩卸馬鞍。移檣勸山簡。頭白恐風寒。

陪李七司馬阜江上觀造竹橋即自成往來之人免冬寒入水聊題短作簡李公

伐竹爲橋結構同。寒裳不涉往來通。天寒白鶴歸華表。日落青龍見水中。願我老非題柱客。知君才是濟川功。合歡卻笑千年事。驅石何時到海東。

觀作橋成月夜舟中有述還呈李司馬

把燭橋成夜。迴舟客坐時。天高雲去盡。江迴月來遲。衰謝多扶病。招邀屢有期。異方成此興。樂罷不無悲。

李司馬橋成承高使君自成都回

向來江上手紛紛。三日功成事出羣。已傳童子騎青竹。總擬橋東待使君。入奏行。贈西山檢察使竇侍御

竇侍御。驥之子。鳳之雛。年未三十忠義俱。骨鯁絕代無。炯如一段清冰出萬壑。置在迎風露寒之玉壺。蔗漿歸廚金盃凍。洗滌煩熱足以寧君軀。政用疎通合典則。咸聯豪貴耽文儒。兵革未息人未蘇。天子亦念西南隅。吐蕃憑陵氣頗麤。

寶氏檢察應時須。

運糧繩橋壯士喜。

斬木火井窮猿呼。

八州刺史思一戰。

三城守邊卻可圖。

此行入奏計未小。

密奉聖旨恩宜殊。

繡衣春當霽漢立。

綵服日向庭闈趨。

省郎京尹必俯拾。

江花未落還成都。

江花未落還成都。

肯訪浣花老翁無。

爲君酤酒滿眼酤。

與奴白飯馬青芻。

得廣州張判官叔卿書使還以詩代意

鄉關胡騎滿。宇宙蜀城偏。忽得炎州信。

遙從月峽傳。雲深驃騎幕。

夜隔孝廉船。

卻寄雙愁眼。相思淚點懸。

魏十四侍御就敵廬相別

有客騎驄馬。江邊問草堂。遠尋雷藥價。

惜別倒文場。

入幕旌旗動。歸軒錦繡香。

時應念衰疾。書疏及滄浪。

贈別何邕

生死論交地。何由見一人。

悲君隨燕雀。

薄宦走風塵。

綿谷元通漢。

沱江不向秦。

五陵花滿眼。傳語故鄉春。

絕句

江邊踏青罷。回首見旌旗。

風起春城暮。

高樓鼓角悲。

贈別鄭鍊赴襄陽

戎馬交馳際。柴門老病身。

把君詩過日。

念此別驚神。

地潤峨眉晚。

天高峴首春。

爲於耆舊內。試覓姓龐人。

重贈鄭鍊絕句

鄭子將行罷使臣。囊無一物獻尊親。

江山路遠驛離日。

裘馬誰爲感激人。

江頭五咏

【一】丁香

丁香體柔弱。亂結枝獨熟。

細葉帶浮毛。

疎花披素艷。

深栽小齋後。

庶使幽人占。

晚墮蘭麝中。休懷粉身念。

【二】麗春

百草競春華。麗春應最勝。

少須顏色好。

多漫枝條賸。

紛紛桃李姿。

處處總能移。

如何此貴重。卻怕有人知。

【三】梔子

梔子比衆木。人閒誠未多。

於身色有用。

與道氣相和。

紅取風霜實。

青看雨露柯。

無情移得汝。貴在映江波。

【四】鷓鴣

故使籠寬織。須知動損毛。看雲獨悵望。失水任呼號。六翮曾經剪。孤飛卒未高。且無鷹隼慮。畱滯莫辭勞。

【五】花鴨

花鴨無泥滓。塘前每緩行。羽毛知獨立。黑白太分明。不覺羣心妬。休牽衆眼驚。稻梁露汝在。作意莫先鳴。

野望

西山白雪三城戍。南浦清江萬里橋。海內風塵諸弟隔。天涯涕淚一身遙。惟將遲暮供多病。未有涓埃答聖朝。跨馬出郊時極目。不堪人事日蕭條。

畏人

早花隨處發。春鳥異方啼。萬里清江上。三年落日低。畏人成小築。褊性合幽棲。門徑從榛草。無心待馬蹄。

屏跡三首

衰年甘屏跡。幽事供高臥。鳥下竹根行。龜開萍葉過。年荒酒價乏。日併園蔬課。獨酌甘泉歌。歌長擊楸破。

【二】

用拙存吾道。幽居近物情。桑麻深雨露。燕雀半生成。邨鼓時時急。漁舟箇箇輕。杖藜從白首。心跡喜雙清。

【三】

晚起家何事。無營地轉幽。竹光團野色。舍影漾江流。失學從兒懶。長貧任婦愁。百年渾得醉。一月不梳頭。

少年行

馬上誰家白面郎。臨階下馬坐人牀。不通姓氏轟豪甚。指點銀瓶索酒嘗。

卽事

百寶裝腰帶。眞珠絡臂鞦。笑時花近眼。舞罷錦纏頭。

奉酬嚴公寄題野亭之作

拾遺曾奏數行書。懶性從來水竹居。奉引濫騎沙苑馬。幽棲真釣錦江魚。謝安不倦登臨費。阮籍焉知禮法疎。枉沐旌麾出城府。草茅無徑欲教鋤。

杜少陵詩集卷十一

嚴中丞枉駕見過

元戎小隊出郊坰。

問柳尋花到野亭。

川合東西瞻使節。

地分南北任流萍。

扁舟不獨如張翰。

卓帽還應似管寧。

寂寞江天雲霧裏。

何人道有少微星。

遭田父泥飲美嚴中丞

步履隨春風。

邨邨自花柳。

田翁逼社日。

邀我嘗新酒。

酒酣誇新尹。

畜眼未見有。

迴頭指大男。

渠是弓弩手。

名在飛騎籍。

長番歲時久。

前日放營農。

辛苦救衰朽。

差科死則已。

誓不舉家走。

今年大作社。

拾遺能住否。

叫婦開大瓶。

盆中爲吾取。

感此氣揚揚。

須知風化首。

語多雖雜亂。

說尹終在口。

朝來偶然出。

自卯將及酉。

久客惜人情。

如何拒隣叟。

高聲索果栗。

欲起時被肘。

指揮過無禮。

未覺邨野醜。

月出遮我面。

仍噴問升斗。

奉和嚴中丞西城晚眺十韻

汲黯匡君切。

廉頗出將頻。

直詞才不世。

雄略動如神。

政簡移風速。

詩清立意新。

層城臨暇景。

絕域望餘春。

旂尾蛟龍會。

樓頭燕雀馴。

地平江動蜀。

天濶樹浮秦。

帝念深分閫。

軍須遠算縉。

花羅封缺蝶。

瑞錦送麒麟。

辭第輪高義。

觀圖憶古人。

征南多興緒。

事業闇相親。

中丞嚴公雨中垂寄見憶一絕奉答二絕

雨映行宮辱贈詩。

元戎肯赴野人期。

江邊老病雖無力。

強擬晴天理釣絲。

【二】

何日雨晴雲出溪。

白沙青石洗無泥。

只須伐竹開荒徑。

倚杖穿花聽馬嘶。

謝嚴中丞送青城山道士乳酒一瓶

山瓶乳酒下青雲。

氣味濃香幸見分。

鳴鞭走送憐漁父。

洗盞開嘗對馬軍。

三絕句

楸樹馨香倚釣磯。

斬新花藥未應飛。

不如醉裏風吹盡。

何忍醒時雨打稀。

【二】

門外鷓鴣去不來。

沙頭忽見眼相猜。

自今已後知人意。

一日須來一百迴。

【三】

無數春筍滿林生。

柴門密掩斷人行。

會須上番看成竹。

客至從噴不出迎。

杜少陵詩集卷十一

戲爲六絕句

庚信文章老更成。

凌雲健筆意縱橫。

今人嗤點流傳賦。

不覺前賢畏後生。

【一】

楊王盧駱當時體。

輕薄爲文哂未休。

爾曹身與名俱滅。

不廢江河萬古流。

【二】

縱使盧王操翰墨。

劣於漢魏近風騷。

龍文虎脊皆君馭。

歷塊過都見爾曹。

【三】

才力應難跨數公。

凡今誰是出羣雄。

或看翡翠蘭苕上。

未掣鯨魚碧海中。

【四】

不薄今人愛古人。

清詞麗句必爲隣。

竊攀屈宋宜方駕。

恐與齊梁作後塵。

【五】

未及前賢更勿疑。

遞相祖述復先誰。

別裁僞體親風雅。

轉益多師是汝師。

野人送朱櫻

西蜀櫻桃也自紅。

野人相贈滿筠籠。

數回細寫愁仍破。

萬顆勻圓訝許同。

憶昨賜露門下省。

退朝擎出大明宮。

金盤玉筋無消息。

此日嘗新任轉蓬。

嚴公仲夏枉駕草堂兼攜酒餽得寒字

竹裏行廚洗玉盤。

花邊立馬簇金鞍。

非關使者徵求急。

自識將軍禮數寬。

百年地僻柴門迴。

五月江深草閣寒。

看弄漁舟移白日。

老農何有罄交歡。

嚴公廳宴同詠蜀道畫圖得寒字

日臨公館靜。

畫滿地圖雄。

劔閣星橋北。

松州雪嶺東。

興與煙霞會。

清樽幸不空。

華夷山不斷。

吳蜀水相通。

戲贈友二首

元年建巳月。

郎有焦枝書。

自誇足膂力。

能騎生馬駒。

壯心不肯已。

欲得東擒胡。

一朝被馬踏。

唇裂板齒無。

【一】

元年建巳月。

官有王司直。

馬驚折左臂。

骨折面如墨。

勸君休嘆恨。

未必不爲福。

駑駘漫深泥。

何不避雨色。

大雨

西蜀冬不雪。

春農尙嗷嗷。

上天回哀眷。

朱夏雲鬱陶。

風雷颯萬里。

霈澤施蓬蒿。

敢辭茅葦漏。

已喜黍豆高。

杜少陵詩集卷十一

流惡邑里清。矧茲遠江阜。荒庭步鶴鶴。隱几望波濤。沈疴聚藥餌。頓忘所進勞。則知潤物功。可以貨不毛。陰色靜壙畝。勸耕自官曹。四隣未耜出。何必吾家操。

溪漲

當時浣花橋。溪水纔尺餘。白石明可把。水中有行車。秋夏忽泛溢。豈惟入吾廬。蛟龍亦狼狽。況是鼉與魚。茲晨已半落。歸路跬步疎。馬嘶未敢動。前有深填淤。青青屋東麻。散亂床上書。不知遠山雨。夜來復何如。我遊都市閒。晚憇必邨墟。乃知久行客。終日思其居。

大麥行

大麥乾枯小麥黃。婦女行泣夫走藏。東至集壁西梁洋。問誰腰鎌胡與羌。豈無蜀兵三千人。箠領辛苦江山長。安得如鳥有羽翅。託身白雲歸故鄉。

奉送嚴公入朝十韻

鼎湖瞻望遠。象闕憲章新。四海猶多難。中原憶舊臣。與時安反側。自昔有經綸。威激張天步。從容靜塞塵。南圖廻羽翮。北極捧星辰。漏鼓還思晝。宮鶯罷囀春。空留玉帳術。愁殺錦城人。閣道通丹地。江潭隱白蘋。此生那老蜀。不死會歸秦。公若登台輔。臨危莫愛身。

送嚴侍郎到綿州同登杜使君江樓宴得心字

野興每難盡。江樓延賞心。歸朝送使節。落景惜登臨。稍稍煙集渚。微微風動襟。重船依淺瀨。輕鳥度曾陰。檻峻背幽谷。廳虛交茂林。燈光散遠近。月彩靜高深。城擁朝來客。天橫醉後參。窮途衰謝意。苦調短長吟。此會共能幾。諸孫賢至今。不勞朱戶閉。自待白河沈。

奉濟驛重送嚴公四韻

遠送從此別。青山空復情。幾時杯重把。昨夜月同行。列郡謳歌惜。三朝出入榮。江邨獨歸處。寂寞養殘生。

送梓州李使君之任

籍甚黃丞相。能名白頰川。近看除刺史。還喜得吾賢。五馬何時到。雙魚會早傳。老思筇竹杖。冬要錦衾眠。不作臨歧恨。惟聽舉最先。火雲揮汗日。山驛醒心泉。遇害陳公殞。于今蜀道憐。君行射洪縣。爲我一潸然。

觀打魚歌

綿州江水之東津。魴魚鱸鰕色勝銀。漁人漾舟沈大網。截江一擁數百鱗。衆魚常才盡卻棄。赤鯉騰出如有神。潛龍無聲老蛟怒。廻風颯颯吹沙塵。

饜子左右揮霜刀。
魴魚肥美知第一。

餽飛金盤白雪高。
既飽驩娛亦蕭瑟。

徐州秃尾不足憶。
君不見朝來割素鬣。

漢陰槎頭遠遁逃。
咫尺波濤永相失。

又觀打魚

蒼江漁子清晨集。
小魚脫漏不可記。
東津觀魚已再來。
干戈格鬪尙未已。

設網提綱取魚急。
半死半生猶戢戢。
主人罷餽還傾杯。
鳳凰麒麟安在哉。

能者操舟疾若風。
大魚傷損皆垂頭。
日暮蛟龍改窟穴。
吾徒胡爲縱此樂。

撐突波濤挺又入。
屈強泥沙有時立。
山根鯨鮪隨雲雷。
暴殄天物聖所哀。

越王樓歌

綿州州府何磊落。
樓下長江百丈清。

順慶年中越王作。
山頭落日半輪明。

孤城西北起高樓。
君王舊跡今人賞。

碧瓦朱甍照城郭。
轉見千秋萬古情。

海棕行

左綿公館清江濱。
自是衆木亂紛紛。

海棕一株高入雲。
海棕焉知身出羣。

龍鱗犀甲相錯落。
移栽北辰不可得。

蒼稜白皮十抱文。
時有西域胡僧識。

姜楚公畫角鷹歌

楚公畫鷹鷹戴角。

殺氣森森到幽朔。

觀者貪愁掣臂飛。

畫師不是無心學。

此鷹寫真在左綿。

卻嗟真骨遂虛傳。

梁閒燕雀休驚怕。

亦未搏空上九天。

東津送韋諷攝閬州錄事

聞說江山好。憐君吏隱兼。

龍行舟遠泛。他時如按縣。不得慢陶潛。

惜別酒頻添。推薦非承乏。

操持必去嫌。

光祿坂行

山行落日下絕壁。
馬驚不憂深谷墜。

南望千山萬山赤。
草動只怕長弓射。

樹枝有鳥亂鳴時。
安得更似開元中。

暝色無人獨歸客。
道路即今多擁隔。

苦戰行

苦戰身死馬將軍。
去年南行討狂賊。

自云伏波之子孫。
臨江把臂難再得。

千戈未定失壯士。
別時孤雲今不飛。

使我嘆恨傷精魂。
時獨看雲淚橫臆。

去秋行

去秋涪江水落時。
遂州城中漢節在。

臂槍走馬誰家兒。
遂州城外巴人稀。

到今不知白骨處。
戰場冤魂每夜哭。

部曲有去皆無歸。
空令野營猛士悲。

廣州段功曹到得楊五長史譚書功曹卻歸聊寄此詩

衛青開幕府。楊僕將樓船。漢節梅花外。春城海水邊。銅梁書遠及。珠浦使將旋。

貧病他鄉老，煩君萬里傳。

送段功曹歸廣州

南海春天外，功曹幾月程。峽雲籠樹小，湖日蕩船明。交趾丹砂重，韶州白葛輕。幸君因旅客，時寄錦官城。

題玄武禪師屋壁

何年顧虎頭，滿壁畫滄洲。赤日石林氣，青天江海流。錫飛常近鶴，杯渡不驚鷗。似得廬山路，真隨惠遠遊。

悲秋

涼風動萬里，羣盜尚縱橫。家遠傳書日，秋來爲客情。愁窺高鳥過，老逐衆人行。始欲投三峽，何由見兩京。

客夜

客睡何曾著，秋天不肯明。入簾殘月影，高枕遠江聲。計拙無衣食，途窮仗友生。老妻書數紙，應悉未歸情。

客亭

秋窗猶曙色，落木更高風。日出寒山外，江流宿霧中。聖朝無棄物，衰病已成翁。

多少殘生事，飄零任轉蓬。

九日登梓州城

伊昔黃花酒，如今白髮翁。追歡筋力異，望遠歲時同。弟妹悲歌裏，乾坤醉眼中。兵戈與關塞，此日意無窮。

九日奉寄嚴大夫

九日應愁思，經時冒險難。不眠持漢節，何路出巴山。小驛香醪嫩，重巖細菊斑。遙知簇鞍馬，回首白雲閒。

秋盡

秋盡東行且未迴，茅齋寄在少城隈。籬邊老卻陶潛菊，江上徒逢袁紹杯。雪嶺獨看西日落，劔門猶阻北人來。不辭萬里長爲客，懷抱何時好一開。

戲題寄上漢中王三首

西漢親王子，成都老客星。百年雙白鬢，一別五秋螢。忍斷杯中物，祇看座右銘。不能隨卓犖，自醉逐流萍。

【二】

策杖時能出，王門異昔遊。已知嗟不起，未許醉相留。蜀酒濃無敵，江魚美可求。

終思一酩酊，淨掃雁池頭。

【三】

羣盜無歸路，衰顏會遠方。尙憐詩警策，猶記酒顛狂。魯衛彌尊重，徐陳畧喪亡。

既月呈漢中王

夜深露氣清，江月滿江城。浮客轉危坐，歸舟應獨行。關山同一照，烏鵲自多驚。

從事行贈嚴二別駕

我行入東川，十步一迴首。

梓中豪俊大者誰，本州從事知名久。

烏帽拂塵青騾粟，紫衣將炙緋衣走。

黃昏始扣主人門，誰謂俄頃膠在漆。

神傾意豁眞佳士，久客多憂今愈疾。

垂老遇君未恨晚，似君須向古人求。

贈韋贊善別

成都亂罷氣蕭索，浣花草堂亦何有。
把臂開樽飲我酒，酒酣擊劍蛟龍吼。
銅盤燒蠟光吐日，萬事盡付形骸外。
夜如何其初促膝，百年未見歡娛畢。
高視乾坤又可愁，一體交態同悠悠。

扶病送君發，自憐猶不歸。祇應盡客淚，復作掩荆扉。江漢故人少，音書從此稀。往還二十載，歲晚寸心違。

寄高適

楚隔乾坤遠，難招病客魂。詩名惟我共，世事與誰論。北闕更新主，南星落故園。定知相見日，爛漫倒芳樽。

野望

金華山北涪水西，仲冬風日始淒淒。山連越巒蟠三蜀，水散巴渝下五谿。

獨鶴不知何事舞，饑鳥似欲向人啼。射洪春酒寒仍綠，極目傷神誰爲攜。

冬到金華山觀因得故拾遺陳公學堂遺跡

涪右衆山內，金華紫崔嵬。上有蔚藍天，垂光抱瓊臺。繫舟接絕壑，杖策窮繁回。四顧俯層巔，淡然川谷開。雪嶺日色死，霜鴻有餘哀。焚香玉女跪，霧裏仙人來。陳公讀書堂，石柱仄青苔。悲風爲我起，激烈傷雄才。

陳拾遺故宅

拾遺平昔居，大屋尙修椽。悠揚荒山日，慘澹故園煙。位下曷足傷，所貴者聖賢。有才繼騷雅，哲匠不比肩。公生揚馬後，名與日月懸。同遊英俊人，多秉輔佐權。

彥昭超玉價。郭震起通泉。到今素壁滑。灑翰銀鈎連。盛事會一時。此堂豈千年。終古立忠義。感遇有遺篇。

謁文公上方

野寺隱喬木。山僧高下居。石門日色異。絳氣橫扶疎。窈窕入風磴。長蘿紛卷舒。庭前猛虎臥。遂得文公廬。俯視萬家邑。煙塵對階除。吾師雨花外。不下十年餘。長者自布金。禪龕只宴如。大珠脫玷翳。白月當空虛。甫也南北人。蕪蔓少耘鋤。久遭詩酒汗。何事忝簪裾。王侯與螻蟻。同盡隨丘墟。願聞第一義。迴向心地初。金篋刮眼膜。價重百車渠。無生有汲引。茲理儻吹嘘。

奉贈射洪李四丈明甫

丈人屋上烏。人好烏亦好。人生意氣豁。不在相逢早。南京亂初定。所向色枯槁。遊子無根株。茅齋付秋草。東征下月峽。挂席窮海島。萬里須十金。妻孥未相保。蒼茫風塵際。踴躍騏驎老。志士懷感傷。心胸已傾倒。

早發射洪縣南途中作

將老憂貧窶。筋力豈能及。征送乃侵星。得使諸病入。鄙人寡道氣。在困無獨立。假裝逐徒旅。達曙凌險澀。塞日出霧遲。清江轉山急。僕夫行不進。駑馬若維繫。

汀洲稍疎散。風景開快他。空慰所尚懷。終非曩遊集。衰顏偶一破。勝事難屢把。茫然阮籍途。更濕楊朱泣。

通泉峽南去通泉縣十五里山水作

溪行衣自濕。亭午氣始散。冬溫蚊蚋集。人遠鳥鳴亂。登頓生曾陰。欹傾出高岸。驛樓衰柳側。縣郭輕煙畔。一川何綺麗。盡日窮壯觀。山色遠寂寞。江光夕滋漫。傷時愧孔父。去國同王粲。我生苦飄零。所歷有嗟嘆。

過郭代公故宅

豪俊初未遇。其迹或脫略。代公尉通泉。放意何自若。及夫登袞冕。直氣森噴薄。磊落見異人。豈伊常情度。定策神龍後。宮中翕清廓。俄頃辨尊親。指揮存顧託。羣公有慙色。王室無削弱。迴出名臣上。丹青照臺閣。我行得遺跡。池館皆疏鑿。壯公臨事斷。顧步涕橫落。精魄凜如在。所歷終蕭索。高詠寶劍篇。神交付冥漠。

觀薛稷少保書畫壁

少保有古風。得之陝郊篇。惜哉功名忤。但見書畫傳。我遊梓州東。遺跡涪水邊。畫藏青蓮界。書入金勝懸。仰看垂露姿。不崩亦不翫。鬱鬱三大字。蛟龍岌相纏。又揮西方變。發地扶屋椽。慘澹壁飛動。到今色未填。此行疊壯觀。郭薛俱才賢。

不知百載後。誰復來通泉。

通泉縣署壁後薛少保畫鶴

薛公十一鶴。皆寫青田真。畫色久欲盡。蒼然猶出塵。低昂各有意。磊落如長人。佳此志氣遠。豈惟粉墨新。萬里不以力。羣遊森會神。威遲白鳳態。非是倉鷄隣。高堂未傾覆。常得慰嘉賓。曝露墻壁外。終嗟風雨頻。赤霄有真骨。恥飲滄池津。冥冥任所往。脫略誰能馴。

陪王侍御宴通泉東山野亭

江水東流去。清樽日復斜。異方同宴賞。何處是京華。亭景臨山水。邨煙對浦沙。狂歌遇形勝。得醉即爲家。

陪王侍御同登東山最高頂宴姚通泉晚攜酒泛江

姚江美政誰與儔。不減昔時陳太丘。邑中上客有柱史。多暇日陪驄馬遊。東山高頂羅珍羞。下顧城郭銷我憂。清江白日落欲盡。復攜美人登綵舟。笛聲憤怨哀中流。妙舞逶迤夜未休。燈前往往大魚出。聽曲低昂如有求。三更風起寒浪湧。取樂喧呼覺船重。滿空星河光破碎。四座賓客色不動。請公臨深莫相違。迴船罷酒上馬歸。人生歡會豈有極。無使霜露霑人衣。

漁陽

漁陽突騎猶精銳。

赫赫雍王都節制。

猛將翻然恐後時。

本朝不入非高計。

祿山北築雄武城。

舊防敗走歸其營。

繫書請問燕耆舊。

今日何須十萬兵。

花底

紫萼扶千藥。

黃鬢照萬花。

忽疑行暮雨。

何事入朝霞。

恐是潘安縣。堪留衛玠車。

深知好顏色。

莫作委泥沙。

柳邊

只道梅花發。

那知柳亦新。

枝枝總到地。

葉葉自開春。

紫燕時翻翼。黃鸝不露身。

漢南應老盡。

霸上遠愁人。

聞官軍收河南河北

劍外忽傳收薊北。

初聞涕淚滿衣裳。

卻看妻子愁何在。

漫卷詩書喜欲狂。

白首放歌須縱酒。

青春作伴好還鄉。

即從巴峽穿巫峽。

便下襄陽向洛陽。

遠遊

賤子何人記。

迷方著處家。

竹風連野色。

江沫擁春沙。

種藥扶衰病。吟詩解嘆嗟。

似聞胡騎走。

失喜問京華。

春日梓州登樓二首

一二五四

行路難如此。登樓望欲迷。身無卻少壯。跡有但羈栖。江水澹城郭。春風入鼓鼙。雙雙新燕子。依舊已銜泥。

【二】

天畔登樓眼。隨春入故園。戰場今始定。移柳更能存。厭蜀交遊冷。思吳勝事繁。應須理舟楫。長嘯下荆門。

有感五首

將帥蒙恩澤。兵戈有歲年。至今勞聖主。何以報皇天。白骨新交戰。雲臺舊拓邊。乘槎斷消息。無處覓張騫。

【二】

幽薊餘蛇豕。乾坤尚虎狼。諸侯春不貢。使者日相望。慎勿吞青海。無勞問越裳。大君先息戰。歸馬華山陽。

【三】

洛下舟車入。天中貢賦均。日聞紅粟腐。寒待翠華春。莫取金湯固。長令宇宙新。不過行儉德。盜賊本王臣。

【四】

丹桂風霜急。青梧日夜凋。由來強幹地。未有不臣朝。授鉞親賢往。卑宮制詔遙。終依古封建。豈獨聽簫韶。

【五】

胡滅人還亂。兵殘將自疑。登壇名絕假。報主爾何遲。領郡輒無色。之官皆有詞。願聞哀痛詔。端拱問蒼旻。

春日戲題惱郝使君兄

使君意氣凌青霄。憶昨歡娛常見招。細馬時鳴金騶裊。佳人屢出董嬌饒。東流江水西飛燕。可惜春光不相見。願攜王趙兩紅顏。再聘肌膚如素練。通泉百里近梓州。請公一來開我愁。舞處重看花滿面。樽前還有錦纏頭。

杜少陵詩集卷十二

題鄭原郭三十二明府茅屋壁

江頭且繫船。爲爾獨相憐。雲散灌壇雨。春青彭澤田。頻驚適小國。一擬問高天。

別後巴東路。逢人問幾賢。

奉送崔都水翁下峽

無數涪江筏。鳴橈總發時。別離終不久。宗族忍相遺。白狗黃牛峽。朝雲暮雨祠。所過憑問訊。到日自題詩。

鄜城西原送李判官兄武判官弟赴成都府

憑高送所親。久坐惜芳辰。遠水非無浪。他山自有春。野花隨處發。官柳著行新。天際傷愁別。離筵何太頻。

涪江泛舟送韋班歸京

追餞同舟日。傷春一水閒。飄零爲客久。衰老羨君還。花雜重重樹。雲輕處處山。天涯故人少。更益鬢毛斑。

泛舟送魏十八倉曹還京

遲日深江水。輕舟送別筵。帝鄉愁緒外。春色淚痕邊。見酒須相憶。將詩莫浪傳。若逢岑與范。爲報各衰年。

送路六侍御入朝

童稚情親四十年。中間消息兩茫然。更爲後會知何地。忽漫相逢是別筵。

不分桃花紅似錦。生憎柳絮白於綿。劍南春色還無賴。觸忤愁人到酒邊。

涪城縣香積寺官閣

寺下春江深不流。山腰官閣迴添愁。含風翠壁孤雲細。背日丹楓萬木稠。小院迴廊春寂寂。浴鳧飛鷺晚悠悠。諸天合在藤蘿外。昏黑應須到上頭。

泛江送客

二月頻送客。東津江欲平。煙花山際重。舟楫浪前輕。淚逐勸盃下。愁連吹笛生。離筵不隔日。那得易爲情。

雙燕

旅食驚雙燕。銜泥入北堂。應同避燥濕。且復過炎涼。養子風塵際。來時道路長。今秋天地在。吾亦離殊方。

百舌

百舌來何處。重重祇報春。知音兼衆語。整翮豈多身。花密藏難見。枝高聽轉新。過時如發口。君側有讒人。

上牛頭寺

青山意不盡。袞袞上牛頭。無復能拘礙。真成浪出遊。花濃春寺靜。竹細野池幽。

何處啼鶯切。移時獨未休。

望牛頭寺

牛頭見鶴林。梯逕繞幽深。春色浮山外。天河宿殿陰。傳燈無白日。布地有黃金。休作狂歌老。廻看不住心。

登牛頭山亭子

路出雙林外。亭窺萬井中。江城孤照日。山谷遠含風。兵革身將老。關河信不通。猶殘數行淚。忍對百花叢。

上兜率寺

兜率知名寺。真如會法堂。江山有巴蜀。棟宇自齊梁。庾信哀雖久。周顒好不忘。白牛車遠近。且欲上慈航。

望兜率寺

樹密當山逕。江深隔寺門。霏霏雲氣動。閃閃浪花翻。不復知天大。空餘見佛尊。時應清盥罷。隨喜給孤園。

廿 園

春日清江岸。千甘二頃園。青雲羞葉密。白雪避花繁。結子隨邊使。開籠近至尊。後於桃李熟。終得獻金門。

陪李梓州王闕州蘇遂州李果州四使君登惠義寺

春日無人境。虛空不住天。鶯花隨世界。樓閣倚山巔。遲暮身何得。登臨意惘然。誰能解金印。瀟灑共安禪。

數陪李梓州泛江有女樂在諸舫戲為艷曲二首贈李

上客廻空騎。佳人滿近船。江清歌扇底。野曠舞衣前。玉袖凌風竝。金壺隱浪偏。競將明媚色。偷眼艷陽天。

【二】

白日移歌袖。青霄近笛床。翠眉縈度曲。雲鬢儼成行。立馬千山暮。廻舟一水香。使君自有婦。莫學野鴛鴦。

送何侍御歸朝

舟楫諸侯餞。車輿使者歸。山花相映發。水鳥自孤飛。春日垂霜鬢。天隅把繡衣。故人從此去。寥落寸心違。

江亭送眉州辛別駕昇之

柳影含雲幕。江波近酒壺。異方驚會面。終宴惜征途。沙晚低風蝶。天晴喜浴鳧。別離傷老大。意緒日荒蕪。

行次鹽亭縣聊題四韻奉簡嚴遂州蓬州兩使君咨議諸昆季

馬首見鹽亭。高山擁縣青。雲溪花淡淡。春郭水泠泠。全蜀多名士。嚴家聚德星。長歌意無極。好爲老夫聽。

倚杖

看花雖郭內。倚杖即溪邊。山縣早休市。江橋春聚船。狎鷗輕白浪。歸雁喜青天。物色兼生意。淒涼憶去年。

惠義寺送王少尹赴成都得暈字

苒苒谷中寺。娟娟林表峯。闌干上處遠。結構坐來重。騎馬行春徑。衣冠起暮鐘。雲門青寂寂。此別惜相從。

惠義寺園送辛員外

朱櫻此日垂朱實。郭外誰家負郭田。萬里相逢貪握手。高才仰望足離筵。

又送

雙峰寂寂對春臺。萬竹青青照客杯。細草留連侵坐軟。殘花悵望近人開。

同舟昨日何由得。竝馬今朝未擬廻。直到綿州始分首。江邊樹裏共誰來。

巴西驛亭觀江漲呈寶十五使君二首

宿雨南江漲。波濤亂遠峰。孤亭凌噴薄。萬井逼春容。霄漢愁高鳥。泥沙困老龍。

天邊同客舍。攜我豁心胸。

【二】

轉驚波作惡。即恐岸隨流。賴有杯中物。還同海上鷗。關心小刻縣。傍眼見揚州。

為接情人飲。朝來減片愁。

又呈寶使君

向晚波微綠。連空岸卻青。日兼春有暮。愁與醉無醒。漂泊猶杯酒。踟躕此驛亭。相看萬里外。同是一浮萍。

陪王漢州留杜綿州泛房公西湖

舊相思追後。春池賞不稀。闕庭分未到。舟楫有光輝。跋北葦絲熟。刀鳴餉縷飛。

使君雙卓蓋。灘淺五相依。

得房公池鶯

房相西池鶯一羣。眠沙泛浦白於雲。鳳凰池上應回首。為報籠隨王右軍。

答楊梓州

悶到房公池水頭。坐逢楊子鎮東州。卻向青溪不相見。迴船應載阿戎遊。

舟前小鶯兒

鶯兒黃似酒。對酒愛新鶯。引頸噴船逼。無行亂眼多。翅開遭宿雨。力小困滄波。客散層城暮。狐狸奈若何。

官池春雁二首

自古稻梁多不足。至今鷓鴣亂為羣。且休悵望看春水。更恐歸飛隔暮雲。

【二】

青春易盡急還鄉。

紫塞寧論尚有霜。

翅在雲天終不遠。

力微增織絕須防。

投簡梓州幕府兼簡韋十郎官

幕下郎官安穩無。從來不奉一行書。

固知貧病人須棄。

能使韋郎跡也疎。

漢川王大錄事宅作

南溪老病客。相見下肩輿。近髮看烏帽。

催葷煮白魚。

宅中平岸水。身外滿牀書。

憶爾才名叔。含悽意有餘。

短歌行送郗錄事歸合州因寄蘇使君

前者送中一相見。

人事經年記君面。

後生相勸何寂寥。

君有長才不貧賤。

君今起柁春江流。

余亦沙邊具小舟。

幸爲達書賢府主。

江花未盡會江樓。

送韋郎司直歸成都

竄身來蜀地。同病得韋郎。

天下兵戈滿。

江邊歲月長。

別筵花欲暮。

春日鬢俱蒼。

爲問南溪竹。抽梢合過牆。

寄題江外草堂

我生性放誕。

雅欲逃自然。

嗜酒愛風竹。

卜居必林泉。

遭亂到蜀江。

臥病遣所便。

誅茅初一畝。

廣地方連延。

經營上元始。

斷手實應年。

敢謀土木麗。

自覺面勢堅。

亭臺隨高下。

微密當清川。

惟有會心侶。

數能同釣船。

干戈未偃息。

安得酣歌眠。

蛟龍無定窟。

黃鶴摩蒼天。

古來賢達士。

寧受外物牽。

願惟魯鈍姿。

豈識悔吝先。

偶攜老妻去。

慘澹凌風煙。

事跡無固必。

幽貞貴雙全。

尙念四小松。

蔓草易拘纏。

霜骨不堪長。

永爲隣里憐。

陪章留後侍御宴南樓

得風字

絕域長夏晚。

茲樓清宴同。

朝廷燒棧北。

鼓角漏天東。

屢食將軍第。

仍騎御史驄。

本無丹竈術。

那免白頭翁。

寇盜狂歌外。

形骸痛飲中。

野雲低度水。

蒼雨細隨風。

出號江城黑。

題詩蠟炬紅。

此身醒復醉。

不擬哭途窮。

臺上得涼字

改席臺能迴。

雷門月復光。

雲霄遺暑濕。

山谷進風涼。

老去一杯足。

誰憐屢舞長。

何須把官燭。

似惱鬢毛蒼。

送王十五判官扶侍還黔中

得開字

大家東征逐子回。

風生洲渚錦帆開。

青青竹笋迎船出。

白白江魚入饌來。

離別不堪無限意。

艱危深仗濟時才。

黔陽信使應稀少。

莫怪頻頻勸酒杯。

喜雨

春旱天地昏。日色赤如血。農事都已休。兵戎況騷屑。巴人困軍須。慟哭厚土熱。滄江夜來雨。真宰罪一雪。穀根小蘇息。沴氣終不滅。何由見寧歲。解我憂思結。崢嶸羣山雲。交會未斷絕。安得鞭雷公。滂沱洗吳越。

述古三首

赤驥頓長轡。非無萬里姿。悲鳴淚至地。為問馭者誰。鳳凰從東來。何意復高飛。竹花不結實。念子忍朝饑。古來君臣合。可以物理推。賢人識定分。進退固其宜。

【二】

市人日中集。於利競錐刀。置膏烈火上。哀哀自煎熬。農人望歲稔。相率除蓬蒿。所務穀為本。邪贏無乃勞。舜舉十六相。身尊道何高。秦時任商鞅。法令如牛毛。

【三】

漢光得天下。祚永固有開。豈惟高祖聖。功自蕭曹來。經綸中興業。何代無長才。吾慕寇鄧勳。濟時信良哉。耿賈亦宗臣。羽翼共徘徊。休運終四百。圖畫在雲臺。

陪章留後惠義寺餞嘉州崔都督赴州

中軍待上客。令肅事有恆。前驅入寶地。祖帳飄金繩。南陌既留歡。茲山亦深登。清開樹杪磬。遠謁雲端僧。廻策匪新岸。所攀仍舊藤。耳激洞門颺。目存寒谷冰。

出塵閭軌躅。畢景道炎蒸。永願坐長夏。將衰棲大乘。羈旅惜宴會。艱難懷友朋。勞生共幾何。離恨兼相仍。

送寶九歸成都

文章亦不盡。寶子才縱橫。非爾更苦節。何人符大名。讀書雲閣觀。問絹錦官城。我有浣花竹。題詩須一行。

章梓州水亭

城晚通雲霧。亭深到芰荷。吏人橋外少。秋水席邊多。近屬淮王至。高門薊子過。荊州愛山簡。吾醉亦長歌。

章梓州橘亭餞成都寶少尹得涼字

秋日野亭千橘香。玉杯錦席高雲涼。主人送客何所作。行酒賦詩殊未央。衰老應為難離別。賢聲此去有輝光。預傳籍籍新京兆。青史無勞數趙張。

隨章留後新亭會送諸君

新亭有高會。行子得良時。日動映江幕。風鳴排檻旗。絕葦終不改。勸酒欲無辭。已墮岷山淚。因題零雨詩。

客舊館

陳迹隨人事。初秋別此亭。重來梨葉赤。依舊竹林青。風幔何時卷。寒砧昨夜聲。無由出江漢。愁緒日冥冥。

戲作寄上漢中王二首

雲裏不聞雙雁過。掌中貪看一珠新。秋風嫋嫋吹江漢。只在他鄉何處人。

【二】

謝安舟楫風還起。梁苑池臺雪欲飛。杳杳東山攜妓去。泠泠修竹待王歸。

樓拂子

樓拂且薄陋。豈知身効能。不堪代白羽。有足除蒼蠅。熒熒金錯刀。濯濯朱絲繩。非獨顏色好。亦由顧盼稱。吾老抱疾病。家貧臥炎蒸。唾膚倦撲滅。賴爾甘服膺。物微世競棄。義在誰肯徵。三歲清秋至。未敢闕緘縢。

送陵州路使君之任

王室比多難。高官皆武臣。幽燕通使者。岳牧用詞人。國待賢良急。君當拔擢新。佩刀成氣象。行蓋出風塵。戰伐乾坤破。瘡痍府庫貧。衆寮宜潔白。萬役但平均。霄漢瞻佳士。泥塗任此身。秋天正搖落。回首大江濱。

送元二適江左

亂後今相見。秋深復遠行。風塵爲客日。江海送君情。晉室丹陽尹。八孫曰帝城。經過自愛惜。取次莫論兵。

九日

去年登高鄆縣北。今日重在涪江濱。苦遭白髮不相放。羞見黃花無數新。世亂鬱鬱久爲客。路難悠悠常傍人。酒闌卻憶十年事。腸斷驪山清路塵。

對雨

莽莽天涯雨。江邊獨立時。不愁巴道路。恐濕漢旌旗。雪嶺防秋急。繩橋戰勝遲。西戎甥舅禮。未敢背恩私。

薄暮

江水長流地。山雲薄暮時。寒花隱亂草。宿鳥探深枝。故國見何日。高秋心苦悲。人生不再好。鬢髮自成絲。

閩州奉送二十四舅使自京赴任青城

聞道王喬鳥。名因太史傳。如何碧雞使。把詔紫微天。秦嶺愁回首。涪江醉泛船。青城漫污雜。吾舅意凄然。

王閩州筵奉酬十一舅惜別之作

萬壑樹聲滿。千崖秋氣高。浮舟出郡郭。別酒寄江濤。良會不復久。此生何太勞。窮愁但有骨。羣盜尚如毛。吾勇惜分手。使君寒贈袍。沙頭暮黃鶴。失侶亦哀號。

閩州東樓筵奉送十一舅往青城得晉字

曾城有高樓。制古丹雘存。迢迢百餘尺。豁達開四門。雖有車馬客。而無人世喧。遊目俯大江。列筵慰別魂。是時秋冬交。節往顏色昏。天寒鳥獸伏。霜露在草根。今我送舅氏。萬感集清樽。豈伊山川閉。回首盜賊繁。高賢意不暇。王命久崩奔。臨風欲慟哭。聲出已復吞。

放船

送客蒼溪縣。山寒雨不開。直愁騎馬滑。故作放舟迴。青惜峯巒過。黃知橘柚來。江流大自在。坐穩興悠哉。

薄遊

浙浙風生砌。團團日穩牆。遙空秋雁滅。半嶺暮雲長。病葉多先墜。寒花只暫香。巴城添淚眼。今夕復清光。

嚴氏溪放歌

天下兵馬未盡銷。豈免溝壑常漂漂。劔南歲月不可度。邊頭公卿仍獨驕。

費心姑息是一役。肥肉大酒徒相要。嗚呼古人已糞土。獨覺志士甘漁樵。況我飄蓬無定所。終日憾憾忍羈旅。秋宿霜溪素月高。喜得與子長夜語。東遊西還力實倦。從此將身更何許。知子松根長茯苓。遲暮有意來同煮。

警急

才名舊楚將。妙畧擁兵機。玉壘雖傳檄。松州會解圍。和親知計拙。公主漫無歸。青海今誰得。西戎實飽飛。

王命

漢北豺狼滿。巴西道路難。血埋諸將甲。骨斷使臣鞍。牢落新燒棧。蒼茫舊築壇。深懷喻蜀意。慟哭望王官。

征夫

十室幾人在。千山空自多。路衢唯見哭。城市不聞歌。漂梗無安地。銜枚有荷戈。官軍未通蜀。吾道竟如何。

西山三首

夷界荒山頂。蕃州積雪邊。築城依白帝。轉粟上青天。蜀將分旗鼓。羌兵助鎧鉞。西南背和好。殺氣日相纏。

【二】

辛苦三城戍，長防萬里秋。煙塵侵火井，雨雪閉松州。風動將軍幕，天寒使者裘。漫山賊營壘，迴首得無憂。

【三】

子弟猶深入，關城未解圍。蠶崖鐵馬瘦，灌口米船稀。辯士安邊策，元戎決勝威。今朝烏鵲喜，欲報凱歌歸。

與嚴二郎奉禮別

別君誰暖眼，將老病纏身。出涕同斜日，臨風看去塵。商歌還入夜，巴俗自爲隣。尚愧微軀在，遙聞盛禮新。山東羣盜散，闕下受降頻。諸將歸應盡，題書報旅人。

贈裴南部

塵滿萊蕪餽，堂橫單父琴。人皆知飲水，公輩不偷金。梁獄書應上，秦臺鏡欲臨。獨醒時所嫉，羣小誘能深。卽出黃沙在，何須白髮侵。使君傳舊德，已見直繩心。

巴山

巴山遇中使，云自陝城來。盜賊還奔突，乘輿恐未回。天寒邵伯樹，地潤望仙臺。狼狽風塵裏，羣臣安在哉。

早花

西京安穩未，不見一人來。臘日巴江曲，山花已自開。盈盈當雪杏，艷艷待春梅。直苦風塵暗，誰憂客鬢催。

發閬中

前有毒蛇後猛虎，溪行盡日無郵塢。江風蕭蕭雲拂地，山木慘慘天欲雨。女病妻憂歸意急，秋花錦石誰能數。別家三月一書來，避地何時免愁苦。

江陵望幸

雄都元壯麗，望幸欵威神。地利西通蜀，天文北照秦。風煙含越鳥，舟楫控吳人。未枉周王駕，終期漢武巡。甲兵分聖旨，居守付宗臣。早發雲臺仗，恩波起涸鱗。

愁坐

高齋常見野，愁坐更臨門。十月山寒重，孤城水氣昏。葭萌氏種迴，左擔犬戎屯。終日憂奔走，歸期未敢論。

遣憂

亂離知又甚，消息苦難真。受諫無今日，臨危憶古人。紛紛乘白馬，攘攘著黃巾。隋氏雷宮室，焚燒何太頻。

冬狩行

君不見東川節度兵馬雄。枝獵亦似觀成功。夜發猛士三千人。清晨合圍步驟同。
禽獸已斃十七八。殺聲落日迴蒼穹。幕前生致九青兕。駝巖危垂玄熊。
東西南北百里閉。勞弊蹴踏寒山空。有鳥名鸛鶴。力不能高飛。遂走蓬。肉味不足
登鼎俎。胡爲見羈虞羅中。春蒐冬狩侯得用。使君五馬一馬驄。況今攝行大將權
號令頗有前賢風。飄然時危一老翁。十年厭見旌旗紅。喜君士卒甚整肅。
爲我迴轡擒西戎。草中狐兔盡何益。天子不在咸陽宮。朝廷雖無幽王禍。
得不哀痛塵再蒙。嗚呼得不哀痛塵再蒙。

山寺

野寺根石壁。諸龕逼崔嵬。前佛不復辯。百身一莓苔。雖有古殿存。世尊亦塵埃。
如聞龍象泣。足令信者哀。使君騎紫馬。捧擁從西來。樹羽靜千里。臨江久徘徊。
山僧衣藍縷。告訴棟梁摧。公爲顧賓從。咄嗟檀施開。吾知多羅樹。卻倚蓮華臺。
諸天必歡喜。鬼物無嫌猜。以茲撫士卒。孰曰非周才。窮子失淨處。高人憂禍胎。
歲晏風破肉。荒林寒可迴。思量入道苦。自晒同嬰孩。

桃竹杖引贈章叟後

江心礧石生桃竹。蒼波噴浸尺度足。斬根削皮如紫玉。江妃水仙惜不得。
梓潼使君開一束。滿堂賓客皆嘆息。憐我老病贈兩莖。出入爪甲鏗有聲。
老夫復欲東南征。乘濤鼓枻白帝城。路幽必爲鬼神奪。拔劍或與蛟龍爭。
重爲告曰。杖兮杖兮爾之生也甚正直。慎勿見水踴躍學變化爲龍。使我不得爾
之扶持。滅跡於君山湖上之青峰。噫風塵澗洞兮豺虎咬人。忽失雙杖兮吾將曷從。

將適吳楚留別章使君叟後兼幕府諸公得柳字

我來入蜀門。歲月亦已久。豈惟長兒童。自覺成老醜。常恐性坦率。失身爲杯酒。
近辭痛飲徒。折節萬夫後。昔如縱壑魚。今如喪家狗。既無遊方戀。行止復何有。
相逢半新故。取別隨薄厚。不意青草湖。扁舟落吾手。眷眷章梓州。開筵俯高柳。
樓前出騎馬。帳下羅賓友。健兒簇紅旗。此樂幾難朽。日車隱崑崙。烏雀噪戶牖。
波濤未足畏。三峽徒雷吼。所憂盜賊多。重見衣冠走。中原消息斷。黃屋今安否。
終作適荆蠻。安排用莊叟。隨雲拜東皇。挂席上南斗。有使即寄書。無使長迴首。

舍弟占歸草堂檢校聊示此詩

久客應吾道。相隨獨爾來。孰知江路近。頻爲草堂迴。鵝鴨宜長歎。柴荆莫浪開。
東林竹影薄。臘月更須栽。

歲暮

歲暮遠為客，邊隅還用兵。煙塵犯雪嶺，鼓角動江城。天地日流血，朝廷誰請纓。濟時敢愛死，寂寞壯心驚。

送李卿暉

王子思歸日，長安已亂兵。霜衣問行在，走馬向承明。暮景巴蜀僻，春風江漢清。晉山雖自棄，魏闕尚含情。

釋悶

四海十年不解兵，犬戎也復臨成京。失道非關出襄野，揚鞭忽是過湖城。豺狼塞路人斷絕，烽火照夜屍縱橫。天子亦應厭奔走，羣公固合思昇平。但恐誅求不改轍，聞道嬖孽能全生。江邊老翁錯料事，眼暗不見風塵清。

贈別賀蘭鈺

黃雀飽野粟，羣飛動荆榛。今君抱何恨，寂寞向時人。老驥倦驥首，蒼鷹愁易馴。高賢世未識，固合嬰饑貧。國步初反正，乾坤尚風塵。悲歌鬢髮白，遠赴湘吳春。我戀岷下芋，君思千里葦。生離與死別，自古鼻酸立。

杜少陵詩集卷十三

閬山歌

閬州城東靈山白，閬州城北玉臺碧。松浮欲盡不盡雲，江動將崩未崩石。那知根無鬼神會，已覺氣與嵩華敵。中原格鬪且未歸，應結茅齋著青壁。

閬水歌

嘉陵江色何所似，石黛碧玉相因依。正憐日破浪花出，更復春從沙際歸。巴童蕩槳欲側過，水雞銜魚來去飛。閬中勝事可腸斷，閬州城南天下稀。

江亭王閬州筵餞蕭遂州

離亭非舊國，春色是他鄉。老畏歌聲繼，愁隨舞曲長。二天開寵餞，五馬爛生光。川路風煙接，俱宜下鳳凰。

陪王使君晦日泛江就黃家亭子二首

山豁何時斷，江平不肯流。稍知花改岸，始驗鳥隨舟。結束多紅粉，歡娛恨白頭。非君愛人客，晦日更添愁。

【二】

有徑金沙軟。無人碧草芳。野畦連缺蝶。江檻俯鴛鴦。日晚煙花亂。風生錦繡香。不須吹急管。衰老易悲傷。

泛江

方舟不用楫。極目總無波。長日容盃酒。深江淨綺羅。亂離還奏樂。飄泊且聽歌。故國流清渭。如今花正多。

收京

復道收京邑。兼聞殺犬戎。衣冠卻屣從。車駕已還宮。剋復誠如此。安危在數公。莫令回首地。慟哭起悲風。

巴西開收京闕送班司馬入京二首

聞道收宗廟。鳴鑾自陝歸。傾都看黃屋。正殿引朱衣。劍外春天遠。巴西救使稀。念君經世亂。匹馬向王畿。

【三】

羣盜至今日。先朝忝從臣。歎君能戀主。久客羨歸秦。黃閣長司諫。丹墀有故人。向來論社稷。爲話涕霑巾。

城

草滿巴西綠。城空白日長。風吹花片片。春動水茫茫。八駿隨天子。羣臣從武皇。遙聞出巡狩。早晚徧遐荒。

傷春五首

天下兵雖滿。春光日自濃。西京疲百戰。北闕任羣兇。關塞三千里。煙花一萬重。蒙塵清路急。御宿且誰供。殷復前王道。周遷舊國容。蓬萊足雲氣。應合總從龍。

【二】

鶯入新年語。花開滿故枝。天清風卷幔。草碧水連池。牢落官軍遠。蕭條萬事危。鬢毛元自白。淚點向來垂。不是無兄弟。其如有別離。巴山春色靜。北望轉逶迤。

【三】

日月還相闕。星辰屢合圍。不成誅執法。焉得變危機。大角纏兵氣。鉤陳出帝畿。煙塵昏御道。耆舊把天衣。行在諸軍闕。來朝大將稀。賢多隱屠釣。王肯載同歸。

【四】

再有朝廷亂。難知消息真。近傳王在洛。復道使歸秦。奪馬悲公主。登車泣貴嬪。蕭關迷北上。滄海欲東巡。敢料安危體。猶多老大臣。豈無嵇紹血。霧濕屬車塵。

【五】

聞說初東幸，孤兒卻走多。難分太倉粟，競棄魯陽戈。胡虜登前殿，王公出御河。得無中夜舞，誰憶大風歌。春色生烽燧，幽人泣薜蘿。君臣重修德，猶足見時和。

暮寒

霧隱平郊樹，風含廣岸波。沈沈春色靜，慘慘暮寒多。戍鼓猶長擊，林鶯遂不歌。忽思高宴會，朱袖拂雲和。

遊子

巴蜀愁誰語，吳門興杳然。九江春草外，三峽暮帆前。厭就成都卜，休爲吏部眠。蓬萊如可到，衰白問羣仙。

滕王亭子二首

君王臺榭枕巴山，萬丈丹梯尚可攀。春日鶯啼修竹裏，仙家犬吠白雲間。清江錦石傷心麗，嫩蘂濃花滿目斑。人到於今歌出牧，來遊此地不知還。

【二】

寂寞春山路，君王不復行。古牆猶竹色，虛閣自松聲。烏雀荒邨暮，雲霞過客情。尚思歌吹人，千騎擁霓旌。

玉臺觀二首

中天積翠玉臺遙，上帝高居絳節朝。遂有馮夷來擊鼓，始知嬴女善吹簫。江光隱見鼉鼉窟，石勢參差烏鵲橋。更肯紅顏生羽翼，便應黃髮老漁樵。

【二】

浩劫因王造，平臺訪古遊。彩雲蕭史駐，文字魯恭留。宮闕通羣帝，乾坤到十洲。人傳有笙鶴，時過北山頭。

奉寄章十侍御

淮海維揚一俊人，金章紫綬照青春。指揮能事迴天地，訓練強兵動鬼神。湘西不得歸關羽，河內猶宜借寇恂。朝覲從容問幽仄，勿云江漢有垂綸。

南池

崢嶸巴閬間，所向盡山谷。安知有蒼池，萬頃浸坤軸。呀然閬城南，枕帶巴江腹。菱荷入異縣，秔稻共比屋。皇天不無意，美利戒止足。高田失西成，此物頗豐熟。清源多衆魚，遠岸富喬木。獨嘆楓香林，春時好顏色。南有漢王祠，終朝走巫祝。歌舞散靈衣，荒哉舊風俗。高皇亦明主，魂魄猶正直。不應空陂上，縹緲親酒肉。淫祀自古昔，非惟一川瀆。干戈浩茫茫，地僻傷極目。平生江海興，遭亂身局促。

駐馬問漁舟。躊躇慰羈束。

將赴荆南寄別李劍州

使君高義驅今古。寥落三年坐劍州。

但見文翁能化俗。

焉知李廣未封侯。

路經澆頽雙蓬鬢。天入滄浪一釣舟。

戎馬相逢更何日。

春風迴首仲宣樓。

奉寄別馬巴州

勳業終歸馬伏波。功曹非復漢蕭何。

扁舟繫纜沙邊久。

南國浮雲水上多。

獨把漁竿終遠去。難隨鳥翼一相過。

知君未愛春湖色。

興在驪駒白玉珂。

奉待嚴大夫

殊方又喜故人來。重鎮還須濟世才。

常怪偏裨終日待。

不知旌節隔年回。

欲辭巴徼啼鶯合。遠下荆門去鷓催。

身老時危思會面。

一生襟抱向誰開。

渡江

春江不可渡。二月已風濤。舟楫欹斜疾。

魚龍偃臥高。

渚花張素錦。汀草亂青袍。

戲問垂綸客。悠悠見汝曹。

自閬州領妻子卻赴蜀山行三首

汨汨避羣盜。悠悠經十年。不成向南國。

復作遊西川。

物役水虛照。魂傷山寂然。

我生無倚著。盡室畏途邊。

【一】

長林偃風色。廻復意猶迷。衫袂翠微潤。馬銜青草嘶。棧懸斜避石。橋斷卻尋溪。

何日干戈盡。飄飄媿老妻。

【三】

行色遞隱見。人煙時有無。僕夫穿竹語。稚子入雲呼。轉石驚魍魎。揮弓落狄鶻。

真供一笑樂。似欲慰窮途。

別房太尉墓

他鄉復行役。駐馬別孤墳。近淚無乾土。低空有斷雲。對碁陪謝傅。把劍覓徐君。

惟見林花落。鶯啼送客聞。

將赴成都草堂途中有作先寄嚴鄭公五首

得歸茅屋赴成都。直爲文翁再剖符。但使閭閻還揖讓。敢論松竹久荒蕪。

魚知丙穴由來美。酒憶郫筒不用酤。五馬舊曾諳小徑。幾回書札待潛夫。

【二】

處處清江帶白蘋。故園猶得見殘春。雪山斥候無兵馬。錦里逢迎有主人。

休怪兒童延俗客。

不教鵝鴨惱比鄰。

習池未覺風流盡。

況復荊州賞更新。

【三】

竹寒沙碧浣花溪。

橋刺藤梢咫尺迷。

過客徑須愁出入。

居人不自解東西。

書籤藥裹封蛛網。

野店山橋送馬蹄。

肯藉荒庭春草色。

先拚一飲醉如泥。

【四】

常苦沙崩損藥欄。

也從江檻落風湍。

新松恨不高千尺。

惡竹應須斬萬竿。

生理祇憑黃閣老。

衰顏欲付紫金丹。

三年奔走空皮骨。

信有人閒行路難。

【五】

錦官城西生事微。

烏皮几在還思歸。

昔去爲憂亂兵入。

今來已恐鄰人非。

側身天地更懷古。

回首風塵甘息機。

共說總戎雲鳥陣。

不妨遊子芰荷衣。

春歸

苔徑臨江竹。

茅簷覆地花。

別來頻甲子。

歸到忽春華。

倚杖看孤石。

傾壺就淺沙。

遠鷗浮水靜。

輕燕受風斜。

世路雖多梗。

吾生亦有涯。

此身醒復醉。

乘興卽爲家。

歸來

客裏有所適。

歸來知路難。

開門野鼠走。

散帙壁魚乾。

洗杓斟新醞。

低頭拭小盤。

憑誰結麴蘖。細酌老江干。

草堂

昔我去草堂。

蠻夷塞成都。

今我歸草堂。

成都適無虞。

請陳初亂時。

反覆乃須臾。

大將赴朝廷。

羣小起異圖。

中宵斬白馬。

盟歃氣已麤。

西取邛南兵。

北斷劔閣關。

布衣數十人。

亦擁專城居。

其勢不兩大。

始聞蕃漢殊。

西卒卻倒戈。

賊臣互相誅。

焉知肘腋禍。

自及梟獍徒。

義士皆痛憤。

紀綱亂相踰。

一國實三公。

萬人欲爲魚。

唱和作威福。

孰肯辨無辜。

眼前列桎械。

背後吹笙竽。

談笑行殺戮。

濺血滿長衢。

到今用鉞地。

風雨聞號呼。

鬼妾與鬼馬。

色悲充爾娛。

國家法令在。

此又足驚吁。

賤子且奔走。

三年望東吳。

弧矢暗江海。

難爲遊五湖。

不忍竟舍此。

復來薤棗蕪。

入門四松在。

步屣萬竹疎。

舊犬喜我歸。

低徊入衣裾。

鄰里喜我歸。

沽酒攜胡蘆。

大官喜我來。

遣騎問所須。

城郭喜我來。

賓客隘郵墟。

天下尚未寧。

健兒勝麇儒。

飄飄風塵際。

何地置老夫。

於時見疣贅。

骨髓幸未枯。

飲啄愧殘生。

食薇不敢餘。

四松

四松初移時。

大抵三尺強。

別來忽三歲。

離立如人長。

會看根不拔。

莫計枝凋傷。

幽色幸秀發。

疎柯亦昂藏。

所插小藩籬。

本亦有隄防。

終然振撥損。

得恠千葉黃。

敢爲故林主。黎庶猶未康。避賊今始歸。春草滿空堂。覽物嘆衰謝。及茲慰淒涼。
清風爲我起。灑面若微霜。足爲送老資。聊待偃蓋張。我生無根蒂。配爾亦茫茫。
有情且賦詩。事跡可兩忘。勿於千載後。慘澹蟠穹蒼。

題桃樹

小徑升堂舊不斜。五株桃樹亦從遮。高秋總饋貧人實。來歲還舒滿眼花。
簾戶每宜通乳燕。兒童莫信打慈鴉。寡妻羣盜非今日。天下車書已一家。

水檻

蒼江多風颺。雲雨晝夜飛。茅軒駕巨浪。焉得不低垂。遊子久在外。門戶無人持。
高岸尙爲谷。何傷浮柱欹。扶頤有勸誠。恐貽識者嗤。既殊大厦傾。可以一木支。
臨川視萬里。何必欄檻爲。人生感故物。慷慨有餘悲。

破船

平生江海心。宿昔具扁舟。豈惟清溪上。日傍柴門遊。蒼皇避亂兵。緬邈懷舊丘。
鄰人亦已非。野竹獨修修。船舷不重扣。埋沒已經秋。仰看西飛翼。下愧東逝流。
故者或可掘。新者亦易求。所悲數奔竄。白屋難久留。

奉寄高常侍

汶上相逢年頗多。飛騰無那故人何。總戎楚蜀應全未。方駕曹劉不啻過。
今日朝廷須汲黯。中原將帥憶廉頗。天涯春色催遲暮。別淚遙添錦水波。

贈王二十四侍御契四十韻

往往雖相見。飄飄愧此身。不關輕絨冕。但是避風塵。一別星橋夜。三移斗柄春。
敗亡非赤壁。奔走爲黃巾。子去何瀟灑。余藏異隱淪。書成無過雁。衣故有懸鶉。
恐懼行裝數。伶俜臥疾頻。曉鶯工迸淚。秋月解傷神。會面嗟鷺黑。含悽話苦辛。
接輿還入楚。王粲不歸秦。錦里殘丹竈。花溪得釣綸。消中祇自惜。晚起索誰親。
伏柱聞周史。乘槎有漢臣。鷓鴣不易狎。龍虎未宜馴。客則挂冠至。交非傾蓋新。
由來意氣合。直取性情真。浪迹同生死。無心恥賤貧。偶然存蔗芋。幸各對松筠。
麤飯依他日。窮愁怪此辰。女長裁褐穩。男大卷書勻。瀾口江如練。蠶崖雪似銀。
名園當翠嶼。野棹沒青蘋。屢喜王侯宅。時邀江海人。追隨不覺晚。款曲動彌旬。
但使芝蘭秀。何須棟宇鄰。山陽無俗物。鄭驛正留賓。出入竝鞍馬。光輝參席珍。
重遊先主廟。更歷少城閭。石鏡通幽魄。琴臺隱絳脣。送終惟糞土。結愛獨荆榛。
置酒高林下。觀碁積水濱。區區甘累跡。稍稍息勞筋。網聚粘圓鮓。絲繁煮細蓴。
長歌敲柳瘻。小睡凭藤輪。農月須知課。田家敢忘勤。浮生難去食。良會惜清晨。

列國兵戈暗。今王德教淳。要聞除孽論。休作畫麒麟。洗眼看輕薄。虛懷任屈伸。莫令膠漆地。萬古重雷陳。

登樓

花近高樓傷客心。萬方多難此登臨。錦江春色來天地。玉壘浮雲變古今。北極朝廷終不改。西山寇盜莫相侵。可憐後主還祠廟。日暮聊爲梁父吟。

寄邛州崖錄事

邛州崖錄事。聞在果園坊。久待無消息。終朝有底忙。應愁江樹遠。怯見野亭荒。浩蕩風塵際。誰知酒熟香。

王錄事許修草堂費不到聊小詰

爲曠王錄事。不寄草堂費。昨屬愁春雨。能忘欲漏時。

歸雁

東來千里客。亂定幾年歸。腸斷江城雁。高高正北飛。

絕句二首

遲日江山麗。春風花草香。泥融飛燕子。沙暖睡鴛鴦。

【二】

江碧鳥逾白。山青花欲燃。今春看又過。何日是歸年。

寄司馬山人十二韻

關內昔分袂。天邊今轉蓬。驅馳不可說。談笑偶然同。道術曾留意。先生早擊蒙。家家迎蓊子。處處識壺公。長嘯峨嵋北。潛行玉壘東。有時騎猛虎。虛室使仙童。髮少何勞白。顏衰肯更紅。望雲悲轆轤。畢景羨冲融。喪亂形仍役。淒涼信不通。懸旌要路口。倚劔短亭中。永作殊方客。殘生一老翁。相哀骨可換。亦遣馭清風。

黃河二首

黃河北岸海西軍。椎鼓鳴鐘天下聞。鐵馬長鳴不知數。胡人高鼻動成羣。

【二】

黃河南岸是吾蜀。欲須供給家無粟。願驅衆庶戴君王。混一車書棄金玉。

揚旗

江風颯長夏。府中有餘清。我公會賓客。肅肅有異聲。初筵閱軍裝。羅列照廣庭。庭空六馬入。坡駝揚旌旌。迴迴偃飛蓋。熠熠迸流星。來衝風颯急。去擘山嶽傾。材歸俯身盡。妙取略地平。虹蜺就掌握。舒卷隨人輕。三州陷犬戎。但見西嶺青。公來練猛士。欲奪天邊城。此堂不易升。庸蜀日已寧。吾徒且加餐。休適蠻與荆。

絕句六首

日出離東水。雲生含北泥。竹高鳴翡翠。沙僻舞鸚鵡。

【一】

藹藹花藥亂。飛飛蜂蝶多。幽棲身懶動。客至欲如何。

【二】

鑿井交椶葉。開渠斷竹根。扁舟輕鼻纜。小徑曲通邨。

【三】

急雨捎溪足。斜暉轉樹腰。隔巢黃鳥竝。翻藻白魚跳。

【四】

合下筍穿壁。庭中藤刺簷。地晴絲冉冉。江白草纖纖。

【五】

江動月移石。溪虛雲傍花。鳥棲知故道。帆過宿誰家。

絕句四首

堂西長筍別開門。塹北行椒卻背邨。梅熟許同朱老喫。

【一】

松高擬對阮生論。

欲作魚梁雲覆湍。

因驚四月雨聲寒。

青溪先有蛟龍窟。

竹石如山不敢安。

【二】

兩箇黃鸝鳴翠柳。

一行白鷺上青天。

臆含西嶺千秋雪。

門泊東吳萬里船。

【三】

藥條藥甲潤青青。

色過棕亭入草亭。

苗滿空山慙取譽。

根居隙地怯成形。

寄李十四員外布十二韻

名參漢望苑。職述景題輿。巫峽將之郡。荆門好附書。遠行無自苦。內熱比何如。正是炎天闊。那堪野館疎。黃牛平駕浪。畫鷁上凌虛。試待盤渦歇。方期解纜初。悶能過小徑。自爲摘嘉蔬。渚柳元幽僻。邨花不掃除。宿陰繁素柰。過雨亂紅蕖。寂寂夏先晚。泠泠風有餘。江清心可瑩。竹冷髮堪梳。直作移巾几。秋帆發敵廬。軍中醉歌寄沈八劉叟。酒渴愛江清。餘酣漱晚汀。軟沙敲坐穩。冷石醉眠醒。野膳隨行帳。華音發從伶。數杯君不見。都已遣沈冥。

丹青引

將軍魏武之子孫。於今爲庶爲清門。英雄割據雖已矣。文采風流今尙存。

學書初學衛夫人。開元之中常引見。良相頭上進賢冠。先帝御馬玉花驄。詔謂將軍拂絹素。玉花卻在御榻上。弟子韓幹早入室。將軍畫善蓋有神。途窮反遭俗眼白。

韋諷錄事宅觀曹將軍畫馬圖歌

國初已來畫鞍馬。曾貌先帝照夜白。盤賜將軍拜舞歸。昔日太宗拳毛騮。此皆戰騎一敵萬。

但恨無過王右軍。承恩數上南薰殿。猛將腰閒大羽箭。畫工如山貌不同。意匠慘澹經營中。榻上庭前屹相向。亦能畫馬窮殊相。必逢佳士亦寫真。世上未有如公貧。

丹青不知老將至。凌煙功臣少顏色。喪公鄂公毛髮動。是日牽來赤墀下。須臾九重真龍出。至尊含笑催賜金。幹惟畫肉不畫骨。即今漂泊干戈際。但看古來盛名下。

富貴於我如浮雲。將軍下筆開生面。英姿颯爽猶酣戰。迴立閭闔生長風。一洗萬古凡馬空。圉人太僕皆惆悵。忍使驂驪氣凋喪。屢貌尋常行路人。終日坎壈纏其身。

神妙獨數江都王。龍池十日飛霹靂。輕紈細綺相追飛。近時郭家獅子花。縞素淡淡開風沙。

將軍得名三十載。內府殷紅瑪瑙盤。貴戚權門得筆跡。今之新圖有二馬。其餘七匹亦殊絕。

人閒又見真乘黃。婕妤傳詔才人索。始覺屏障生光輝。復令識者久嘆嗟。迴若寒空動煙雪。

霜蹄蹴踏長楸閒。借問苦心愛者誰。騰驤磊落三萬匹。君不見金粟堆前松柏裏。

馬官厮養森成列。後有韋諷前支遁。皆與此圖筋骨同。龍媒去盡鳥呼風。

可憐九馬爭神駿。憶昔巡幸新豐宮。自從獻寶朝河宗。

顧視清高氣深穩。翠華拂天來向東。無復射蛟江水中。

送韋諷上閩州錄事參軍

國步猶艱難。兵革未衰息。萬方哀嗷嗷。誅求何多門。賢者貴為德。當令豪奪吏。自此無顏色。行行樹佳政。慰我深相憶。

太子張舍人遺織成褥段

客從西北來。遺我翠織成。客云充君褥。承君終宴榮。匪之懼不祥。施之混柴荆。煌煌珠宮物。寢處禍所嬰。李鼎死岐陽。實以驕貴盈。

開絨風濤湧。空堂魑魅走。服飾定尊卑。來瑱賜自盡。

中有掉尾鯨。透迤羅水族。大哉萬古程。千戈尚縱橫。氣豪直阻兵。

瑣細不足名。顧我非公卿。桓褐更無營。衣馬自肥輕。坐見悔吝生。

奈何田舍翁。受此厚賜情。錦鯨卷還客。始覺心和平。振我蠶席塵。媿客茹藜羹。

憶昔二首

一一九二

憶昔先皇巡朔方。鄴城反覆不足怪。勞心焦思補四方。致使岐雍防西羌。老儒不用尚書郎。

千乘萬騎入咸陽。關中小兒壞紀綱。我昔近侍叨奉引。犬戎直來坐御床。

陰山驕子汗血馬。張后不樂上為忙。出兵整肅不可當。百官跣足隨天王。

長驅東湖胡走藏。至今今上猶撥亂。為留猛士守未央。願見北地傅介子。

【二】

憶昔開元全盛日。九州道路無豺虎。宮中聖人奏雲門。豈聞一絹直萬錢。傷心不忍問耆舊。周宣中興望我皇。

小邑猶藏萬家室。遠行不勞吉日出。天下朋友皆膠漆。有田種穀今流血。復恐初從亂離說。灑淚江漢身衰疾。

稻米流脂粟米白。齊執魯縞車班班。百餘年閒未災變。洛陽宮殿燒焚盡。小臣魯鈍無所能。

公私倉廩俱豐實。男耕女桑不相失。叔孫禮樂蕭何律。宗廟新除狐兔穴。朝廷記識蒙祿秩。

杜少陵詩集卷十四

寄董卿嘉榮十韻

開道君牙帳。防秋近赤霄。下臨千仞雪。卻背五繩橋。海內久戎服。京師今晏朝。犬羊曾爛漫。宮闕尚蕭條。猛將宜嘗膽。龍泉必在腰。黃圖遭污辱。月窟可焚燒。會取干戈利。無令斥候驕。居然雙捕虜。自是一嫖姚。落日思輕騎。高天憶射鵰。雲臺畫形像。皆為掃氛妖。

立秋雨院中有作

山雲行絕塞。大火復西流。飛雨動華屋。蕭蕭梁棟秋。窮途愧知己。暮齒借前籌。已費清晨謁。那成長者謀。解衣開北戶。高枕對南樓。樹濕風涼進。江喧水氣浮。禮寬心有適。節爽病微瘳。主將歸調鼎。吾還訪舊丘。

奉和嚴鄭公軍城早秋

秋風嫋嫋動高旌。玉帳分弓射虜營。已收滴博雲閒戍。欲奪蓬婆雪外城。

院中晚晴懷西郭茅舍

杜少陵詩集卷十四

一一九三

幕府秋風日夜清。

澹雲疎雨過高城。

葉心朱實看時落。

階面青苔老更生。

宿府

復有樓臺銜景景。

不勞鐘鼓報新晴。

浣花溪裏花饒笑。

清秋幕府井梧寒。

獨宿江城蠟炬殘。

永夜角聲悲自語。

中天月色好誰看。

風塵荏苒音書絕。

關塞蕭條行路難。

已忍伶俜十年事。

強移棲息一枝安。

到邨

碧澗雖多雨。

秋沙先少泥。

蛟龍引子過。

荷芰逐花低。

老去參戎幕。

歸來散馬蹄。

稻梁須就列。

榛草即相迷。

苦積思江漢。

疎頑惑町畦。

暫酬知己分。

還入故林棲。

邨雨

雨聲傳兩夜。

寒事風高秋。

攬帶看朱紱。

開箱覩黑裘。

世情只益睡。

盜賊敢忘憂。

松菊新霑洗。

茅齋慰遠遊。

獨坐

悲秋迴白首。

倚杖背孤城。

江斂洲渚出。

天虛風物清。

滄溟恨衰謝。

朱紱負平生。

仰羨黃昏鳥。

投林羽翮輕。

倦夜

竹涼侵臥內。

野月滿庭隅。

重露成涓滴。

稀星乍有無。

暗飛螢自照。

水宿鳥相呼。

萬事干戈裏。

空悲清夜徂。

陪鄒公秋晚北池臨眺

北池雲水濶。

華館闢秋風。

獨鶴元依渚。

衰荷且映空。

采菱寒刺上。

踏藕野泥中。

素機分曹往。

金盤小徑通。

萋萋露草碧。

片片晚旗紅。

杯酒霑津吏。

衣裳與釣翁。

異方初艷菊。

故里亦高桐。

搖落關山思。

淹留戰伐功。

嚴城殊未掩。

清宴已知終。

何補參軍乏。

歡娛到薄躬。

遣悶奉呈嚴公二十韻

白水魚竿客。

清秋鶴髮翁。

胡爲來幕下。

祇合在舟中。

黃卷真如律。

青袍也自公。

老妻憂坐痺。

幼女問頭風。

平地專敲倒。

分曹失異同。

禮甘衰力就。

義忝上官通。

疇昔論詩早。

光輝仗鉞雄。

寬容存性拙。

剪拂念途窮。

露衰思藤架。

煙霏想桂叢。

信然龜觸網。

直作鳥窺籠。

西嶺紆邨北。

南江繞舍東。

竹皮寒舊翠。

椒實雨新紅。

浪簸船應坼。

杯乾甕即空。

藩籬生野徑。

斤斧任樵童。

東縛酬知己。

蹉跎效小忠。

周防期稍稍。

太簡遂忽忽。

曉入朱扉啓。

昏歸畫角終。

不成尋別業。

未敢息微躬。

烏鵲愁銀漢。

鴛鴦怕錦幃。

會希全物色。

時放倚梧桐。

送舍弟穎赴齊州三首

一二九六

岷嶺南蠻北。徐關東海西。此行何日到。送汝萬行啼。絕域惟高枕。清風獨杖藜。時危暫相見。衰白意都迷。

【二】

風塵暗不開。汝去幾時來。兄弟分離苦。形容老病催。江通一柱觀。日落望鄉臺。客意長東北。齊州安在哉。

【三】

諸姑今海畔。兩弟亦山東。去傍干戈覓。來看道路通。短衣防戰地。匹馬逐秋風。莫作俱流落。長瞻碣石鴻。

嚴鄭公塔下新松

弱質豈自負。移根方爾瞻。細聲侵玉帳。疎翠近珠簾。未見紫煙集。虛蒙清露霑。何當一百丈。敲蓋擁高簷。

嚴鄭公宅同詠竹

綠竹半含箨。新梢纔出墻。色侵書帙晚。陰過酒樽涼。雨洗娟娟淨。風吹細細香。但令無剪伐。會見拂雲長。

晚秋陪嚴鄭公摩訶池泛舟

湍駛風醒酒。船回霧起隄。高城秋自落。雜樹晚相迷。坐觸鴛鴦起。巢傾翡翠低。莫須驚白鷺。爲伴宿青溪。

奉觀嚴鄭公廳事岷山沱江畫圖十韻

沱水臨中座。岷山到北堂。白波吹粉壁。青嶂插雕梁。直訝松杉冷。兼疑菱荇香。雪雲虛點綴。沙草得微茫。嶺雁隨毫末。川蜺飲練光。霏紅洲藥亂。拂黛石蘿長。谷暗非關雨。楓丹不爲霜。秋城玄圃外。景物洞庭旁。繪事功殊絕。幽襟興激昂。從來謝太傅。丘壑道難忘。

過故斛斯校書莊二首

此老已云歿。鄰人嗟未休。竟無宣室召。徒有茂陵求。妻子寄他食。園林非昔遊。空餘繡帷在。浙浙野風秋。

【二】

燕入非傍舍。鷗歸祇故池。斷橋無復板。臥柳自生枝。遂有山陽作。多慚鮑叔知。素交零落盡。白首淚雙垂。

懷舊

地下蘇司業。情親獨有君。那因喪亂後。便有死生分。老罷知明鏡。歸來望白雲。自從失辭伯。不復更論文。

哭台州鄉司戶蘇少監

故舊誰憐我。平生鄉與蘇。存亡不重見。喪亂獨前途。豪俊何人在。文章掃地無。羈遊萬里關。囚問一年俱。白首中原上。清秋大海隅。夜臺當北斗。泉路背東吳。得罪台州去。時危棄碩儒。移官蓬閣後。穀貴歿潛夫。流慟嗟何及。銜冤有是夫。道消詩發興。心息酒爲徒。許與才雖薄。追隨跡未拘。班揚名甚盛。嵇阮逸相須。會取君臣合。寧詮品命殊。賢良不必展。廊廟偶然趨。勝決風塵際。功安造化爐。從容詢舊學。慘澹閱陰符。擺落嫌疑久。哀傷志力輸。俗依綿谷異。客對雪山孤。童稚思諸子。交朋列友于。情乖清酒送。望絕撫墳呼。瘡病餐巴水。瘡痍老蜀都。颺零迷哭處。天地日榛蕪。

別唐十五誠因寄禮部賈侍郎

九載一相見。百年能幾何。復爲萬里別。送子山之阿。白鶴久同林。潛魚本同河。未知棲集期。衰老強高歌。歌罷兩悽惻。六龍忽蹉跎。相視髮皓白。況難駐羲和。胡星墜燕地。漢將仍橫戈。蕭條四海內。人少豺虎多。少人慎莫投。多虎信所過。

飢有易子食。獸猶畏虞羅。子負經濟才。天門鬱嵯峨。飄飄適東周。來往若崩波。南宮吾故人。白馬金盤陀。雄筆映千古。見賢心靡他。念子善師事。歲寒守舊柯。爲我謝賈公。病肺臥江沱。

初冬

垂老戎衣窄。歸休寒色深。漁舟上急水。獵火著高林。日有習池醉。愁來梁父吟。干戈未偃息。出處遂何心。

觀李固請司馬弟山水圖三首

簡易高人意。匡床竹火爐。寒天留遠客。碧海挂新圖。雖對連山好。貪看絕島孤。羣仙不愁思。冉冉下蓬壺。

【二】

方丈渾連水。天台總映雲。人閒長見畫。老去恨空聞。范蠡舟偏小。王喬鶴不羣。此生隨萬物。何處出康氛。

【三】

高浪垂翻屋。崩崖欲壓床。野橋分子細。沙岸繞微茫。紅浸珊瑚短。青懸薜荔長。浮查竝坐得。仙老暫相將。

至後

冬至至後日初長。

遠在劍南思洛陽。

青袍白馬有何意。

金谷銅駝非故鄉。

梅花欲開不自覺。

棣萼一別永相望。

愁極本憑詩遣興。

詩成吟咏轉淒涼。

寄賀蘭銛

朝野歡娛後。乾坤震蕩中。

相隨萬里日。

總作白頭翁。

歲晚仍分袂。

江邊更轉蓬。

勿云俱異域。飲啄幾回同。

送王侍御往東川放生池祖席

東川詩友合。此贈怯輕爲。

況復傳宗匠。

空然惜別離。

梅花交近野。

草色向平池。

儻憶江邊臥。歸期願早知。

正月三日歸溪上有作簡院內諸公

野外堂依竹。

籬邊水向城。

蟻浮仍臘味。

鷗泛已春聲。

藥許鄰人斷。

書從稚子擎。

白頭趨幕府。深覺負平生。

敵廬遺興奉寄嚴公

野水平橋路。

春沙映竹邨。

風輕粉蝶喜。

花暖蜜蜂喧。

把酒宜深酌。

題詩好細論。

府中瞻暇日。

江上憶詞源。

跡忝朝廷舊。

情依節制尊。

還思長者轍。

恐避席爲門。

營屋

我有陰江竹。能令朱夏寒。

陰通積水內。

高入浮雲端。

甚疑鬼物憑。

不願剪伐殘。

東偏若面勢。戶牖永可安。

愛惜已六載。

茲晨去千竿。

蕭蕭見白日。

洶洶開奔湍。

度堂匪華麗。養拙異考槃。

草茅雖薶蕘。

衰疾方少寬。

洗然順所適。

此足代加餐。

寂無斤斧響。庶遂憩息歡。

除草

草有害於人。曾何生阻修。

其毒甚蜂蠆。

其多彌道周。

清晨步前林。

江色未散憂。

芒刺在我眼。焉能待高秋。

霜露一霑凝。

蕙葉亦難留。

荷勸先童稚。

日入仍討求。

轉致水中央。豈無雙釣舟。

頑根易滋蔓。

敢使依舊丘。

自茲藩籬曠。

更覺松竹幽。

芟夷不可闕。疾惡信如讎。

春日江邨五首

農務邨邨急。春流岸岸深。

乾坤萬里眼。

時序百年心。

茅屋還堪賦。

桃源自可尋。

艱難味生理。飄泊到如今。

【一】

迢遞來三蜀。蹉跎又六年。

客身逢故舊。

發興自林泉。

過懶從衣結。

頻遊任履穿。

蓄籬頗無限。恣意向江天。

【三】

種竹交加翠。栽桃爛漫紅。經心石鏡月。到面雪山風。赤管隨王命。銀章付老翁。豈知牙齒落。名玷薦賢中。

【四】

扶病垂朱紱。歸休步紫苔。郊扉存晚計。幕府愧羣材。燕外晴絲卷。鷗邊水葉開。鄰家送魚籠。問我數能來。

【五】

羣盜哀王粲。中年召賈生。登樓初有作。前席竟爲榮。宅入先賢傳。才高處士名。異時懷二子。春日復含情。

長吟

江渚翻鷗戲。官橋帶柳陰。花飛競渡日。草見踏青心。已撥形骸累。真爲爛漫深。賦詩新句穩。不覺自長吟。

春遠

肅肅花絮晚。菲菲紅素輕。日長惟鳥雀。春遠獨柴荆。數有關中亂。何曾劔外清。

故鄉歸不得。地入亞夫營。

絕句三首

聞道巴山裏。春船正好行。都將百年興。一望九江城。

【二】

水檻溫江口。茅堂石筍西。移船先主廟。洗藥浣花溪。

【三】

謾道春來好。狂風大放顛。吹花隨水去。翻卻釣魚船。

三韻三篇

高馬勿捶面。長魚無損鱗。辱馬馬毛焦。困魚魚有神。君看磊落士。不肯易其身。

【二】

蕩蕩萬斛船。影若揚白虹。起櫓必椎牛。挂席集衆功。自非風動天。莫置大水中。

【三】

烈士惡多門。小人自同調。名利苟可取。殺身傍權要。何當官曹清。爾輩堪一笑。

天邊行

天邊老人歸未得。日暮東臨大江哭。隴右河源不種田。胡騎羌兵入巴蜀。

洪濤滔天風拔木。

前飛禿鶴後鴻鵠。

九度附書向洛陽。

十年骨肉無消息。

莫相疑行

男兒生無所成頭皓白。牙齒欲落真可惜。

憶獻三賦蓬萊宮。

自怪一日聲烜赫。

集賢學士如堵墻。

觀我落筆中書堂。

往時文采動人主。

此日飢寒趨路旁。

晚將末契託年少。

當面輸心背面笑。

寄謝悠悠世上兒。

不淨好惡莫相疑。

赤霄行

孔雀未知牛有角。

渴飲寒泉逢觝觸。

赤霄玄圃須往來。

翠尾金花不辭辱。

江中洵河嚇飛燕。

銜泥卻落羞華屋。

皇孫猶曾蓮勺困。

衛莊見貶傷其足。

老翁慎莫怪少年。

葛亮貴和書有篇。

丈夫垂名動萬年。

記憶細故非高賢。

聞高常侍亡

歸朝不相見。蜀使忽傳亡。

虛歷金華省。

何殊地下郎。

致君丹檻折。

哭友白雲長。

獨步詩名在。祇令故舊傷。

去蜀

五載客蜀郡。一年居梓州。

如何關塞阻。

轉作瀟湘遊。

萬事已黃髮。

殘生隨白鷗。

安危大臣在。不必淚長流。

喜雨

南國旱無雨。今朝江出雲。

入空纔漠漠。

灑迴已紛紛。

巢燕高飛盡。

林花潤色分。

晚來聲不絕。應得夜深聞。

宿青溪驛奉懷張員外十五兄之緒

漾舟千山內。日入泊枉渚。

我生本飄飄。

今復在何許。

石根青楓林。

猿鳥聚儔侶。

月明遊子靜。畏虎不得語。

中夜懷友朋。

乾坤此深阻。

浩蕩前後開。

佳期赴荆楚。

狂歌行贈四兄

與兄行年校一歲。

賢者是兄愚者弟。

兄將富貴等浮雲。

弟竊功名好權勢。

長安秋雨十日泥。

我曹騎馬聽晨雞。

公卿朱門未開鎖。

我曹已到肩相齊。

吾兄眠穩方舒膝。

不襪不巾踏曉日。

男啼女哭莫我知。

身上須繪腹中實。

今年思我來嘉州。

嘉州酒重花繞樓。

樓頭喫酒樓下臥。

長歌短咏迭相酬。

四時八節還拘禮。

女拜弟妻男拜弟。

幅巾擊帶不掛身。

頭脂足垢何曾洗。

吾兄吾兄集許倫。

一生喜怒哀長任真。

日斜枕肘寢已熟。

啾啾唧唧爲何人。

宴戎州楊使君東樓

勝絕驚身老。情忘發興奇。

座從歌妓密。

樂任主人爲。

重碧拈春酒。

輕紅擘荔枝。

樓高欲愁思。橫笛未休吹。

渝州候嚴六侍御不到先下峽

聞道乘驄發。沙邊待至今。不知雲雨散。虛費短長吟。山帶烏蠻闕。江連白帝深。船經一柱觀。畱眼共登臨。

撥悶

聞道雲安麴米春。纔傾一盞卽醒人。

乘舟取醉非難事。下峽銷愁定幾巡。

長年三老遙憐汝。振柁開頭捷有神。

已辨青錢防雇直。當令美味入吾脣。

宴忠州使君姪宅

出守吾家姪。殊方此日歡。自須遊阮舍。不是怕湖灘。樂助長歌逸。杯饒旅思寬。

昔曾如意舞。牽牽強爲看。

禹廟

禹廟空山裏。秋風落日斜。荒庭垂橘柚。古屋畫龍蛇。雲氣噓青壁。江聲走白沙。

早知乘四載。疏鑿控三巴。

題忠州龍興寺所居院壁

忠州三峽內。井邑聚雲根。小市常爭米。孤城早閉門。空看過客淚。莫覓主人恩。

淹泊仍愁虎。深居賴獨園。

哭嚴僕射歸櫬

素幔隨流水。歸舟返舊京。老親如宿昔。部曲異平生。風送蛟龍匣。天長驃騎營。一哀三峽暮。遺後見君情。

旅夜書懷

細草微風岸。危檣獨夜舟。星垂平野闊。月湧大江流。名豈文章著。官應老病休。飄飄何所似。天地一沙鷗。

放船

收帆下急水。卷幔逐回灘。江市戎戎暗。山雲沓沓寒。荒林無徑入。獨鳥怪人看。已泊城樓底。何曾夜色闌。

雲安九日鄉十八攜酒陪諸公宴

寒花開已盡。菊蕊獨盈枝。舊摘人頻異。輕香酒暫隨。地偏初衣袂。山擁更登危。萬國皆戎馬。酣歌淚欲垂。

答鄭十七郎一絕

雨後過畦潤。花殘步履遲。把文驚小陸。好客見當時。

別常微君

兒扶猶杖策，臥病一秋強。白髮少新洗，寒衣寬總長。故人憂見及，此別淚相望。各逐萍流轉，來書細作行。

長江二首

衆水會涪萬，瞿塘爭一門。朝宗人共挹，盜賊爾誰尊。孤石隱如馬，高蘿垂似猿。歸心異波浪，何事即飛翻。

【二】

浩浩終不息，乃知東極臨。衆流歸海意，萬國奉君心。色借瀟湘闕，聲驅滬瀆沈。未辭添霧雨，接上過衣襟。

承聞故房相公靈輿自閬州啓殯歸葬東都有作二首

遠聞房太尉，歸葬陸渾山。一德興王後，孤魂久客閒。孔明多故事，安石竟崇班。他日嘉陵淚，仍霑楚水還。

【二】

丹旆飛飛日，初傳發閬州。風塵終不解，江漢忽同流。劔動親身匣，書歸故國樓。盡哀知有處，爲客恐長休。

將曉二首

石城除擊柝，鐵鎖欲開關。鼓角愁荒塞，星河落曙山。巴人常小梗，蜀使動無還。垂老孤帆色，飄飄犯百蠻。

【二】

軍吏迴官燭，舟人自楚歌。寒沙蒙薄霧，落月去清波。壯惜身名晚，衰慚應接多。歸朝日簪笏，筋力定如何。

懷錦水居止二首

軍旅西僻戰，風塵戰伐多。猶聞蜀父老，不忘舜謳歌。天險終難立，柴門豈重過。朝朝巫峽水，遠逗錦江波。

【二】

萬里橋西宅，百花潭北莊。層軒皆面水，老樹飽經霜。雪嶺界天白，錦城曠日黃。惜哉形勝地，回首一茫茫。

青絲

青絲白馬誰家子，麤豪且逐風塵起。不聞漢主放妃嬪，近靜潼關掃蜂蟻。殿前兵馬破汝時，十月卽爲蓋粉期。不如面縛歸金闕，萬一皇恩下玉墀。

三絕句

前年淪州殺刺史。

今年開州殺刺史。

羣盜相隨劇虎狼。

食人更肯置妻子。

【二】

二十一家同入蜀。

惟殘一人出駱谷。

自說二女誓臂時。

迴頭卻向秦雲哭。

【三】

殿前兵馬雖驍雄。

縱暴略與羌渾同。

聞道殺人漢水上。

婦女多在官軍中。

遺憤

聞道花門將。論功未盡歸。自從收帝里。

誰復總戎機。蜂虿終懷毒。雷霆可震威。

莫令鞭血地。再濕漢臣衣。

十二月一日三首

今朝臘月春意動。

雲安縣前江可憐。

一聲何處送書雁。

百丈誰家上瀨船。

未將梅蕊驚愁眼。

要取椒花媚遠天。

明光起草人所羨。

肺病幾時朝日邊。

【二】

寒輕市上山煙碧。

日滿樓前江霧黃。

負鹽出井此溪女。

打鼓發船何郡郎。

新亭舉目風景切。

茂陵著書消渴長。

春花不愁不爛漫。

楚客惟聽棹相將。

【三】

即看燕子入山扉。

豈有黃鸝歷翠微。

短短桃花臨水岸。

輕輕柳絮點人衣。

春來準擬開懷久。

老去親知見面稀。

他日一杯難強進。

重嗟筋力故山違。

又雪

南雪不到地。

青崖露未消。

微微向日薄。

脈脈去人遙。

愁邊有江水。

焉得北之朝。

雨

冥冥甲子雨。

已度立春時。

輕箑煩相向。

纖絺恐自疑。

直覺巫山暮。

兼催宋玉悲。

煙添纔有色。

風引更如絲。

南楚

南楚青春異。

暄寒早早分。

無名江上草。

隨意嶺頭雲。

杖藜妨躍馬。

不是故離羣。

正月蜂相見。

非時鳥共聞。

水閣朝霽奉簡雲安嚴明府

東城抱春岑。

江閣鄰石面。

崔嵬晨雲白。

朝旭射芳甸。

鉤簾宿鷺起。

丸藥流鶯囀。

呼婢取酒壺。

續兒誦文選。

杜鵑

西川有杜鵑，東川無杜鵑。涪萬無杜鵑，雲安有杜鵑。我昔遊錦城，結廬錦水邊。有竹一頃餘，喬木上參天。杜鵑暮春至，哀哀叫其閒。我見常再拜，重是古帝魂。生子百鳥巢，百鳥不敢噴。仍為餒其子，禮若奉至尊。鴻雁及羔羊，有禮太古前。行飛與跪乳，識序如知恩。聖賢古法則，付與後世傳。君看禽鳥情，猶解事杜鵑。今忽暮春閒，值我病經年。身病不能拜，淚下如迸泉。

子規

峽裏雲安縣，江樓翼瓦齊。兩邊山木合，終日子規啼。眇眇春風見，蕭蕭夜色凄。客愁那聽此，故作傍人低。

客居

客居所居堂，前江後山根。下壑萬尋岸，蒼濤鬱飛翻。葱青衆木梢，邪豎雜石痕。子規晝夜啼，壯士斂精魂。峽開四千里，水合數百源。人虎相半居，相傷終兩存。蜀麻久不來，吳鹽擁荆門。西南失大將，商旅自星奔。今又降元戎，已聞動行軒。舟子候利涉，亦憑節制尊。我在路中央，生理不得論。臥愁病脚廢，徐步視小園。短畦帶碧草，恨望思王孫。鳳隨其凰去，籬雀暮喧繁。覽物想故國，十年別荒邨。

日暮歸幾翼，北林空自昏。安得覆八溟，為君洗乾坤。稷契易為力，犬戎何足吞。儒生老無成，臣子憂四藩。篋中有舊筆，情至時復援。

石硯

平公今詩伯，秀發吾所羨。奉使三峽中，長嘯得石硯。巨璞禹鑿餘，異狀君獨見。其滑乃波濤，其光或雷電。聯坳各盡墨，多水遞隱見。揮灑容數人，十手可對面。比公頭上冠，貞質未為賤。當公賦佳句，況得終清宴。公含起草姿，不遠明光殿。致于丹青地，知汝隨顧阿。

贈鄭十八賁

溫溫士君子，令我懷抱盡。靈芝冠衆芳，安得闕親近。遭亂意不歸，竄身跡非隱。細人尙姑息，吾子色愈謹。高懷見物理，識者安肯哂。卑飛欲何待，捷徑應未忍。示我百篇文，詩家一標準。羈離交屈宋，牢落值顏閔。水陸迷畏途，藥餌駐修軫。古人日已遠，青史字不泯。步趾咏唐虞，追隨飯葵葍。數杯資好事，異味煩縣尹。心雖在朝謁，力與願矛盾。抱病排金門，衰容豈為敏。

別蔡十四著作

賈生慟哭後，寥落無其人。安知蔡夫子，高義邁等倫。獻書謁皇帝，志已清風塵。

流涕灑丹極。萬乘爲酸辛。天地則蒼夷。朝廷多正臣。異才復閒出。周道日惟新。
 使蜀見知己。別顏始一伸。主人薨城府。扶輿歸咸秦。巴道此相逢。會我病江濱。
 憶念鳳翔都。聚散俄十春。我衰不足道。但願子意陳。稍令社稷安。自契魚水親。
 我雖消渴甚。敢忘帝力勤。尙思未朽骨。復覩耕桑民。積水駕三峽。浮龍倚長津。
 揚舲洪濤閒。仗子濟物身。鞍馬下秦塞。王城通北辰。玄甲聚不散。兵久食恐貧。
 窮谷無粟帛。使者來相因。若馮南轅吏。書札到天垠。

寄常徵君

白水青山空復春。徵君晚節傍風塵。一官羈絆實藏身。

楚妃堂上色殊衆。開州入夏知涼冷。

海鶴塔前鳴向人。不似雲安毒熱新。

寄岑嘉州

不見故人十年餘。外江三峽且相接。泊船秋夜經春草。

不道故人無素書。斗酒新詩終自疎。伏枕青楓限玉除。

願逢顏色關塞遠。謝朓每篇堪諷誦。眼前所寄選何物。

豈意出守江城居。馮唐已老聽吹簫。贈子雲安雙鯉魚。

杜少陵詩集卷十五

移居夔州作

伏枕雲安縣。遷居白帝城。春知催柳別。江與放船清。農事聞人說。山光見鳥情。

船下夔州郭宿雨濕不得上岸別王十二判官

依沙宿舸船。石瀨月娟娟。風起春燈亂。江鳴夜雨懸。晨鐘雲岸濕。勝地石堂煙。

漫成一首

江月去人只數尺。風燈照夜欲三更。沙頭宿鷺聯拳靜。船尾跳魚撥刺鳴。

客堂

憶昨離少城。而今異楚蜀。捨舟復深山。窅窕一林麓。棲泊雲安縣。消中內相毒。
 舊疾甘載來。衰年得無足。死爲殊方鬼。頭白免短促。老馬終望雲。南雁意在北。
 別家長兒女。欲起慚筋力。客堂序節改。具物對羈束。石暄蕨芽紫。渚秀蘆笋綠。

巴鶯紛未稀。微麥早向熟。悠悠日動江。漠漠春辭木。臺郎選才俊。自顧亦已極。前輩聲名人。埋沒何所得。居然縮章紱。受性本幽獨。平生憩息地。必種數竿竹。事業只濁醪。營葺但草屋。上有記者。累奏資薄祿。主憂豈濟時。身遠彌曠職。修文廟算正。獻可天衢直。尙想趨朝廷。毫髮裨社稷。形骸今若是。進退委行色。

引水

月峽瞿唐雲作頂。

亂石崢嶸俗無井。

雲安沾水奴僕悲。

魚復移居心力省。

白帝城西萬竹蟠。

接筒引水喉不乾。

人生留滯生理難。

斗水何直百憂寬。

示獠奴阿段

山木蒼蒼落日曛。

竹竿裊裊細泉分。

那人入夜爭餘瀝。

豎子尋源獨不聞。

病渴三更廻白首。

傳聲一注濕青雲。

曾驚陶侃胡奴異。

怪爾常穿虎豹羣。

上白帝城

城峻隨天壁。樓高望女墻。

江流思夏后。

風至憶襄王。

老去聞悲角。

人扶報夕陽。

公孫初恃險。躍馬意何長。

上白帝城二首

江城含變態。一上一回新。

天欲今朝雨。

山歸萬古春。

英雄餘事業。

衰邁久風塵。

取醉他鄉客。相逢故國人。

兵戈猶擁蜀。

賦斂強輸秦。

不是煩形勝。

深愁畏損神。

【二】

白帝空祠廟。孤雲自往來。

江山城宛轉。

棟宇客徘徊。

勇略今何在。

當年亦壯哉。

後人將酒肉。虛殿日塵埃。

谷鳥鳴還過。

林花落又開。

多慙病無力。

騎馬入青苔。

陪諸公上白帝城頭宴越公堂之作

此堂存古制。城上俯江郊。

落構垂雲雨。

荒堦蔓草茅。

柱穿蜂溜蜜。

棧缺燕添巢。

坐接春杯氣。心傷豔藥梢。

英靈如過隙。

宴衍願投膠。

莫問東流水。

生涯未卽拋。

白帝城最高樓

城尖徑仄旌旄愁。

獨立縹緲之飛樓。

峽坼雲羸龍虎臥。

江清日抱鼉鼉遊。

扶桑西枝對斷石。

弱水東影隨長流。

杖藜嘆世者誰子。

泣血迸空回白頭。

武侯廟

遺廟丹青落。空山草木長。

猶聞辭後主。

不復臥南陽。

八陣圖

功蓋三分國。名成八陣圖。

江流石不轉。

遺恨失吞吳。

曉望白帝城鹽山

杜少陵詩集卷十五

一三一七

徐步攜斑杖。看山仰白頭。翠深開斷壁。紅遠結飛樓。日出清江望。喧和散旅愁。春城見松雪。始擬進歸舟。

澆頽堆

巨石水中央。江寒出水長。沈牛答雲雨。如馬戒舟航。天意存傾覆。神功接混茫。干戈連解纜。行止憶垂堂。

老病

老病巫山裏。稽留楚客中。藥殘他日裏。花發去年叢。夜足露沙雨。春多逆水風。合分雙賜筆。猶作一飄蓬。

近聞

近聞犬戎遠遁逃。牧馬不敢侵臨洮。渭水逶迤白日靜。隴山蕭瑟秋雲高。崆峒五原亦無事。北庭數有關中使。似聞贊普更求親。舅甥和好應難棄。

負薪行

夔州處女髮半華。四十五十無夫家。更遭喪亂嫁不售。一生抱恨長咨嗟。土風坐男使女立。男當門戶女出入。十有八九負薪歸。賣薪得錢應供給。至老雙鬢只垂顛。野花山葉銀釵竝。筋力登危集市門。死生射利兼鹽井。

面粧首飾雜啼痕。

地褊衣寒困石根。

若道巫山女蠶醜。

何得北有昭君郵。

最能行

峽中丈夫絕輕死。少在公門多在水。富豪有錢駕大舸。貧窮取給行艤子。小兒學問止論語。大兒結束隨商旅。敲帆側柁入波濤。撇漩梢瀆無險阻。朝發白帝暮江陵。頃來目擊信有徵。瞿唐漫天虎鬚怒。歸州長年行最能。此鄉之人器量窄。悞競南風疎北客。若道士無英俊才。何得山有屈原宅。

寄韋有夏郎中

省郎憂病士。書信有柴胡。飲子頻通汗。懷君想報珠。親知天畔少。藥餌峽中無。歸楫生衣臥。春鷗洗翅呼。猶聞上急水。早作取平塗。萬里皇華使。爲僚記腐儒。

峽中覽物

曾爲掾吏趨三輔。憶在潼關詩興多。巫峽忽如瞻華嶽。蜀江猶似見黃河。舟中得病移衾枕。洞口經春長薜蘿。形勝有餘風土惡。幾時回首一高歌。

憶鄭南

鄭南伏毒寺。瀟灑到江心。石影銜珠閣。泉聲帶玉琴。風杉曾略倚。雲嶠憶春臨。萬里蒼茫外。龍蛇只自深。

贈崔十三評事公輔

一三二〇

飄飄西極馬。來自渥洼池。飄飄塞山桂。低徊風雨枝。我聞龍正直。道屈爾何爲。且有元戎命。悲歌識者知。官聯辭冗長。行路徒敲危。脫劍主人贈。去帆春色隨。陰沈鐵鳳闕。教練羽林兒。天子朝侵早。雲臺仗數移。分軍應供給。百姓日支離。黠吏因封己。公才或守雌。燕王買駿骨。渭老得熊羆。活國名公在。拜壇羣寇疑。冰壺動瑤碧。野水失蛟螭。入幕諸彥集。渴賢高選宜。羣騰坐可致。九萬起於斯。復進出矛戟。昭然開鼎彝。會看之子貴。歎及老夫衰。豈但江曾決。還思霧一披。暗塵生古鏡。拂匣照西施。舅氏多人物。無慙困翻垂。

奉寄李十五秘書文巖二首

避暑雲安縣。秋風早下來。暫留魚復浦。同過楚王臺。猿鳥千崖窄。江湖萬里開。竹枝歌未好。畫舸莫遲回。

【二】

行李千金贈。衣冠八尺身。飛騰知有策。意度不無神。班秩兼通貴。公侯出異人。玄成負文彩。世業豈沈淪。

雷

大旱山嶽焦。密雲復無雨。南方瘴癘地。罹此農事苦。封內必剝雲。峽中喧擊鼓。真龍竟寂寞。土梗空僂俯。吁嗟公私病。稅斂缺不補。故老仰面啼。瘡痍向誰數。暴尪或前聞。鞭石非稽古。請先偃甲兵。處分聽人主。萬邦但各業。一物休盡取。水旱其數然。堯湯免親視。上天鑒金石。羣盜亂豺虎。二者存一端。愆陽不猶愈。昨宵殷其雷。風過齊萬弩。復吹靈醫散。虛覺神靈聚。氣喝腸胃融。汗濕衣裳污。吾衰尤計拙。失望築場圃。

火

楚山經月火。大旱則斯舉。舊俗燒蛟龍。驚惶致雷雨。爆嵌魑魅泣。崩凍嵐風吼。羅落沸百泓。根源皆太古。青林一灰燼。雲氣無處所。入夜殊赫然。新秋照牛女。風吹巨焰作。河漢騰煙柱。勢欲焚崑崙。光彌燉洲渚。腥至焦長蛇。聲吼經猛虎。神物已高飛。不見石與土。爾寧要謗論。憑此近焚侮。薄關長吏憂。甚味至精主。遠遷誰撲滅。將恐及環堵。流汗臥江亭。更深氣如縷。

熱三首

雷霆空霹靂。雲雨竟虛無。炎赫衣流汗。低垂氣不蘇。乞爲寒水玉。願作冷秋菰。何似兒童歲。風涼出舞雩。

【一】

瘴雲終不滅。瀘水復西來。閉戶人高臥。歸林鳥卻回。峽中都是火。江上只空雷。想見陰宮雪。風門颯杳開。

【三】

朱李沈不冷。彫胡炊屢新。將衰骨盡病。被喝味空頻。歛翁炎蒸景。飄飄征戍人。十年可解甲。爲爾一露巾。

夔州歌十絕句

中巴之東巴東山。江水開關流其閒。白帝高爲三峽鎮。瞿唐險過百牢關。

白帝夔州各異城。

蜀江楚峽混殊名。

英雄割據非天意。

霸王并吞在物情。

【三】

羣雄競起問前朝。

王者無外見今朝。

比訝漁陽結怨恨。

元聽舜日舊簫韶。

【四】

赤甲白鹽俱刺天。

閬閣繚繞接山巔。

楓林橘樹丹青合。

複道重樓錦繡懸。

【五】

瀼東瀼西一萬家。

江北江南春冬花。

背飛鶴子遺瓊藥。

相趁烏鵲入蔣牙。

【六】

東屯稻畦一百頃。

北有澗水通青苗。

晴浴狎鷗分處處。

雨隨神女下朝朝。

【七】

蜀麻吳鹽自古通。

萬斛之舟行若風。

長年三老長歌裏。

白晝攤錢高浪中。

【八】

憶昔咸陽都市合。

山水之圖張賣時。

巫峽曾經寶屏見。

楚宮猶對碧峰疑。

【九】

武侯祠堂不可忘。

中有松柏參天長。

干戈滿地客愁破。

雲日如火炎天涼。

【十】

閩風玄圃與蓬壺。

中有高唐天下無。

借問夔州壓何處。

峽門江腹擁城隅。

毒熱寄簡崔評事十六弟

大火運金氣。荆揚不知秋。林下有塌翼。水中無行舟。千室但掃地。閉關人事休。老夫轉不樂。旅次兼百憂。蝮蛇暮偃蹇。空床難暗投。炎宵惡明燭。況乃懷舊丘。開襟仰內弟。執熱露白頭。東帶負芒刺。接居成阻修。何當清霜飛。會子臨江樓。

載聞大易義。 諷詠詩家流。 蘊藉異時輩。 檢身非苟求。 皇皇使臣體。 信是德業優。 楚材擇杞梓。 漢苑歸驂驪。 短章達我心。 理為識者籌。

信行遠修水筒

汝性不茹葷。 清淨僕夫內。 秉心誠本源。 於事少凝滯。 雲端水筒坼。 林表山石碎。 觸熱藉子修。 通流與廚會。 往來四十里。 荒險崖谷大。 日曛驚未餐。 貌赤愧相對。 浮瓜供老病。 裂餅嘗所愛。 於斯答恭謹。 足以殊殿最。 詎要方士符。 何假將軍佩。 行諸直如筆。 用意崎嶇外。

催宗文樹雞柵

吾衰怯行邁。 旅次展崩迫。 愈風傳烏雞。 秋卵方漫喫。 自春生成者。 隨母向百翻。 驅趁制不禁。 喧呼山腰宅。 踏藉盤案翻。 終日憎赤幘。 課奴殺青竹。 寒蹊之隔。 墻東有隙地。 可以樹高柵。 織籠曹其內。 令入不得擲。 稀閒苦突過。 背距還汚席。 避熱時來歸。 問兒所為跡。 我寬螻蟻遭。 彼免狐貉厄。 應宜各長幼。 自此均勦敵。 籠柵念有修。 近身見損益。 明明領處分。 一一當剖析。 不味風雨晨。 亂離減憂感。 其流則凡鳥。 其氣心匪石。 倚賴窮歲晏。 撥煩及冰釋。 未似尸鄉翁。 拘雷蓋阡陌。

貽華陽柳少府

繫馬喬木閒。 問人野寺門。 柳侯披衣笑。 見我顏色溫。 竝坐石堂下。 俛視大江奔。 火雲洗月露。 絕壁上朝暉。 自非曉相訪。 觸熱生病根。 南方六七月。 出入異中原。 老少多嗔死。 汗踰水漿翻。 俊才得之子。 筋力不辭煩。 指揮當世事。 語及戎馬存。 涕淚濺衣裳。 悲風排帝關。 鬱陶抱長策。 義仗知者論。 吾衰臥江漢。 但媿識瓊潘。 文章一小技。 於道未為尊。 起予幸斑白。 因是託子孫。 俱客古信州。 結廬依毀垣。 相去四五里。 徑微山葉繁。 時危抱佳士。 況免軍旅喧。 醉從趙女舞。 歌鼓秦人盆。 子壯願我傷。 我驩兼淚痕。 餘生如過鳥。 故里今空邨。

七月三日亭午已後。 校熱退。 晚加小涼。 穩睡有詩。 因論壯年樂事。 戲呈元二十一曹長。

今茲商用事。 餘熱亦已末。 衰年旅炎方。 生意從此活。 亭午減汗流。 比鄰耐人聒。 晚風爽鳥匿。 筋力蘇摧折。 閉目踰十句。 大江不止渴。 退藏恨雨師。 健步聞旱魃。 園蔬抱金玉。 無以供採掇。 密雲雖聚散。 徂暑終衰歇。 前聖查焚巫。 武王親救暍。 陰陽相主客。 時序遞回斡。 灑落惟清秋。 昏靈一空闕。 蕭蕭紫塞雁。 南向欲行列。 歎思紅顏日。 霜露凍堦闥。 胡馬挾雕弓。 鳴弦不虛發。 長鉏逐狡兔。 突羽當滿月。

惆悵白頭吟。蕭條遊俠窟。臨軒望山閣。縹緲安可越。高人鍊丹砂。未念將朽骨。少壯跡頗疎。歡樂會倏忽。杖藜風塵際。老醜難剪拂。吾子得神仙。本是池中物。賤夫美一睡。煩促嬰詞筆。

牽牛織女

牽牛出河西。織女處其東。萬古永相望。七夕誰見同。神光竟難候。此事終蒙瞶。颯然精靈合。何必秋遂逢。亭亭新粧立。龍駕具層空。世人亦為爾。祈請走兒童。稱家隨豐儉。白屋達公宮。膳夫翊堂殿。鳴玉淒房櫺。曝衣遍天下。曳月揚微風。蛛絲小人態。曲綴瓜果中。初筵衰重露。日出甘所終。嗟汝未嫁女。秉心鬱忡忡。防身動如律。竭力機杼中。雖無舅姑事。敢昧織作功。明明君臣契。咫尺或未容。義無棄禮法。恩始夫婦恭。小大有佳期。戒之在至公。方圓苟齟齬。丈夫多英雄。

雨

峽雲行清曉。煙霧相徘徊。風吹蒼江樹。雨灑石壁來。淒涼生餘寒。殷殷兼出雷。白谷變氣候。朱炎安在哉。高鳥濕不下。居人門未開。楚宮久已滅。幽珮為誰哀。侍臣書王夢。賦有冠古才。冥冥翠龍駕。多自巫山臺。

雨

行雲遞崇高。飛雨霽而至。潺潺石閒溜。汨汨松上駛。亢陽乘秋熱。百穀皆已棄。皇天德澤降。熈卷有生意。前雨傷卒暴。今雨喜容易。不可無雷霆。閒作鼓增氣。佳聲達中宵。所望時一致。清霜九月天。粵粵見滯穗。郊扉及我私。我圃日蒼翠。恨無抱甕力。庶減臨江費。

雨二首

青山澹無姿。白露誰能數。片片水上雲。蕭蕭沙中雨。殊俗狀巢居。層臺俯風渚。佳客適萬里。沈思情延佇。掛帆遠色外。驚浪滿吳楚。久陰蛟螭出。寇盜復幾許。

【一】

空山中宵陰。微冷先枕席。回風起清曙。萬象萎已碧。落落出岫雲。渾渾倚天石。日假何道行。雨含長江白。連橋荆州船。有士荷戈戟。南防草鎮慘。露濕赴遠役。羣盜下辟山。總戎備強敵。水深雲光廓。鳴鷓各有適。漁艇息悠悠。夷歌負樵客。留滯一老翁。書時記朝夕。

江上

江上日多雨。蕭蕭荆楚秋。高風下木葉。永夜攪貂裘。勳業頻看鏡。行藏獨倚樓。

時危思報主。衰謝不能休。

雨晴

雨時山不改。晴罷峽如新。天路看殊俗。秋江思殺人。有猿揮淚盡。無犬附書頻。故國愁眉外。長歌欲損神。

雨不絕

鳴雨既過漸細微。映空搖颺如絲飛。堦前短草泥不亂。院裏長條風乍稀。舞石旋應將乳子。行雲莫自濕仙衣。眼邊江舸何匆促。未待安流逆浪歸。

晚晴

返照斜初徹。浮雲薄未歸。江虹明遠飲。峽雨落餘飛。鳧雁終高去。熊羆覺自肥。秋分客尚在。竹露夕微微。

雨

萬木雲深隱。連山雨未開。風扉掩不定。水鳥過仍迴。鮫館如鳴杼。樵舟豈伐枚。清涼破炎毒。衰意欲登臺。

奉漢中王手札

國有乾坤大。王今叔父尊。剖符來蜀道。歸蓋取荆門。峽險通舟峻。江長注海奔。

主人留上客。避暑得名園。前後絨書報。分明饌玉恩。天雲浮絕壁。風竹在華軒。已覺良宵永。何看骸浪翻。入期朱邸雪。朝傍紫微垣。枚乘文章老。河閒禮樂存。悲秋宋玉宅。失路武陵源。淹泊俱崖口。東西異石根。夷音迷咫尺。鬼物倚朝昏。犬馬誠爲戀。狐狸不足論。從容草奏罷。宿昔奉清樽。

返照

楚王宮北正黃昏。白帝城西過雨痕。返照入江翻石壁。歸雲擁樹失山邨。衰年病肺惟高枕。絕塞愁時早閉門。不可久留豺虎亂。南方實有未招魂。

晴二首

久雨巫山暗。新晴錦繡文。碧知湖外草。紅見海東雲。竟日鶯相和。摩霄鶴數羣。野花乾更落。風處急紛紛。

【二】

啼鳥爭引子。鳴鶴不歸林。下食遭泥去。高飛恨久陰。雨聲衝塞盡。日氣射江深。回首周南客。驅馳魏闕心。

雨

始賀天休雨。還嗟地出雷。驟看浮峽過。密作渡江來。牛馬行無色。蛟龍鬪不開。

干戈盛陰氣。未必自陽臺。

殿中楊監見示張旭草書圖

斯人已云亡。草聖祕難得。及茲煩見示。滿目一悽惻。悲風生微綃。萬里起古色。鏘鏘鳴玉動。落落羣松直。連山蟠其間。溟漲與筆力。有練實先書。臨池真盡墨。俊拔爲之主。暮年思轉極。未知張王後。誰竝百代則。嗚呼東吳精。逸氣感清識。楊公拂篋筒。舒卷忘寢食。念昔揮毫端。不獨觀酒德。

楊監又出畫鷹十二扇

近時馮紹正。能畫鷲鳥樣。明公出此圖。無乃傳其狀。殊姿各獨立。清絕心有向。疾禁千里馬。氣敵萬人將。憶昔驪山宮。冬移含元仗。天寒大羽獵。此物神俱王。當時無凡材。百中皆用壯。粉墨形似閒。識者一惆悵。干戈少暇日。眞骨老崖嶂。爲君除狡兔。會是翻朝上。

送殿中楊監赴蜀見相公

去水絕還波。洩雲無定姿。人生在世間。聚散亦暫時。離別重相逢。偶然豈足期。送子清風暮。風物長年悲。豪俊貴勳業。邦家頻出師。相公鎮梁益。軍事無子遺。解榻再見今。用才復擇誰。況子已高位。爲郡得固辭。難拒供給費。慎哀漁奪私。

干戈未甚息。綱紀正所持。汎舟巨石橫。登陸草露滋。山門日易夕。當念居者思。

贈李十五丈別

峽人鳥獸居。其室附層巖。下臨不測江。中有萬里船。多病紛倚薄。少畱改歲年。絕域誰慰懷。開顏喜名賢。孤陋忝末親。等級敢比肩。人生意氣合。相與襟袂連。一日兩遣僕。三日一共筵。揚論展寸心。壯筆過飛泉。玄成美價存。子山舊業傳。不聞八尺軀。常受衆目憐。且爲辛苦行。蓋被生事牽。北廻白帝棹。南入黔陽天。沂公制方隅。迴出諸侯先。封內如太古。時危獨蕭然。清高金掌露。正直朱絲絃。昔在堯四岳。今之黃穎川。于邁恨不同。所思無由宣。山深水增波。解榻秋露懸。客遊雖云久。主要月再圓。晨集風渚亭。醉操雲嶠篇。丈夫貴知己。歡罷念歸旋。

種萑苴并序

既雨已秋。堂下理小畦。隔種一兩席。許萑苴。向二句矣。而苴不甲拆。獨野芻青青。傷時君子。或晚得微祿。轆轤不進。因作此詩。

陰陽一錯亂。驕蹇不復理。枯旱于其中。炎方慘如燬。植物半蹉跎。嘉生將已矣。雲雷歛奔命。師伯集所使。指揮赤白日。涸洞青光起。雨聲先以風。散足盡西靡。山泉落滄江。霹靂猶在耳。終朝紆颯杳。信宿罷瀟灑。堂下可以畦。呼童對經始。

昔兮蔬之常。隨事覓其子。破塊數席閒。荷鋤功易止。兩句不甲拆。空情埋泥滓。
 野菟迷汝來。宗生實於此。此輩豈無秋。亦蒙寒露委。翻然出地速。滋蔓戶庭毀。
 因知邪干正。掩抑至沒齒。賢良雖得祿。守道不封己。擁塞敗芝蘭。衆多盛荆杞。
 中園陷蕭艾。老圃永爲恥。登於白玉盤。藉以如霞綺。竟也無所施。胡顏入筐篚。

白帝

白帝城中雲出門。白帝城下雨翻盆。高江急峽雷霆鬪。翠木蒼藤日月昏。
 戎馬不如歸馬逸。千家今有百家存。哀哀寡婦誅求盡。慟哭秋原何處邨。

黃草

黃草峽西船不歸。赤甲山下人行稀。秦中驛使無消息。蜀道兵戈有是非。
 萬里秋風吹錦水。誰家別淚濕羅衣。莫愁劔閣終堪據。聞道松州已被圍。

白鹽山

卓立羣峰外。蟠根積水邊。他皆任厚地。爾獨近高天。白勝千家邑。清秋萬估船。
 詞人取佳句。刻畫竟誰傳。

謁先主廟

慘澹風雲會。乘時各有人。力侔分社稷。志屈偃經綸。復漢甯長策。中原仗老臣。

雜耕心未已。歐血事酸辛。霸氣西南歇。雄圖曆數屯。錦江元過楚。劔閣復通秦。
 舊俗存祠廟。空山立鬼神。虛簷交鳥道。枯木半龍鱗。竹送清溪月。苔移玉座春。
 閭閻兒女換。歌舞歲時新。絕域歸舟遠。荒城繫馬頻。如何對搖落。況乃久風塵。
 孰與關張竝。功臨耿鄧親。應天才不小。得士契無鄰。遲暮堪帷幄。飄零且釣緝。
 向來憂國淚。寂寞灑衣巾。

古柏行

孔明廟前有老柏。柯如青銅根如石。霜皮溜雨四十圍。黛色參天二千尺。
 雲來氣接巫峽長。月出寒通雪山白。君臣已與時際會。樹木猶爲人愛惜。
 憶昨路繞錦亭東。先主武侯同閭宮。崔嵬枝幹郊原古。窈窕丹青戶牖空。
 落落盤踞雖得地。冥冥孤高多烈風。扶持自是神明力。正直元因造化功。
 大厦如傾要梁棟。萬牛廻首丘山重。不露文章世已驚。未辭剪伐誰能送。
 苦心豈免容螻蟻。香葉終經宿鸞鳳。志士幽人莫怨嗟。古來材大難爲用。

杜少陵詩集卷十六

諸將五首

漢朝陵墓對南山。見愁汗馬西戎逼。

胡虜千秋向入關。曾閃朱旗北斗殷。

昨日玉魚蒙葬地。多少材官守涇渭。

早時金盃出入關。將軍且莫破愁顏。

【二】

韓公本意築三城。胡來不覺潼關隘。

擬絕天驕拔漢旌。龍起猶聞晉水清。

豈謂盡煩回紇馬。獨使至尊憂社稷。

翻然遠救朔方兵。諸君何以答升平。

【三】

洛陽宮殿化為烽。朝廷衰職誰爭補。

休道秦關百二重。天下軍儲不自供。

滄海未全歸禹貢。稍喜臨邊王相國。

薊門何處盡堯封。肯銷金甲事春農。

【四】

迴首扶桑銅柱標。殊錫曾爲大司馬。

冥冥氛祲未全銷。總戎皆插侍中貂。

越裳翡翠無消息。炎風朔雪天王地。

南海明珠久寂寥。只在忠臣翊聖朝。

【五】

錦江春色逐人來。主恩前後三持節。

巫峽清秋萬壑哀。軍令分明數舉杯。

正憶往時嚴僕射。西蜀地形天下險。

共迎中使望鄉臺。安危須仗出羣材。

八哀詩

傷時盜賊未息。興起王公李公。嘆舊懷賢。終於張相國。八公前後存歿。遂不銓次焉。

【一】贈司空王公思禮

司空出東夷。童稚刷勁翮。追隨幽薊兒。穎銳物不隔。服事哥舒翰。意無流沙磧。未甚拔行閒。犬戎大充斥。短小精悍姿。屹然強寇敵。貫穿百萬衆。出入由咫尺。馬鞍懸將首。甲外控鳴鏑。洗劍青海水。刻銘天山石。九曲非外蕃。其王轉深壁。飛兔不近駕。鸞鳥資遠擊。曉達兵家流。飽聞春秋癖。胸襟日沈靜。肅肅自有適。潼關初潰散。萬乘猶辟易。偏裨無所施。元帥見手格。太子入朔方。至尊狩梁益。胡馬纏伊洛。中原氣甚逆。肅宗登寶位。塞望勢敦迫。公時徒步至。請罪將厚責。際會清河公。閒道傳玉冊。天王拜跪畢。讜論果冰釋。翠華卷飛雪。熊虎互阡陌。屯兵鳳凰山。帳殿涇渭關。金城賊咽喉。詔鎮雄所搃。禁暴靖無雙。爽氣春淅瀝。巷有從公歌。野多青青麥。及夫哭廟後。復領太原役。恐懼祿位高。悵望王土窄。

不得見清時。嗚呼就寃笮。永繫五湖舟。悲甚田橫客。千秋汾晉閒。事與雲水白。昔觀文苑傳。豈述廉頗績。嗟嗟鄧大夫。士卒終倒戟。

【二】故司徒李公光弼

司徒天寶末。北收晉陽甲。胡騎攻吾城。愁寂意不愜。人安若泰山。薊北斷右脅。朔方氣乃蘇。黎首見帝業。二宮泣西郊。九廟起頽壓。未散河陽卒。思明僞臣妾。復自碣石來。火焚乾坤獵。高視笑祿山。公又大獻捷。異王冊崇勳。小敵信所怯。擁兵鎮汴河。千里初妥貼。青蠅紛營營。風雨秋一葉。內省未入朝。死淚終映睫。大屋去高棟。長城掃遺堞。平生白羽扇。零落蛟龍匣。雅望與英姿。悽愴槐里接。三軍晦光彩。烈士痛稠疊。直筆在史臣。將來洗筐篋。吾思哭孤冢。南紀阻歸楫。扶顛永蕭條。未濟失利涉。疲茶竟何人。灑淚巴東峽。

【三】贈左僕射鄭國公嚴公武

鄭公瑚璉器。華岳金天品。昔在童子日。已聞老成名。巖然大賢後。復見秀骨清。開口取將相。小心事女生。閱書百氏盡。落筆四座驚。歷職匪父任。嫉邪嘗力爭。漢儀尙整肅。胡騎忽縱橫。飛傳自河隴。逢人問公卿。不知萬乘出。雪涕風悲鳴。受辭劍閣道。謁帝蕭關城。寂寞雲臺仗。飄飄沙塞旌。江山少使者。笳鼓疑皇情。

壯士血相視。忠臣氣不平。密論貞觀體。揮發岐陽征。感激動四極。聯翩收二京。西郊牛酒再。原廟丹青明。匡汲俄寵辱。衛霍竟哀榮。四登會府地。三掌華陽兵。京兆空柳色。尙書無履聲。羣鳥自朝夕。白馬休橫行。諸葛蜀人愛。文翁儒化成。公來雪山重。公去雪山輕。記室得何遜。船鈴延子荆。四郊失壁壘。虛館開蓬迎。堂上指圖畫。軍中吹玉笙。豈無成都酒。憂國只細傾。時觀錦水釣。問俗終相并。意待犬戎滅。人藏紅粟盈。以茲報主願。庶獲裨世程。炯炯一心在。沈沈二豎嬰。顏回竟短折。賈誼徒忠貞。飛旄出江漢。孤舟轉荆衡。虛橫馬融笛。悵望龍驤聲。空餘老賓客。身上愧簪纓。

【四】贈太子太師汝陽郡王璵

汝陽讓帝子。眉宇真天人。虬髯似太宗。色映塞外春。往者開元中。主恩視遇頻。出入獨非時。禮異見羣臣。愛其謹潔極。倍此骨肉親。從容聽朝後。或在風雪晨。忽思格猛獸。苑囿騰清塵。羽旗動若一。萬馬肅駘駘。詔王來射雁。拜命已挺身。箭出飛鞞內。上又回翠麟。翻然紫塞關。下拂明月輪。從人雖獲多。天笑不爲新。王每中一物。手自與金銀。袖中諫獵書。扣馬久上陳。竟無銜槩虞。聖聰矧多仁。官免供給費。水有在藻鱗。匪惟帝老大。皆是王忠勤。晚年務置醴。門引申白賓。道大容無能。永懷侍芳茵。好學尙貞烈。義形必霑巾。揮翰綺繡揚。篇什若有神。

川廣不可泝，墓久狐兔鄰。宛彼漢中郡，文雅見天倫。何以慰我悲，泛舟俱遠津。溫溫昔風味，少壯已書紳。舊游易磨滅，哀謝增酸辛。

【五】贈秘書監江夏李公邕

長嘯宇宙閒，高才日陵替。古人不可見，前輩復誰繼。憶昔李公存，詞林有根柢。聲華當健筆，灑落富清製。風流散金石，追琢山岳銳。情窮造化理，學貫天人際。干謁走其門，碑版照四裔。各滿深望還，森然起凡例。蕭蕭白楊路，洞徹寶珠惠。龍宮塔廟湧，浩劫浮雲衛。宗儒俎豆事，故吏去思計。眎味已皆虛，跋涉曾不泥。向來映當時，豈獨勸後世。豐屋珊瑚鉤，麒麟織成罽。紫駟隨劔几，義取無虛歲。分宅脫驂閒，感激懷未濟。衆歸矚給美，擺落多藏穢。獨步四十年，風聽九臯唳。嗚呼江夏姿，竟掩宣尼袂。往者武后朝，引用多寵嬖。否臧太常議，面折二張勢。衰俗凜生風，排蕩秋旻霽。忠貞負冤恨，宮闕深旒綴。放逐早聯翩，低垂困炎瘴。日斜鵬鳥入，魂斷蒼梧帝。榮枯走不暇，星駕無安稅。幾分漢庭竹，夙擁文侯篲。終悲洛陽獄，事近小臣斃。禍階初負謗，易力何深嗜。伊昔臨淄亭，酒酣託未契。重敍東都別，朝陰改軒砌。論文到崔蘇，指盡流水逝。近伏盈川雄，未甘特進麗。是非張相國，相扼一危脆。爭名古豈然，關鍵款不閉。例及吾家詩，曠懷掃氛翳。

慷慨嗣真作，咨嗟玉山桂。鐘律儼高懸，鯤鯨噴遐逝。坡陀青州血，燕沒汶陽瘞。哀贈竟蕭條，恩波延褐厲。子孫存如綫，舊客舟凝滯。君臣尚論兵，將帥接燕薊。明詠六公篇，憂來豁蒙蔽。

【六】故秘書少監武功蘇公源明

武功少也孤，徒步客徐兗。讀書東獄中，十載考墳典。時下萊蕪郭，忍饑浮雲岫。負米晚為身，每食臉必泣。夜子照蕪薪，垢衣生碧蘚。庶以勤苦志，報茲劬勞願。學蔚醇儒姿，文包舊史善。灑落辭幽人，歸來潛京輦。射君東堂策，宗匠集精選。制可題未乾，乙科已大闢。文章日自負，掾吏亦累踐。晨趨闕闕內，足踏宿昔趼。一麾出守還，黃屋逆風卷。不暇陪八駿，虜庭悲所遣。平生滿樽酒，斷此朋知展。憂憤病二秋，有恨石可轉。肅宗復社稷，得無順逆辨。范擘顧其兒，李斯憶黃犬。秘書茂松色，再扈祠壇墀。前後百卷文，枕藉皆禁樹。篆刻揚雄流，溟漲本末淺。青瑩芙蓉劍，犀兕豈獨朝。反為後輩囊，予實苦懷緬。煌煌齋房芝，事絕萬手攀。垂之俟來者，正始徵勸勉。不要懸黃金，胡為投乳臂。結交三十載，吾與誰游衍。榮陽復冥寞，罪罟已橫貫。嗚呼子逝日，始泰則終蹇。長安米萬錢，測喪盡餘喘。戰伐何當解，歸帆阻清河。尚纏涼水疾，永負蒿里餞。

【七】故著作郎貶台州司戶榮陽鄭公虔

鷄居至魯門。不識鐘鼓聲。孔翠望赤霄。愁思雕籠養。榮陽冠衆儒。早聞名公賞。地崇士大夫。況乃氣精爽。天然生知資。學立游夏上。神農或闕漏。黃石愧師長。藥纂西極名。兵流指諸掌。貫穿無遺恨。蒼葢何技痒。圭臬星經奧。蟲篆丹青廣。子雲窺未遍。方朔諧太枉。神翰顧不一。體變鍾兼兩。文傳天下口。大字猶在榜。昔獻書畫圖。新詩亦俱往。滄洲動玉陛。寡鶴誤一響。三絕自御題。四方尤所仰。嗜酒益疎放。彈琴視天壤。形骸實土木。親近惟几杖。未曾寄官曹。突兀倚書幌。晚就芸香閣。胡塵昏塊莽。反覆歸聖朝。點染無滌盪。老蒙台州掾。遐泛浙江漿。履穿四明雪。餓拾梅溪橡。空聞紫芝歌。不見杏壇丈。天長眺東南。秋色餘烟颺。別離慘至今。斑白徒懷曩。春深秦山秀。葉墜清渭朝。劇談王侯門。野稅林下鞅。操紙終夕酣。時物集遐想。詞場竟疎闊。平昔濫推獎。百年見存歿。牢落吾安放。蕭條阮咸在。出處同世網。他日訪江樓。含懷述瓢蕩。

【八】故右僕射相國曲江張公九齡

相國生南紀。金璞無畱礦。仙鶴下人間。獨立霜毛整。矯然江海思。復與雲路永。寂寞想土堦。未遑等箕穎。上君白玉堂。倚君金華省。碣石巖崢嶸。天池日蛙黷。

退食吟大庭。何心記棗梗。骨驚畏曩哲。誠變負人境。雖蒙換錦冠。右地恩多幸。敢忘二疏歸。痛迫蘇耽井。紫綬映暮年。荊州謝所領。庾公典不淺。黃霸鎮每靜。賓客引調同。諷詠在務屏。詩罷地有餘。篇終語清省。一陽發陰管。淑氣含公鼎。乃知君子心。用才文章境。散帙起翠螭。倚薄巫廬竝。綺麗玄暉擁。戩諫任昉聘。自我一家則。未闕隻字警。千秋滄海南。名繫朱鳥影。歸老守故林。戀闕情延頸。泣濤良史筆。燕絕大庾嶺。向時禮數隔。制作難上請。再讀徐孺碑。猶思理煙艇。

夔府書懷四十韻

昔罷河西尉。初興薊北師。不才名位晚。敢恨省郎遲。扈聖崆峒日。端居滬澗時。萍流仍汲引。糴散尚恩慈。遂阻雲臺宿。常懷湛露詩。翠華森遠矣。白首颯淒其。拙披林泉滯。生逢酒賦欺。文園終寂寞。漢閣自磷緇。病隔君臣議。慚紆德澤私。揚鑿驚主辱。拔劍撥年衰。社稷經綸地。風雲際會期。血流紛在眼。涕灑亂交頤。四瀆樓船汎。中原鼓角悲。賊壕連白翟。戰瓦落丹墀。先帝殿靈寢。宗臣切受遺。恆山猶突騎。遼海競張旗。田父嗟膠漆。行人避蒺藜。總戎存大體。降將飾卑詞。楚貢何年絕。堯封舊俗疑。長吁翻北寇。一望卷西夷。不必陪玄圃。超然待具茨。凶兵鑄農器。講殿闢書帷。廟算高難測。天憂實在茲。形容真潦倒。答效莫支持。

使者分王命。羣公各典司。恐乖均賦斂。不似問瘡痍。萬里煩供給。孤城最怨思。
 綠林寧小患。雲夢欲難追。卽事須管轄。蒼生可察眉。議堂猶集鳳。貞觀是元龜。
 處處喧飛檄。家家急競錐。蕭車安不定。蜀使下何之。釣瀨疎墳籍。耕巖進奕棋。
 地蒸餘破扇。冬暖更織絺。豺遶哀登楚。麟傷泣象尼。衣冠迷適越。藻繪憶遊睢。
 賞月延秋桂。傾陽逐露葵。大庭終反撲。京觀且僵尸。高枕虛眠晝。哀歌欲和誰。
 南宮載勳業。凡百慎交綏。

往在

往在西京日。胡來滿彤宮。中宵焚九廟。雲漢爲之紅。解瓦飛十里。總帷紛會空。
 疚心惜木主。一一灰悲風。合昏排鐵騎。清曉散錦幃。賊臣表逆節。相賀以成功。
 是時妃嬪戮。連爲糞土叢。當宁陷玉座。白刃剝畫蟲。不知二聖處。私泣百歲翁。
 車駕既云還。楫桷歛穹崇。故老復涕泗。祠官樹椅桐。宏壯不如初。已見帝力雄。
 前春禮郊廟。祀事親聖躬。微軀忝近臣。景從陪羣公。登階捧玉冊。峩崑聆金鐘。
 侍祠惡先路。掖垣邇濯龍。天子惟孝孫。五雲起九重。鏡奩換粉黛。翠羽猶恣臚。
 前者厭羯胡。後來遭大戎。俎豆腐羶肉。罌罍行角弓。安得自西極。申命空山東。
 盡軀詣闕下。士庶塞關中。主將曉逆順。元元歸始終。一朝自罪己。萬里車書通。

鋒鏑供鋤犁。征戍聽所從。冗官各復業。士著還力農。君臣節儉足。朝野懽呼同。
 中興似國初。繼體如太宗。端拱納諫諍。和風日冲融。赤墀櫻桃枝。隱映銀絲籠。
 千春薦靈寢。永永垂無窮。京都不再火。涇渭開愁容。歸號故松柏。老去苦飄蓬。

昔遊

昔者與高李。晚登單父臺。寒蕪際碣石。萬里風雲來。桑柘葉如雨。飛蕘去徘徊。
 清霜大澤凍。禽獸有餘哀。是時倉廩實。洞達寰區開。猛士思滅胡。將帥望三台。
 君王無所惜。駕馭英雄材。幽燕盛用武。供給亦勞哉。吳門轉粟帛。泛海陵蓬萊。
 肉食三十萬。獵射起黃埃。隔河憶長眺。青歲已摧頹。不及少年日。無復故人杯。
 賦詩獨流涕。亂世想賢才。有能市駿骨。莫恨少龍媒。商山議得失。蜀主脫嫌疑。
 呂尚封國邑。傅說已鹽梅。景晏楚山深。水鶴去低回。龐公任本性。攜子臥蒼苔。

壯遊

往者十四五。出遊翰墨場。斯文崔魏徒。以我似班揚。七齡思卽壯。開口詠鳳皇。
 九齡書大字。有作成一囊。性豪業嗜酒。嫉惡懷剛腸。脫落小時輩。結交皆老蒼。
 飲酣視八極。俗物多茫茫。東下姑蘇臺。已具浮海航。到今有遺恨。不得窮扶桑。
 王謝風流遠。閩閩丘墓荒。劔池石壁仄。長洲芰荷香。嗟峨閩門北。清廟映廻塘。

每趨吳太伯。撫事淚浪浪。蒸魚聞七首。除遣晒要章。枕戈憶勾踐。渡浙想秦皇。
 越女天下白。鑑湖五月涼。刻溪蘊秀異。欲罷不能忘。歸帆拂天姥。中歲貢舊鄉。
 氣劇屈賈壘。目短曹劉墻。忤下考功第。獨辭京尹堂。放蕩齊趙間。裘馬頗清狂。
 春歌叢臺上。冬獵青丘旁。呼鷹阜樾林。逐獸雲雪岡。射飛曾縱綵。引臂落鵝鶩。
 蘇侯據鞍喜。忽如攜葛彊。快意八九年。西歸到咸陽。許與必詞伯。賞遊實賢王。
 曳裾置醴地。奏賦入明光。天子廢食召。羣公會軒裳。脫身無所愛。痛飲信行藏。
 黑貂寧免敝。斑鬢兀稱觴。杜曲晚香舊。四郊多白楊。坐深鄉黨敬。日覺死生忙。
 朱門任傾奪。赤族迭羅殃。國馬竭粟豆。官雞輸稻粱。舉隅見煩費。引古惜興亡。
 河朔風塵起。岷山行幸長。兩宮各警蹕。萬里遙相望。崆峒殺氣黑。少海旌旗黃。
 禹功亦命子。涿鹿親戎行。翠華擁吳岳。驪虎噉豺狼。爪牙一不中。胡兵更陸梁。
 大軍載草草。涸祭滿膏肓。備員竊補衮。憂憤心飛揚。上感九廟焚。下憫萬民瘡。
 斯時伏青蒲。廷諍守御牀。君辱敢愛死。赫怒幸無傷。聖哲體仁恕。字縣復小康。
 哭廟灰燼中。鼻酸朝未央。小臣議論絕。老病客殊方。鬱鬱苦不展。羽翮困低昂。
 秋風動哀壑。碧蕙捐微芳。之推避賞從。漁父濯滄浪。榮華激動樂。歲暮有嚴霜。
 吾觀鸚夷子。才格出尋常。羣兇逆未定。側佇英俊翔。

遺 悽

昔我遊宋中。惟梁孝王都。名今陳雷亞。劇則貝魏俱。邑中九萬家。高棟照通衢。
 舟車半天下。主客多歡娛。白刃讎不義。黃金傾有無。殺人紅塵裏。報答在斯須。
 憶與高李輩。論交入酒壚。兩公壯藻思。得我色敷腴。氣酣登吹臺。懷古視平蕪。
 芒碭雲一去。雁鷺空相呼。先帝正好武。寰海未凋枯。猛將收西域。長戟破林胡。
 百萬攻一城。獻捷不云輸。組練去如泥。尺土負百夫。拓境功未已。元和辭大壚。
 亂離朋友盡。合沓歲月徂。吾衰將焉託。存歿再嗚呼。蕭條益堪愧。獨在天一隅。
 乘黃已去矣。凡馬徒區區。不復見顏鮑。繫舟臥荆巫。臨餐吐更食。常恐違撫孤。
 奉漢中王手札報韋侍御蕭尊師亡
 秋日蕭韋逝。淮王報峽中。少年疑柱史。多術怪仙公。不但時人惜。祇應吾道窮。
 一哀侵疾病。相識自兒童。處處家鄰笛。飄飄客子蓬。強吟懷舊賦。已作白頭翁。
 存歿口號二首
 席謙不見近彈棊。畢耀仍傳舊小詩。玉局他年無限事。白楊今日幾人悲。

【二】

鄭公粉繪隨長夜。曹霸丹青已白頭。天下何曾有山水。人間不解重驩驪。

杜少陵詩集卷十七

贈李八秘書別三十韻

往時中補右。扈蹕上元初。反氣凌行在。妖星下直廬。六龍瞻漢殿。萬騎略姚墟。
 玄朔迴天步。神都憶帝車。一戎纔汗馬。百姓免爲魚。通籍蟠螭印。差肩列鳳輿。
 事殊迎代邸。喜異賞朱虛。寇盜方歸順。乾坤欲宴如。不才同補袞。奉詔許牽裾。
 鴛鷺叨雲閣。駢驎滯石渠。文園多病後。中散舊交疎。飄泊哀相見。平生意有餘。
 風煙巫峽遠。臺榭楚宮虛。觸目非論故。新文尙起予。清秋凋碧柳。別浦落紅蕖。
 消息多旗幟。經過歎里閭。戰連唇齒國。軍急羽毛書。幕府籌頻問。山家藥正鋤。
 台星入朝謁。使節有吹嘘。西蜀災長弭。南翁憤始摠。對敗抗士卒。乾沒費倉儲。
 勢藉兵須用。功無禮忽諸。御鞍金腰裏。宮硯玉蟾蜍。拜舞銀鉤合。恩波錦帕舒。
 此行非不濟。良友昔相於。去掉依顏色。沿流想疾徐。沈綿疲井臼。倚薄似樵漁。
 乞米煩佳客。鈔詩聽小胥。杜陵斜晚照。涵水帶寒淤。莫話清溪髮。蕭蕭白映梳。

中夜

中夜江山靜。危樓望北辰。長爲萬里客。有愧百年身。故國風雲氣。高堂戰伐塵。
 胡雛負恩澤。嗟爾太平人。

垂白

垂白馮唐老。清秋宋玉悲。江喧長少睡。樓迴獨移時。多難身何補。無家病不辭。
 甘從千日醉。未許七哀詩。

中宵

西閣百尋餘。中宵步綺疏。飛星過水白。落月動沙虛。擇木知幽鳥。潛波想巨魚。
 親朋滿天地。兵甲少來書。

不寐

瞿唐夜水黑。城內改更籌。翳翳月沈霧。輝輝星近樓。氣衰甘少寐。心弱恨容愁。
 多壘滿山谷。桃源何處求。

送十五弟侍御使蜀

喜弟文章進。添余別興牽。數杯巫峽酒。百丈內江船。未息豺狼鬪。空催犬馬年。
 歸朝多便道。搏擊望秋天。

江月

杜少陵詩集卷十七